

दिग्बिजरी

श्रीयोगेशचन्द्र चौधुरी प्रणीत

प्रथम अभिनय :

शुक्रवार, २८थे अग्रहायण १९३५, इं १४ई डिसेम्बर १९२८

नाट्यमन्दिर—१०८, कर्णওয়ালिस स्ट्रीट, कलिकाता ।

প্রকাশক :
শ্রীশ্রীশ্রীশ্রী চৌধুরী
৫০।২, রাজা রাজবল্লভ ট্রা
কলিকাতা।

৮২'৫
শ্রীশ্রীশ্রীশ্রী

Uttarpara Jaikrishna Public Library
Gift No. 2086 Date. 21.5.02

B2086

মুদ্রাকর :
বি, সি, শেঠ,
• "দি প্রিটিং হাউস",
৮২, বলরাম দে ট্রা, কলিকাতা.

উৎসর্গ

নাট্যজগতে 'দিথিজয়া' বন্ধুবর

শ্রী স্মৃক্ত শিশিরকুমার ভাদুড়ী

মহাশয়ের করকমলে—

শিশির বাবু,

এ নাটক আপনিই লিখতে ব'লেছিলেন ; নামকরণেও আপনার ইঙ্গিত ছিল। আমি কোনো-গতিকে নাটকখানাকে পাঠক-সমাজে বের ক'লাম ; কিন্তু শুধু পাঠেই তো নাটকের পরিপূর্ণ ও সমগ্র রূপটা ধরা পড়ে না—আপনি স্বেচ্ছায় এর পোষণ ও পালনের ভার নিয়ে একে স্বাস্থ্যবান্, সতেজ ও জীবন-রস-মণ্ডিত ক'রে তুলেছেন। সুতরাং নাটকখানার উপর আপনার অধিকার আমার চেয়ে একটুও কম নয়। মহাকবির উক্তি দিয়েই আমি আমার যুক্তি-সমর্থন ক'লাম—

“স পিতা পিতরশ্বেষাং কেবলং জন্মহেতবঃ।”

আপনাকে বেশী কিছু লেখা আমার পক্ষে নিশ্চয়োজন। ইতি

শুগমুগ্ধ

যোগেশদা'

নিবেদন

“দিগ্বিজয়ী” নাটকখানি ঐতিহাসিক হইলেও ইহার মূল ভাবটী (Theme) চিরন্তন ; সেইজন্য, ইহার কোনো ‘ঐতিহাসিক’ নাম (অর্থাৎ ‘নাদির শাহ্’ এই নাম) দিলাম না। তথাপি, ইতিহাসের যে সুপ্রসিদ্ধ চরিত্র এবং যে সকল ঐতিহাসিক ঘটনা অবলম্বন করিয়া নাটকখানা রচিত হইয়াছে, সে সম্বন্ধে কিছু বলা আবশ্যিক।

যাঁহারা স্কুল-পাঠ্য ভারত-ইতিহাস পড়িয়াছেন, তাঁহাদের চক্ষে নাদির শাহ্ শুধু নরহত্যা দম্ভা মাত্র। কিন্তু নাদিরের জীবন যথার্থই অপূর্ব—তাঁহার চরিত্রে সামঞ্জস্যের সূত্র খুঁজিয়া পাওয়া সত্যই সুকঠিন। নাদির একহাতে গড়িয়াছেন, আবার আর এক হাতে ভাঙিয়াছেন—ঐতিহাসিক শুধু আভাস দিয়া গিয়াছেন মাত্র। দেশ-জয় এবং জাতি-গঠনের দিক দিয়া, স্মার মর্টিমার ডুর্যাণ্ড (Sir Mortimer Durand) নাদিরকে নীরকেশরী নাপলেঅঁ-র (Napoleon) সহিত তুলনা করিয়াছেন। ইতিহাসে নাদিরের নির্ধরতার যে সকল নিদর্শন আছে, তাহাতে একমাত্র নীবোর (Nero) সহিত তাঁহার তুলনা করা যায়। এই সকল অতি-মানবের জীবন-কথার সঙ্গে-সঙ্গে অনেক ব্যক্তি, দেশ ও জাতির মর্ম্ম-কথা স্বতঃই আসিয়া পড়ে, এবং নাটকও বিনা-আয়াসে ‘ঐতিহাসিক নাটক’ হইয়া উঠে। সে হিসাবে, “দিগ্বিজয়ী” ঐতিহাসিক নাটক ; কিন্তু একথাটা বলিয়া রাখা প্রয়োজন যে নাদিরের জীবনের যে তত্ত্ব-কথা (Philosophy) আমি এই নাটকে দেখাইতে চেষ্টা করিয়াছি, তাহা ইতিহাস-বিরোধী নয়।

নাযক ইতিহাস-বিশ্রুত শক্তিমান্ পুরুষ, এবং ঐতিহাসিক গবেষণার দিক দিয়া না হইলেও, নাটক লিখিবার দিয়া তাঁহার ও তাঁহার সমসাময়িক ঘটনাবলীর ইতিহাস দুঃপ্রাপ্য নয়। নাটকের অনেক চরিত্র এবং দৃশ্য ঐতিহাসিক। কোনো স্থলেই আমি ইচ্ছা করিয়া ইতিহাসের মর্যাদা ক্ষুণ্ণ করি নাই, এবং নাটকের বাহিরের ঐতিহাসিক কপটীকেও অবহেলা করি নাই ; তবে স্বাধীন কল্পনায় নাট্যকারের এবং ঔপন্যাসিকের যে চিরন্তন অধিকার আছে, তাহা আমি অসঙ্কোচে গ্রহণ করিয়াছি।

ঐতিহাসিক স্মার মর্টিমার ডুর্যাণ্ড ইতিহাস ও কিস্বদন্তী মিশাইয়া, নাদির শাহের একখানি সুখ-পাঠ্য জীবনী লিখিয়াছেন ; নাটকের গল্পাংশ-

গঠনে আমি ছ'-একটী স্থলে সেই পুস্তকের সাহায্য লইয়াছি। ঐতিহাসিকের নিকট হয়তো কিশ্বদন্তীর তেমন মূল্য নাই, কিন্তু নাট্যকারের এবং ঔপন্যাসিকের নিকট আছে। নাটকের সমগ্র রূপ ও চরিত্র সৃষ্টি এবং আরো অনেক বিষয় আমার নিজস্ব, এবং তাহার দায়-দোষ সম্পূর্ণ আমারই।

নাটক এবং উহার অভিনয় সম্পূর্ণরূপে নব্যযুগোপযোগী করিবার নিমিত্ত আমি আধুনিক নাট্য-রচনা-রীতি (Ibsenian Technique) অবলম্বন করিয়াছি; কতদূর কৃতকার্য হইয়াছি, তাহার বিচারেব ভার সঙ্গদয় পাঠক এবং দর্শকের উপর।

পুস্তকের নাট্য-রূপকে যথাসম্ভব সরল, সুন্দর ও অবগম্যস্তাবী (Inevitable), এবং নাটকের গতিকে যথাসম্ভব শোভন ও সাবলীল করিবার জন্য সুপ্রসিদ্ধ সাহিত্যিক সঙ্গদয় শ্রীযুক্ত মণিলাল গঙ্গোপাধ্যায়, সাহিত্য-রসিক শ্রীযুক্ত স্তম্ভাংশুভূষণ মুখোপাধ্যায় ও শ্রীযুক্ত শিশিরকুমার ভাট্টা আমার বিশেষ সহায়তা করিয়াছেন। মলাটের ব্রকখানি আমার অন্যতম সাহিত্যিক-বন্ধু "কল্লোল"-সম্পাদক শ্রীযুক্ত দীনেশরঞ্জন দাশের পরিকল্পনা। অভিনয়েব দিক দিয়া নাটকখানির (ঐতিহাসিক, ব্যক্তিগত, জাতিগত এবং ভাবগত) সমগ্র রূপই শিশিবাবুর পরিকল্পনা। অবাস্তব ভাব, অর্থাৎ Airy Nothingকে কি করিয়া রূপে-বসে-রঙে মূর্ত ও পাণবস্তুরূপে তুলিতে হয়, তাহা তাহার চেয়ে বেশী কে জানে? তিনি তাহার পূর্ণ শক্তি ও প্রয়োগ-নৈপুণ্য দিয়া নাটকখানিকে জীবন্ত করিয়াছেন। প্রিয়-বন্ধু শ্রীযুক্ত যতীন্দ্রমোহন রায় এবং শ্রীযুক্ত নৃপেন্দ্রকৃষ্ণ চট্টোপাধ্যায় স্বতঃ-প্রণোদিত হইয়া তাহার প্রকৃত দেখার ভার লইয়া আমাকে বিশেষ উপকৃত করিয়াছেন; তাহার এ ভার না লইলে এত শীঘ্র পুস্তক প্রকাশ করা সম্ভবপর হইত না। ইহাদের সকলের নিকট আমি সর্বতোভাবে কৃতজ্ঞ।

বিশেষ চেষ্টা সত্ত্বেও, তাড়াতাড়ির জন্য, পুস্তকে কিছু-কিছু ত্রুটি রহিয়া গেল; বারান্তরে তাহা সংশোধন করার ইচ্ছা রহিল। ইতি

৫০২, রাজা রাজবল্লভ ষ্ট্রীট,

কলিকাতা।

২৮শে অগ্রহায়ণ, ১৩১৫।

শ্রীযোগেশচন্দ্র চৌধুরী।

চরিত্র-পরিচয়

পুরুষ

নাদির শাহ্	...	ইরানের (পারস্যের) সম্রাট
বেজা কুলি খা	...	নাদিরের জ্যেষ্ঠ পুত্র
নাসিব কুলি খা	...	ঐ কনিষ্ঠ পুত্র
মির্জা কথ	..	ঐ পৌত্র (বেজার পুত্র)
আলি আকবর	...	ঐ রাজস্ব-সচিব (ইরানী অভিজাত)
সালেহ্ বেগ	...	ঐ যুদ্ধ-সচিব (খোরাসানী পল্লীবাসী, নাদিরের বাল্য-বন্ধু—আদর্শবাদী)
আহমেদ খা আবদালি	...	ঐ সৈন্যধ্যক্ষ (নাদিরের পরবর্তী আফগান ভারত-বিজয়ী)
মির্জা মেহেদী	...	ঐ সভাসদ ও শাস্ত্র-বাখাতা (শিখা)
মোল্লাবাসী	...	ঐ সভাসদ ও প্রধান মোল্লা (সূফি)
আগাবাসী	...	ঐ খোজা-সর্দার
মোলানা রহমৎ খা	..	খোরাসানের পত্রীযুবক (সালেহ্ বেগের ছাত্র)
নেক্কদম	...	যুসুফজাই সৈনিক-পুরুষ
মহম্মদ শাহ্	...	ভারতের মোগল-সম্রাট
সাদৎ খা	...	অযোধ্যার নবাব-উজীর
আসফ্ জা (নিজাম উল্- মুল্ক্ চিন্-কিচ্-খা)	...	ভারতেশ্বরের উজীর (নিজাম-বংশের প্রতিষ্ঠাতা) হিন্দু-জ্যোতিষী, বান্দা, উজ্বেগী ও তুর্কী হাবিলদারদ্বয়, সংবাদদাতা, নগরবাসীগণ, বিভিন্ন-জাতীয় সৈন্যগণ, ইত্যাদি ।

স্ত্রী

- সুলতানা বেগম ... নাদিরের প্রথমা বেগম (নাটশাপুরের শাসন-
কর্তার কন্যা)
- সিরাজী ... ঐ দ্বিতীয়া বেগম (ইরানের অভিজাত-
বংশায়া, আলি আকবরের ভগিনী)
- সিতারা ... রাজপুত-নারী (প্রথমে ক্রীতদাসী, পরে
নাদিরের প্রধানা বেগম)

ভারত-নারী, বাদী, সাকি ও ক্রীতদাসীগণ ।

মঙ্গলাচরণ-গীতি

এই গানটী প্রথম পৃষ্ঠার পূর্বে যাইবে :—

নমো সকল জাতির বিধাতা—

হে মঙ্গলময়, সঙ্কট-ত্রাতা !

যুগে যুগে তুমি প্রকট নূতন রূপে—


দেশ, ধর্ম, নীতি বিকাশ স্বরূপে—

বোধ-অতীত তব পরম-অনুভূতি


জাতি-মঙ্গল, মানব-চির-প্রীতি—

দীন কবি যাচে হে বর-দাতা ॥

दिश्विजयी



प्रथम अङ्क



दृश्य—कर्णाल, नादिवशाहेर शिविव

कर्णाल युद्धेर परदिवस—रात्रिकाल

[सालेह् बेग, आल आकबर, मिर्जा मेहता, मोल्लावासी, आगावासी
ओ अन्त्या कर्मचारि ओ सैनिकगण]

[कर्णाल समरे बन्दी नवाव सादंग्आलि खार सहित कथोपकथन करिते
करिते नादिरशाह् प्रवेश करिलेन ; सादंग् नादिरके
भारतवर्षेर मानचित्र देखाईया देशेर
अवस्था बुझाईतेछेन]

सादंग् । एह कर्णाल—एह दिल्ली—एह आमार राजधानी कैजावाद—
नादिर । दिल्ली एखान थेके एकदिनेर पथ ?

সাদৎ । হ্যাঁ সম্রাট—

নাদির । আপনার রাজধানী ?

সাদৎ । প্রায় এক সপ্তাহের পথ !

নাদির । সাদৎ খাঁ, আপনি আমার বন্দী । আমি ইচ্ছা করলে আপনাকে বধ করতে পারি ; কিন্তু আপনি যদি আমার সাহায্য করেন—

সাদৎ । আপনার সাহায্য ক'ব্বো ব'লেই ত' আমি ইচ্ছা ক'বে বন্দী হয়েছি সম্রাট—নতুবা বুদ্ধক্ষেত্রে প্রাণ দিতে আমরাও জানি জাহাপনা ।

নাদির । ভাল, তা হ'লে আপনার সঙ্গে আমি বন্ধুর মত আলাপ করতে পারি । বর্তমানে দিল্লীতে মোগল-শাসনের অবস্থা কেমন ?

সাদৎ । আপনি আরও চ' একদিন এখানে অবস্থান করুন—নিজেই বুঝবেন । একটা কথা জিজ্ঞাসা ক'ব্বো সম্রাট—উত্তর দেবেন ?

নাদির । জিজ্ঞাসা করুন—

সাদৎ । ভারত-আভ্যানে আপনার যথার্থ উদ্দেশ্য কি ? ভারতে সাম্রাজ্য স্থাপন—না, হিন্দুস্থানের ধন-বস্ত্রের আকর্ষণ ?

নাদির । সালেহ্ বেগ—

সালেহ্ বেগ । সাদৎ খাঁ, আপনি শাহান শাহেব দিগ্বিজয়ের উদ্দেশ্য ভুল করবেন না । তিনি পারস্য দেশকে তুর্কী, রুশ, আফগান, আরমানী, উজ্বেগী দস্যুর হাত থেকে রক্ষা ক'বেছেন । সমগ্র পাবস্ত্র জাতি একত্র হ'য়ে যে নরসিংহের মাথায় স্বেচ্ছায় পারস্যের রাজমুকুট পরিয়ে দিয়েছে, তাঁকে আপনি তৈমূবলঙ্গ কি চেঙ্গিস্ খাঁর মত শুধু বিজয়ী দস্যু মনে করবেন না ।

নাদির । শুনুন নবাব সাহেব, আমি সমগ্র হিন্দুস্থানে নূতন শাসন-তন্ত্র, নূতন ধর্ম-তন্ত্র প্রচার কর্তে চাই । বর্তমান মোগল সম্রাট আমার বশ্যতা স্বীকার করেন উত্তম, যদি না স্বীকার করেন তাব ফলভোগ তাঁকে করতে হবে ।

সাদৎ । শাহান শাহ্—হিন্দুস্থান এখন বিচ্ছিন্ন, বক্ষিপ্ত—দিল্লীর সম্রাট নামে মাত্র সম্রাট ।

নাদির । ইনি সম্রাট ঔরংজেবের ক' ?

সাদৎ । পুত্রের পৌত্র—

নাদির । উজীর আমফ্জার শক্তি কেমন ?

সাদৎ । তাঁর অর্থবল সৈন্যবল আছে বটে—কিন্তু তিনিও আমার মত বৃদ্ধ । বিশেষ, আমরা হিন্দুস্থানেব বাদশা পরিবর্তন কর্তে চাই । মোগল বংশে আপাততঃ এমন কেউ নেই যে এই বিশাল সাম্রাজ্য শাসন কর্তে পারে ।

নাদির । ^{মুসলমান} মুসলমান ছাড়া কোন্ হিন্দু শক্তি আপাততঃ প্রবল ?

সাদৎ । মহারাষ্ট্র ।

নাদির । শিবাজী প্রতিষ্ঠিত ?

সাদৎ । শাহান শাহ্ সর্বজ্ঞ !

নাদির । এই কাফেরকে আমি প্রশংসা করি । এ জাতির বর্তমান নায়ক কে ?

সাদৎ । পেশোয়া বাজীরাও ।

নাদির । দিল্লীখবেব সঙ্গে এঁর সদ্ভাব আছে ?

সাদৎ । সদ্ভাব নাই । তবে সন্ধি আছে—

নাদির । সে সন্ধিব কোনো মূল্য নাই—আলি আকবর—

আক । শাহান শাহ্—

৫০। না দর। আমাদের বর্তমান অভিযানের আয়, ব্যয়, রসদ, সৈনিকগণের মাসোহারা, হিসাব-নিকাশ তোমার প্রস্তুত ?

তাক। প্রস্তুত জাহাপনা।

নাদির। নিয়ে এস। সালেহ্বেগ, কাল প্রাতঃকালে গত যুদ্ধের নিঃত সৈন্তের ও নূতন সমাগত সৈন্তের আদমসুমাবি যেন প্রস্তুত থাকে।

সালে। আমি পূর্বাঙ্কই প্রস্তুত ক'বেছি।

(আলি আকবর কাগজ আনিলেন)

সালে। গত মাসের মাসোহারার তন্খা সৈনিকেরা আজও পায়নি।

নাদির। কেন পায় নি ?

তাক। শাহান শাহ্ আদেশ ক'রেছিলেন অযোধ্যার নবাবের মুক্তি-মূল্য থেকে সৈন্তদের মাসোহারা দেওয়া হবে—

নাদির। নবাবের মুক্তি-মূল্য দুই লক্ষ স্বর্ণমুদ্রা।

সাদৎ। দিল্লী উপস্থিত হ'লেই আপনার রাজকোষে এ অর্থ প্রেরিত হবে।

(নাসিরকুল কুর্লির প্রবেশ)

নাসি। শাহান শাহ —

নাদির। কি সংবাদ, সাহজাদা নাসিরকুলী ?

নাসি। দিল্লীখরের শিবির থেকে রাজদূত এসেছেন উপঢৌকন নিয়ে—

নাদির। দূতের পবিচয় ?

নাসি। আসফজা নিজাম-উল-মুলক্ চিনক্লিচ্ খাঁ।

[প্রশ্নান

নাদির । আপনি যাব কথা বলছিলেন ই নিই তিনি ?

সাদৎ । হ্যাঁ সন্ন্যাসী—দিল্লীখবের উজীর—

নাদির । দিল্লীখবের উজীর পদের উপর আপনারও একটু দৃষ্টি আছে নবাব সাহেব, কি বলেন ?

সাদৎ । সন্ন্যাসী সর্বদ্রষ্টা, আপনার কাছে সত্য গোপনে ফল নাই—বিশেষ আপনি আমায় অভয় দিয়েছেন । লোভ পূর্বে একটু ছিল— এখন আব নাই !

নাদির । বর্তমান উজীরের সঙ্গে নূতন সন্ধি হ'য়েছে বলে ? সে সন্ধি ভাঙতে কতক্ষণ ? সালেহ্ বেগ, উজীর আসফজাকে অভ্যর্থনা কর—তাঁর বিশ্রামের ব্যবস্থা কর—আর এই নবাব সাহেবকে তাঁর সঙ্গে সাক্ষাৎ কর'ও । আলি আকবর—

(আলি আকবর উদ্ভিত বুদ্ধিত পারিয়া বাহিরে গেল)

যান নবাব সাহেব, আপনার বন্ধু আসফজার সঙ্গে পরামর্শ ক'বে আপনাদের কর্তব্য নির্ধারণ ক'রুন । রাত্রি এক প্রহরের পর আপনাদের আমি আহ্বান ক'র'বা । মনে রাখবেন—আমি যদি দিল্লীতে যাই, দুই কোটি স্বর্ণ-মুদ্রা আমাকে রাজকর দিতে হবে ।

সাদৎ । সন্ন্যাসী, নির্ভয়ে বল'বো ?

নাদির । বলুন—

সাদৎ । দুই কোটি স্বর্ণ-মুদ্রার জন্য আপনাকে দিল্লী পর্য্যন্ত যেতে হবে না । আসফজা ও আমি ইচ্ছা ক'রলে এট কর্ণালের সমরক্ষেত্র থেকেই আপনাকে—

নাদির । দুই কোটি স্বর্ণমুদ্রা সংগ্রহ করে দিতে পারেন ? কি বল সালেহ্ বেগ,—তাই ক'র'বা ?

৫০।

সালে। শাহান শাহ্, আপনি শুধু অর্থ-সংগ্রহের জন্তু হিন্দুস্থানে আসেন
ন। ভারতবর্ষকে আফগানিস্থানের মত সহস্র-রাজকতার হাত
থেকে উদ্ধার করতে আপনি প্রতিশ্রুত।

নাদির। তুমি ঠিক ব'লেছ সালেহ্ বেগ, আমি মাঝে মাঝে আমার উদ্দেশ্য
ভুলে যাওঁ- -তুমি স্মরণ করিয়ে দেবে। যাও সালেহ্ বেগ,
নবাবকে নিয়ে অসফলতার সঙ্গে সাক্ষাৎ করিয়ে দাও।

সালে। আশ্বন নবাব নাহেব।

[সালেহ্ বেগ ও সাদৎ আলি খাঁর প্রশ্নান

নাদির। মোল্লাবাসী—

মোলা। জনাব—

নাদির। তোমার সেই হিন্দু জ্যোতিষীর খবর কি ?

মোলা। জ্যোতিষী এখানেই উপস্থিত জাঁহাপনা—

এইদিকে এস তোমার কোনো ভয় নাই—শাহান শাহ্
তোমায় প্রচুর পুস্কাব দেবেন।

(জ্যোতিষী সম্মুখে আসিয়া অভিবাদন করিল)

নাদির। তুমি কোন জাতীয় ?

জ্যোতি। আর্য্য, ব্রাহ্মণ—তুর্কা ও পারসী আমাদের হিন্দু বলে।

নাদির। তুমি কি গণনা ক'বেছ ?

জ্যোতি। আপনি প্রতিদ্বন্দ্বিহীন দিগ্বিজয়ী বীর—

নাদির। একথা নূতন নয়—আমি নিজেই জানি—

জ্যোতি। সাত দিনের মধ্যে সমগ্র হিন্দুস্থান আপনার পদানত হবে।

নাদির । তুমি বুদ্ধিমান, কিন্তু এ জ্যোতিষ-শাস্ত্রের কথা নয়—

জ্যোতি । আপনি অর্ধ-পৃথিবীর অধীশ্বর হবেন ?

নাদির । মাত্র অর্ধ-পৃথিবীর ? সমগ্র পৃথিবীর নয় কেন ?

জ্যোতি । আমি গণনা করি যা দেখতে পেরেছি সম্রাটকে তাই জানিয়েছি ।

নাদির । পুনরায় গণনা কর ।

জ্যোতি । আমি সাতবার গণনা ক'বে দেখেছি—আমার গণনা নির্ভুল ।

নাদির । তুমি কি মনে কর পৃথিবী-জয়ে আমি অশক্তি ?

জ্যোতি । না সম্রাট, তা মনে করি না । বরঞ্চ, বর্তমানে পৃথিবী-জয়ে যদি
কাবও অধিকার ও শক্তি থাকে সে আপনারই ।

নাদির । তবে ?

জ্যোতি । জাঁহাপনা, নির্ভয়ে ব'ল্বে ?

নাদির । বল, তোমার কোন ভয় নাই ।

জ্যোতি । জাঁহাপনা মানুষ । মানুষের যা সাধ্য তা আপনি পারবেন—কিন্তু
পৃথিবী-জয় মানুষের অসাধ্য !

নাদির । দুর্বল ব্রাহ্মণ, আমি অসাধ্য-সাধন করতে চাই । আমি সমগ্র
পৃথিবীতে একচ্ছত্র মহম্মদীয় সাম্রাজ্য প্রতিষ্ঠা ক'বতে চাই !

জ্যোতি । আপনার পূর্বে পৃথিবীতে অনেক দিগ্বিজয়ী জন্মগ্রহণ করেছিলেন,
তারা পারেননি—

নাদির । যা কেউ কখনো পারেনি—আমি তাই পাবো । ভাল—আমার
পরাজয়ের কোনো লক্ষণ দেখেছ ?

জ্যোতি । আপনি নিজে যদি আপনার শত্রুতা না করেন—জগতে কোনো
শত্রু আপনার কিছুই ক'বতে পারবে না—

নাদির । এও জ্যোতিষ শাস্ত্রের কথা নয়, দর্শন শাস্ত্রের কথা । মোল্লাবাসী,
ব্রাহ্মণ নির্ভীক—এবং সম্ভবতঃ সত্যবাদী কিন্তু গণনায় কোন নুতন

৫০।

কথা ব'লতে প'বেনি—একে একশত আশরফি পুরস্কার দিয়ে
বিদায় কর।

জ্যোতি । জাঁহাপনা—

নাহির । যাও ব্রাহ্মণ, তোমার গণনা আমি বিশ্বাস করি না। আমি
জ্যোতিষ শাস্ত্রের দ্বারা চালিত হব না। শাস্ত্র আমার অনুসরণ
ক'বে ! নূতন ক'রে জ্যোতিষ শাস্ত্রের আলোচনা কর। যদি
কোনো দিন গণনায় নির্ণয় ক'তে পার যে আমি পৃথিবী জয়
ক'বো সেই দিন তুমি লক্ষ স্বর্ণমুদ্রা পুরস্কার পাবে—

[মোল্লাবাসী ও জ্যোতিষীব প্রশ্নান

(আলি আকবরের পুনঃপ্রবেশ)

কি সংবাদ আলি আকবর ?

আক । ভারত-সম্রাট অগ্ন্যাগ্ন উপচৌকনের সঙ্গে ভারতের বিভিন্ন জাতি ও
সম্প্রদায় থেকে সংগৃহীত একদল সুন্দরী ক্রীতদাসী শাহান
শাহকে প্রেরণ ক'রেছেন—

নাহিব । যাও তাদের নিয়ে এস ।—

[আলি আকবরের প্রশ্নান ।

মির্জা মেহেদী, সুন্দরী ক্রীতদাসী আসছে—আমি তাদের নৃত্য-
গীত শ্রবণ ক'বো—এ সম্বন্ধে তোমার শিষ্য সম্প্রদায়ের কোনো
বিধি-নিষেধ আছে ?

মেহেদী । না সম্রাট !

নাদির । সে কি, আমি তো মনে ক'রেছিলাম শিয়াদের সুন্দরী-দর্শন
নিষেধ ।

মেহেদী । আপনি শিয়া সম্প্রদায়কে ঘৃণা করেন কেন জনাব ?

নাদির । আমি শিয়াদের ঘৃণা করি না । আমি তিহারানীকে ঘৃণা করি—
সাফাতী রাজবংশকে ঘৃণা করি—তাঁরা ভণ্ড, বিলাসী ! শিয়া-
সুন্নির প্রভেদ তাদেরই সৃষ্টি । আর তোমার মত বুদ্ধিহীন, তাদের
অন্যে প্রতিপালিত হ'য়েছিল বলে—আমার সংসঙ্গে আবুও
পর্যন্ত তাব বুদ্ধি মার্জিত হ'ল না ।—

মেহেদী । আমার একটা প্রশ্ন আছে ; জাঁহাপনা যদি অনুগ্রহ ক'রে
শোনেন—

নাদির । বল—কিন্তু সংক্ষেপে । ব'ইবে ক্রীতদাসীরা অপেক্ষা ক'রছে ;
মনে রেখো—তারা সুন্দরী—

মেহেদী । আপনি হজরৎ আলিকে শ্রেষ্ঠ বলে স্বীকার করেন, তিনি
আপনাকে স্বপ্নে প্রত্যাদেশ দিয়েছেন—

নাদির । তাতে কি প্রমাণ হয় ?

মেহেদী । শিয়া-সম্প্রদায়ীরাও তাঁকেই হজরৎ মহম্মদের জ্ঞান-সাম্রাজ্যের
দ্বার-স্বরূপ মনে কবে—

নাদির । যে শ্রেষ্ঠ তাঁকে সকলেই শ্রেষ্ঠ ব'লবে ।

মেহেদী । কিন্তু, হজরৎ আলি যদি হজরৎ মহম্মদের সর্বাপেক্ষা প্রিয়
পাত্র হন—তবে কি এটা প্রমাণ হয় না যে আবুবকর, ওমার,
ওসমান মোস্লেম সাম্রাজ্যের ষথার্থ উত্তরাধিকারী নন ।

নাদির । শুধু রক্তের সম্বন্ধেই যথেষ্ট নয় মির্জা মেহেদী । সমগ্র জাতির
ইচ্ছানুসারে সে-জাতির নায়ক নির্বাচিত হয় । তাই হজরৎ
আলি, জাতির ইচ্ছানুসারে আবুবকর, ওমার, ওসমান ষথ

খালিফ নিৰ্কাচত হন—কোন বাবা দেন নি। কিন্তু তোমার শিষ্য সম্প্রদায়—এই বিরাট জাতিকে পরম্পর-বিবোধী সম্প্রদায়ে বিভক্ত ক'বে তাকে দুৰ্বল করে ফেলোছ। নব-প্রতিষ্ঠিত জাতির মধ্যে অন্তর্বিদ্বেহ যে কতখানি যাবাত্মক, হজরৎ আলি তা বুঝতেন—কিন্তু তুমি ক্ষুদ্র-মস্তিষ্ক বুদ্ধহীন গর্দভ—তুমি সে কথা বুঝবে না। যাক, তুমি এখন এখান থেকে বিদায় হও—ক্রীতদাসীদের সৌন্দর্য্য পান করবার জগা আমার চোখ এখন উৎসুক হ'য়ে আছে।

মেহেদী। কিন্তু যারা হজরৎ মহম্মদের প্রিয়তম দৌহিত্রদেব নস্বম ভাবে হত্যা করে—

নাদির। তাদের কেউ সুখ্যাতি কবে না। তুমি যাও—কাল প্রাতঃকালে তোমায় বুঝিয়ে দেব শিষ্য ও শূন্যের মধ্যে কোন ভেদ নাই। কিন্তু বুঝিয়ে দিলেও তুমি বুঝবে না—কেন না তত্ত্ব-এথা আলোচনা ক'রে ক'রে তোমার বুদ্ধি এত সূক্ষ্ম হ'য়ে গেছে যে একেবারে নাই ব'ল্লই চলে। আগাবাসী, মোল্লা সাহেব মির্জা মেহেদীকে পথ দেখিয়ে নিয়ে যাও—এমন স্থানে ওঁকে রেখে আসবে যেখানে কোন বমণী-কঠোখিত মঙ্গীত-ধ্বনি ওঁর চিত্তের শৈথল্য নষ্ট না করে। সিরাজী—

আগা। আসুন মির্জা সাহেব।

(আগাবাসী একটা সঙ্কত বাঁশী বাজাইল—সঙ্কত গুনিয়া

সভাসদগণ শিবিরাত্যস্তর পরিত্যাগ করিল)

(পবমুহূর্তে খোজা-প্রহরী-পরিবেষ্টিত হিন্দুস্থানের ক্রীতদাসীগণ সমভিব্যাহারে
আলি আকবরের প্রবেশ। অল্প ভৃত্য সিরাজী ও
সুপক ফল প্রভৃতি সন্মুখে রাখিয়া দিল)

আক। শাহান শাহ্, এই দিল্লীখবর উপঢৌকন।

নাদির! আগাবাসী, আমার নূতন বুক বন্ধু আবদালী আহমেদ—

[আগাবাসীর প্রশ্ন।

দিল্লীখব আর কি পাঠিয়েছেন ?

আক। এক সহস্র আরবদেশীয় ঘোটক, এক শত হস্তী, এক শত ক্রীত-
দাসী, আরও অনেক বহুমূল্য দ্রব্য আছে—শাহান শাহ্, নিজেই
দর্শন করবেন।

(আহমেদ আবদালীর প্রবেশ)

নাদির। এস বন্ধু—তুমি এতক্ষণ কোথায় ছিলে আবদাল ?

আহমেদ। নূতন দেশ দেখতে বেরিয়েছিলাম জাহাপনা !

নাদির। কেমন দেখলে ?

আহমেদ। মাটি বড় নরম—আব বাতাসটাও বেশ ফুবুরে—

নাদির! (রমণীগণের প্রতি নির্দেশ করিয়া) এ গুলিকে কি রকম
দেখছে ?

আহমেদ। ওদিকে এখন আমি নজর দিচ্ছি না সম্রাট। আগে দেখি কোন্
কোন্ ফুল বাদশাহের ভোগে লাগে।

নাদির। শোভান্ অল্লা ! আবদাল—তুমি রসিক, এক পেয়লা সিরাজী
পান কর—^{সুপক ফল} আলি, তুমিও সমস্ত দিন ধ'রে অনেক লেখা
পড়া করেছ—আজ রাতে তোমার সঙ্গে সিরাজী পান করবার

জন্য এদের একজনকে নিয়ে যাবে। (সকলের সিরাজী পান)
আলি, আমি এদের দেখে খুসী হয়েছি—ভারত-সম্রাট
আমার মর্যাদা বুঝতে পেরেছে।

আক। সাতদিনের মধ্যে সমস্ত হিন্দুস্তান আপনার পদানত হবে।

আহমেদ। সেটা খুব বড় কথা নয় আলি সাহেব ! একবেলার বুকের ফলে
যদি এই উপদ্রোকন আসে—

নাদির। আমি এদের গান শুনবে—

বমণীগণ। (অভিবাদন করিয়া)

গীত

ওগো বিজয়ী এলে কারে জিনিতে ।
বিনি-মূলে কোন্ প্রাণ চাহ কিনিতে ॥
শুনেছি কানে তুমি নিঃসর অতি
(নিতি) অজানা পথে চল অবাধ-গতি ॥

ভাসি নয়ন-নীরে,
তুমি চাবে না ফিরে—

(তাই) মুখ-পানে চেয়ে দেখি নারি চিনিতে ।
তোমায় নারি চিনিতে ॥

নাদির। আবদাল, সুন্দরীদের গানে আমার উপর যে বক্রোক্তি আছে
তা কি সত্য ?

আব। না সম্রাট, ভাল ক'রে আপনার মুখের দিকে চাইতে পারলে
আপনাকে চেনা যায়।

(নাদির সিতারাব দিকে অগ্রসর হইলেন)

নাদিব । তুমি ওদের সঙ্গে ^{নব্ব্ব্ব} গাঃলে না ?

সিতারা । ও ^{নব্ব্ব} সুর আমি জানি না ।

নাদির । তাহ'লে তোমার ^{নব্ব্ব} সুবট' একবা ^{নব্ব্ব} শুনিয়ে দাও—

সিতারা । কেন ?

নাদির । তোমার ^{নব্ব্ব} সুর শুনে আমাব ইচ্ছা করছে যে—

সিতারা । সে ^{নব্ব্ব} সুর জ'হাপনার ভাল লাগবে না—

নাদির । সে বিচার তোমার নয়— তুমি ^{নব্ব্ব} গেয়েই দেখ না—

সিতারা । (একটু চিন্তা—একটু হাসি—পরে)

গীত

পথেই যদি চল্বি রে মন

পথেই তবে চল ।

মিছে কেন পিছে চাওয়া,

চোখের কোণে জল ।

হাতে ধরে টানছে তোরে,

তুই তো রে কাণা,

চল্বি কোথা, থাম্বি কোথা,

নাইতো ঠিকানা—

(তবে) আধেক পথে কিসের ভয়ে

থেমে যাবি বল ।

নাদির । আলি আকবর, সুন্দরীদের কপ আমার চোখে বেশ ভাল লাগলো । (সিতারাকে দেখাইয়া) এই সুন্দরীর নয়নের অকণ আভা আমার দৃষ্টিকে প্রসন্ন ক'বেছে—এ সুকণ্ঠী ! আলি আকবর, অগ্ৰাণ্ড সুন্দরীদের আমাব কন্সচাবীদের মধ্যে পদ-মর্যাদানুসাবে নটন ক'রে দাও—তুমি ভূতপূর্ব পারস্য-সম্রাটের আত্মীয়, অনেক স্ত্রীলোক ভাগ-বাটোয়ার ক'রেছ ! আমি এখন ভারত সম্রাটের অন্যান্য উ-চৌকন দেখ'বো । আগাবাসী—

(আগাবাসীর প্রবেশ)

হিন্দুস্থানের এই নবাগতা সুন্দরীকে অন্দরনে নিয়ে যাও ।
আমার আদেশ মত আবার আমার কাছে আন'বে—

আহমেদ । সুন্দরী, শাহান শাহের অনুগ্রহ মাথা পেতে নিতে হ'ব । ঐ
দেখ, তোমার সঙ্গিনীরা তোমাব সৌভাগ্যে ঈর্ষ্যা কর'ছে—

(সিতারা একদাব আবদালীর দিকে চাহিল, কোন কথা বলিতে পারিল না)

নাদির । আলি আকবর, ইতিমধ্যে দিল্লীখরের উজীর ও অযোধ্যার
নবাব যেন আমার প্রত্যাগমনেব প্রতীক্ষায় এখানে উপস্থিত
হ'কেন ।

[সকলের প্রস্থান]

(আলি আকবর অগ্ৰাণ্ড সুন্দরীদের লইয়া যাইতেছে দেখিয়া সিতারাও
সেই সঙ্গে বাইতেছিল)

আগা । হুজুবাইন, আপনি ওদের সঙ্গে যাবেন না ।

সিতারা । কেন ?

আগা । আপনার স্থান অগ্ৰত—আপনি আমার সঙ্গে আসুন—

সিতারা । তোমার সঙ্গে কোথায় যাব ?

আগা । অন্তরনে—

সিতারা । অন্তরন কোথায় ?

আগা । সম্রাটের শিবিরের পশ্চাতে ।

সিতারা । সেখানে কাবা থাকে ?

আগা । সম্রাটের বেগমবা—

সিতারা । আমি সেখানে কেন যাব ?

আগা । সম্রাটের ইচ্ছা ।

সিতারা । যদি না ষাট ?

আগা । ছিঃ বুদ্ধিহীনা, অমন কথা ব'লতে নাট—সম্রাটের আদেশ সকলেরই শিবোধার্যা—

সিতারা । সম্রাটের আদেশ ? জাচ্ছা চল—

[উভয়ের প্রস্থান]

(সালেহ্ বেগ, আসফজা ও সাদৎআলি খাঁর প্রবেশ)

সালে । মম্বুন উজীর সাহেব—মম্বুন নবাব—সম্রাট এখনই আসবেন । আপনাদের সঙ্গে আমিও একমত । ভারত-সম্রাট যদি রাজ্য-শাসনে অপাবগ হন, সিংহাসনে বসবার তাঁর কোন অধিকার নেই ।

আসফজা । কিন্তু পারস্যের শাসন কি ভারতের পক্ষে বৈদেশিক শাসন হবে না ?

সাদৎ । তাতে ক্ষতি কি ? তুর্কি যখন প্রথম হিন্দুস্থানে এসেছিল, তখন সে-শাসনও ভারতের পক্ষে বৈদেশিক শাসনই ছিল ।

- সালে । কিন্তু আপনারা একটা কথা ভুল ক'ছেন—অতীতের কোন শাসন-তন্ত্রের সঙ্গে আপনারা বর্তমান সম্রাট নাদির শাহের শাসন তুলনা ক'রবেন না । সমস্ত দেশ যদি ইচ্ছা ক'বে তাঁর পদা-নত হয় তবেই তিনি সাম্রাজ্য গ্রহণ ক'রবেন—
- আসফ । আপনি কি ব'লতে চান সম্রাট্ শাহতামাস্কে তিনি সিংহাসন-চ্যুত করেননি ?
- সালে । না । তামাস্ নিজের এবং পিতাব কৃতকর্মের ফলভোগ ক'রছেন । শাবস্ত্র জাতি অন্তর থেকে তাদের উচ্ছেদ কামনা ক'রেছিল । (১১৭৬ স্ ১৫৫৮)
- আসফ । আমরা শুনেছি বর্তমান সম্রাট্ তামাসকে বলপূর্বক সিংহাসন-চ্যুত ক'রে তাঁর পিতৃ-সিংহাসনে স্বয়ং অধিষ্ঠিত হ'য়েছেন ।
- সালে । সম্পূর্ণ ভুল এবং মিথ্যাকথা । নাদির কোনো দিন সিংহাসন চাননি । আমি যে নিজের চোখে দেখেছি উজীব সাহেব, তিরিশ দিন ধরে প্রত্যহ সমস্ত জাতি তাঁকে অনুরোধ করে সিংহাসন গ্রহণ কর্তে । দিনের পর দিন তিনি জাতির অনুরোধ প্রত্যাখ্যান ক'রেছেন ! পারস্যের অধিবাসী ও রাজা, আফগান, তুর্কী ও রুশের কাছে পরাজিত হ'য়ে তিল তিল ক'রে যে স্বাধীনতা হারিয়ে ফেলেছিল, নাদির তাই পুনরুদ্ধার ক'বেছেন । তামাস্ যদি তুর্কীদের সঙ্গে সমগ্র জাতির অপমানকর সন্ধি-সূত্রে আবদ্ধ না হ'তেন, আজ পর্যন্ত তিনিই বসতেন পারস্যের সিংহাসনে—নাদির তাঁর অধীনে সেনাপতিই থাকতেন ।
- আসফ । আপনি কি মনে করেন সম্রাট নাদির শাহ্ যদি ভারতের অধীশ্বর হ'ন—
- সালে । ভারতের লুপ্ত গৌরব আবার কিরে আসবে । শুধু উজীর

সাহেব, যে প্রতিভা ও উদারনীতি নিয়ে জন-সমাজের হৃদপদ্ম হ'তে এই মহাবীর উদ্ভূত হ'য়েছেন—যদি সমগ্র মুসলমান জাতির সাহায্য ও সহানুভূতি তিনি পান—তিনি জগতে এক বিপুল মোস্লেম রাষ্ট্র স্থাপন করবেন। সে রাষ্ট্র এমন বিরাট, এমন শক্তিশালী হবে যে সমগ্র জগৎকে একদিন তারই ছত্র-ছায়াতলে আসতে হবে। যা লোকক্ষয় হ'য়েছে, হ'য়েছে—আপনারা সম্রাট মহম্মদ শাহ্কে পারস্য সম্রাটের বশ্যতা স্বীকার ক'রতে অনুরোধ করুন। আমি অনর্থক রক্তপাত—বিশেষ মোস্লেম রক্তপাত আদৌ ইচ্ছা করি না। আমার অনুরোধ এত বড় প্রতিভাব গতিকে আপনারা ব্যাহত করেন না। মনে রাখবেন প্রতিভা জগতে খুব বেশী আসে না।

আসফ । সম্রাটের সামরিক প্রতিভার পরিচয় আমরা পূর্বেই পেয়েছি সমগ্র আফগানিস্থানকে বধন তিনি দমন করেন—কিন্তু তাঁর রাষ্ট্রনীতি-প্রতিভা সম্বন্ধে আমরা সম্পূর্ণ অজ্ঞ।

সালে । রাষ্ট্রনীতির অর্থ আপনারা কি বোঝেন জানি না। যদি চুরি ডাকাতির দণ্ড-বিধান ও রাজকর আদায়ের নাম রাষ্ট্রনীতি হয়, নাদির শাহের নামই তার পক্ষে যথেষ্ট—কিন্তু তাঁর রাষ্ট্রনীতির অর্থ অনেক বেশী। নাদির কর্মক্ষেত্রে আসবার পূর্বে, পারস্য ব'লতে শুধু তিহারণ আর ইসপাহানের চতুর্দিকের ক্ষুদ্র ভূভাগকে—আর আজ পারস্য সাম্রাজ্য ব'লতে বুঝি—কাম্পিয়ান সাগর-তীরবর্তী ককেশস পর্বতমালা-তলদেশ হ'তে ভারতের এই সিন্ধুনদ-তীর পর্যন্ত বিস্তীর্ণ জনপদ। খোরাসান, ইস্পাহান, সিস্তান, মাজেছান, ক্যাসাভিন,

লুরিস্তান, সিরাজ কত ক্ষুদ্র ক্ষুদ্র জনপদ—ক্ষুদ্র ক্ষুদ্র জাতিতে বিভক্ত হ'য়ে যারা পরস্পরের সঙ্গে প্রতিনিয়ত যুদ্ধ-বিগ্রহে ব্যাপ্ত ছিল—আজ তারা এক জাতি, এক ধর্মাবলম্বী।

সাদৎ । সত্য উর্জীব সাহেব, এ আশ্চর্য্য শক্তি ! আপনি কিছুক্ষণ তাঁর সঙ্গে কথা কইলে বুঝবেন এ রকম আশ্চর্য্য মানুষ আমবা হিন্দুস্থানে দেখিনি—

সালে । সম্রাট আসবার পূর্বেই আপনারা আপনাদের কর্তব্য স্থির করুন । তাঁর আসবার সময় হ'য়েছে, আমি তাঁকে আনতে যাই—এই অবসবে আপনারা চিন্তা ও আলোচনা করুন ।

[প্রস্থান

আসফ । (এ) লোকটা কে ? খোরাসানী না ইম্পাহানী ?

সাদৎ । খোরাসানী ।

আসফ । সৈন্তাধ্যক্ষ ?

সাদৎ । এর সম্বন্ধে শিবিরে অনেক কথাই শুনেছি । আবশ্যক হলে সৈন্তাধ্যক্ষের কাজ বোধ করি এরা সবাই ক'রতে পারে । এ বোধ হয় সমর-সচিব—সম্রাট যুদ্ধ-বিগ্রহ ও সন্ধি সম্বন্ধে প্রায়ই এর সঙ্গে পরামর্শ করেন শুনেছি ; খুব শিক্ষিত—আর আদর্শবাদী ।

আসফ । হ্যা—খুব বড় বড় কথা ব'লছে বটে—এখন আমাদের পথ কোনটা কিছু বুঝলেন ?

সাদৎ । ঠিক বুঝতে পারছি না ।

আসফ । কিন্তু এখনইতো জবাব দিতে হবে ।

সাদৎ । দিল্লীখবরের কি ইচ্ছা ?

আসফ । সকল বকম সর্ত্তে সম্মত হ'য়ে এখান থেকেই বিদায় করা ।

সাদৎ । তাতে আমাদের কি লাভ ?

আসফ । কিছুই না । আপনি কিছু ভেঙেছেন ?

সাদৎ । ইঙ্গিতে আভাস দিযোচ্চ ।

আসফ । কিরকম বুঝলেন ?

সাদৎ । কিছু বোঝা গেলনা । মানুষটা একটু বেয়াড়া বকমের ।
পঞ্চাশ বকম কাজ একসঙ্গে ক'রে—কোনটার উপর যে তার
আকর্ষণ, সহজে ধরা যায় না ।

আসফ—দিল্লীতে নাদিরশাহ্কে যেতে হবে । বাবর শাহ বংশধরেরা
অনেকদিন রাজত্ব ভোগ ক'রছে—আর কেন ? শুধু আকবর,
শাহজাহা, ঔরঞ্জিবের বংশে জন্মেছি ব'লে দিল্লীর তক্তে
ব'স্বো—একথা যারা বলে, তারা একবার দেখুক—একবার
বুঝুক ! খোরাসানী ঠিক কথাই ব'লেছে !

সাদৎ । যাতে নাদির শাহ্ দিল্লীতে যান আমিতো সেই চেষ্টাই ক'রছি—
আমি একজন হিন্দু জ্যোতিষী দিয়ে সম্রাটের ভাগ্য গণনা
করিয়েছি—সে ব'লে গেছে সাতদিনের মধ্যে ভাবতবর্ষ
নাদিরশাহের অধীনে আসবে ।

আসফ । সম্রাট বিশ্বাস ক'রেছেন ?

সাদৎ । ঠিক বোঝা গেলনা । এই লোকটা ষথার্থ শক্তিশালী । নিজের
বাহু আর মস্তিষ্কের শক্তির উপরই তাঁর একমাত্র বিশ্বাস ।
মাঝে মাঝে মনে হয় দাস্তিক—

আসফ । তাহ'লে বিশ্বাস ক'রেছেন । অমন মুখরোচক গণনা—অতি-বড়

নাস্তিকেও বিশ্বাস করে। আমরা পরিবর্তন চাই। উত্তর ভারতবর্ষ আপনার, দাক্ষিণাত্য আমার। নাদির শাহ্ শুধু আমাদের পথের প্রধান কণ্টকটী সরিয়ে দেবে—অবশ্য তার মূল্য আমরা দেব !

(নাদিরশাহ, সালেহ্ বেগ, আলিআকবর, আহমেদ আবদালী ও আগাবাসীর প্রবেশ)

নাদির। উজীর সাহেব আসফজা চিন ক্লিচখাঁ নিজাম উল্ মুল্ক !

আসফ। শাহানশাহ্, আমি অনুগৃহীত।

নাদির। আপনার দিল্লীখরের উপচোকনে আমি প্রীত হ'য়েছি। ক্রীতদাসীগুলি আর হাতীগুলি সবচেয়ে ভাল লাগলো। খাসা হাতী—বেশ মোটা আর বেঁটে, দেখলে হাসি পায়—অনেকটা আমাদের এই রাজস্ব-সচিব আলি আকবরের মত।

আসফ। ওগুলি হিন্দুস্থানের গুজরাট প্রদেশ থেকে সংগৃহীত। হিন্দুস্থানেও স্থলকার খর্ব লোকদের গুজরাটী হাতীর সঙ্গে তুলনা করে

নাদির। ^{সম্রাট} মনে রাখ'বেন উজীর সাহেব, রাজস্ব-সচিবকে নিয়ে পরিহাস করবার অধিকার একমাত্র আমারই—ওর সঙ্গে আমার মধুর সম্পর্ক। এই উপচোকনের বাহক হ'রে আসা ছাড়া—আপনার সম্রাট আপনার উপর কি অন্য কোন কার্যভার দিয়েছেন ?

আসফ । দিয়েছেন জাঁহাপনা—তিনি আমাকে আপনার সঙ্গে সন্ধিসূত্র আলোচনা করবার অধিকার দিয়েছেন ।

নাদির । ভারতবর্ষের কোন্ কোন্ প্রদেশের শস্তক্ষেত্রে কোন্ কোন্ শস্ত, এক পরিমাণে জন্মায়, আপনি তার একটা তালিকা প্রস্তুত ক'রবেন । এ ছাড়া অণু কোন কার্যভার আপনাকে দিতে পারি না—

আসফ । জনাব !

নাদির । আমার কথা অর্থ বুঝতে পারেন না ?

আসফ । না স্য্রাট্ !

নাদির । অর্থ বুঝিয়ে দাও আলি আকবর—

আক । আপনি দিল্লীশ্বরের উজীর । শাহানশাহ আপনাকে দিল্লীশ্বরের উজীরের কাজই দিবেছেন । বিগ্রহ সন্ধি প্রভৃতির সূত্র আলোচনার পক্ষে স্য্রাট্ আপনাকে সম্পূর্ণ অযোগ্য মনে করেন ।

নাদির । মোগল স্য্রাট্ কে এখানে আমার শিবিরে, আস্তে হবে— আপনার সঙ্গে সন্ধির আলোচনা হবে না ! আপনি শুধু নির্ণয় ক'রবেন ভারতের কোন্ কোন্ প্রদেশ থেকে কতবেশী রাজস্ব আদায় হওয়া সম্ভব এবং সেই সমস্ত প্রদেশের ভূমিজাত শস্ত এবং খনিজ পদার্থের মূল্য অনুসারে যেন রাজস্বের হার নির্ণীত হয় । আজই রাত্রি-শেষের পূর্বে স্য্রাট্কে স্বয়ং এই শিবিরে এসে সন্ধিসূত্র আলোচনা ক'র্ত্তে হবে । কাল প্রাতঃকালে পারশ্ব সাম্রাজ্যের নূতন অভিধান । সাদৎ খাঁ আপাততঃ আমাদের সঙ্গেই থাকবেন ।

আসফ । কিন্তু আমি শুধু সম্রাটের দূত হ'য়েই আসিনি—সম্রাটের প্রস্তাব ছাড়া আমার নিজের প্রস্তাবও আছে ।

নাদির । আপনার পরিচয় ?

আসফ । একদিন আমি ভারতসম্রাটের প্রতিদ্বন্দ্বীত ছিলাম । সম্রাট বাধ্য হ'য়ে আমাকে উজীর ক'রেছেন । আমি নামে তাঁর উজীর—কিন্তু আমি সমগ্র দক্ষিণাত্যের স্বাধীন রাজা ।

নাদির । ভাল, আপনার পরিচয়ে প্রীত হ'লাম । যতক্ষণ পর্যন্ত যোগল সম্রাট এখানে না আসছেন, ততক্ষণ আপনার কোনো কথা শুনবো না—আমি আপনাকে স্বরণ রাখবো । আগাবাসী—

(আগাবাসী বাঁশী বাজাইল সকলে শিবির হটতে বাহিরে গেল)

আগাবাসী, হিন্দুস্থানের সুন্দরী—

[আগাবাসীর প্রশ্নান

(সিতারাকে লইয়া আগাবাসীর প্রবেশ)

(আগাবাসী সিতারাকে ইসারা করিল ; সিতারা নাদির শাহকে অভিবাদন করিয়া স্থিরভাবে একদিকে গিয়া চূপ কবিয়া দাঁড়াইল । আগাবাসী চলিয়া গেল । নাদির সিতারার সম্মুখে গিয়া কিছুক্ষণ তাহার মুখের দিকে একদৃষ্টে চাহিয়া রহিলেন)

নাদির । তোমার চোখ ছটী সুন্দর, মুখখানাও মন্দ নয়, আব রংটা বেশ ফর্সা । তোমাকে বোধ করি সুন্দরী বলা যেতে পারে ?

(নাদিবের কথাবলার ভঙ্গীতে সিতারা হাসিরা ফেলিল)

বাঃ বাঃ বাঃ—তোমার হাসিটাও বেশ সুন্দর, দাঁতেব আভাষ
পাওয়া যায়—আভা দেখায় বেশ—ইম্পাহানো কি সিবাঞ্জী
মেয়েদের মত নয়—ওরা হাসেনা, শুধু দাঁত বার করে ।

(সুন্দরী পুনরায় হাসিল)

শুধু দাঁড়িয়ে দাঁড়িয়ে হাসলে হবেনাতো । তোমাব নামটা
কি বল ।

সুন্দরী । সিতারা—

নাদির । সিতারা ! সিতারা ! বেশ নাম ! সিতারা—সিতারা—নামটা
তোমার সৌন্দর্যেরই অনুরূপ । তুমি হিন্দু—না মোসলেম ?

সুন্দরী । আমি হিন্দু—রাজপুত নারী ।

নাদির । রাজপুত ? শুনেছি রাজপুত হিন্দুস্থানের সর্কাপেক্ষা সমব-নিপুণ
জাতি ।

সিতারা । ছিল—কিন্তু আব নেই সম্রাট—মোগল বাদশাহ্-দেব
পতনের সঙ্গে সঙ্গে রাজপুত জাতিরও পতন হ'য়েছে ।

নাদির । এখন ভারতের সর্কাপেক্ষা সমব-নিপুণ জাতি ?

সিতারা । মহারাষ্ট্র ।

নাদির । তুমি কুমারী ?

সিতারা । আমি কুমারীও বটে—আবাব বিধবাও বটে ।

নাদির । কি রকম, কি রকম ?

সিতারা । আমার পিতা ও স্বজাতির কাছ থেকে মোগলরা আমায় অপহরণ
করে । তারপর একজন কাপুরুষ মোগল-রাজবংশীয় লম্পটের

সঙ্গে এক মোল্লা এসে আমাব বিবাহ দেয়। আমি সে বিবাহ স্বীকার করিনি।

নাদির। তোমার স্বামী তোমায় ছেড়ে দিলে?

সিতারা। না সম্রাট। বিবাহের বাত্রে লম্পট আমার অঙ্গ স্পর্শ ক'রতে আসে। আমি তাকে বধ করি।

নাদির। সোভান্ আল্লা—তোমায় ভাল বাসতে ইচ্ছা ক'রছে। তোমার জীবনের ইতিহাসে একটু বৈচিত্র্যও আছে—তোমাব কথা বলার ভঙ্গীও মন্দ নয়! ভাল, তারপর কি হ'ল?

সিতারা। যখন রাত্রি গভীর এবং সমস্ত পুরী নীরব—সেই সময়ে আমি লম্পটকে বধ করি। তার মৃত্যুর কথা প্রচার হবাব পূর্বেই আমি নিশীথ অন্ধকারে পুরী ত্যাগ করি।

নাদির। তুমি তাকে স্বামী ব'লে গ্রহণ ক'লে না কেন?

সিতারা। ভাল লাগলো না। তার ভাবভঙ্গী আমাদের রাজপুত্র যুবকের মত বীরোচিত নয়—কেমন যেন স্ত্রীলোকের মত স্বভাব।

নাদির। ভাবে বোধ হ'চ্ছে তুমি বীরপুরুষকে পছন্দ কর!

সিতারা। আমাদের দেশের মেয়েবা বীরত্ব শুধু পছন্দ করেনা—পূজা কবে।

নাদির। পূজাও করে? তাহ'লে তোমাদের দেশের মেয়েদের ভাল ব'লতে হবে!

সিতারা। আপনি আলাউদ্দীন আর পদ্মিনীর ইতিহাস ^{পড়েছেন} শুনেছেন?

নাদির। দেখ, আমি নিজে লেখাপড়া জানিনে—তবে আমার অনেক কর্মচারী আছে। তারা দেশ বিদেশের ইতিহাস সংগ্রহ ক'র আমায় শোনায়। আলাউদ্দীনের ইতিহাস আমি জানি!

সিতারা। মুসলমানের হাত থেকে রাণী পদ্মিনীকে রক্ষা করতে সমস্ত জাতি একসঙ্গে প্রাণ দিয়েছিল।

নাদির। দেখ, তুমি বার বার মুসলমানের নিন্দা ক'রছ, সেটা আমার কানে ঠিক ভাল লাগছেনা। তুমি যোগল কিবা পাঠানের নাম কর—(মুসলমান ব'ল না।) মুসলমান নামটা একটা বৃহৎ কল্পনা—অনেক ক্ষুদ্র জাতি আর ধর্মকে এক ক'বে বাধ্বার জন্ত ও-নামের সৃষ্টি হয়েছে। ভাল, তোমার সেই যোগল স্বামীকে—

সিতারা। সে আমার স্বামী নয় জাঁহাপনা। আমি তার অঙ্গও স্পর্শ করিনি—

নাদির। তাকে বধ করবার পর কি ক'লে ?

সিতারা। দেশে ফিরে গিয়ে শুন্গাম, বাপখ্যা মারা গেছেন। দেশে কেউ আমার স্থান দিলে না—আমি অনেকদিন যোগলদের ঘরে ছিলাম—আমার জাত গেছে।

নাদির। তোমার আত্মীয়-স্বজন কেউ তোমার স্থান দিলে না ?

সিতারা। না জাঁহাপনা। আমাদের দেশের ধর্ষিতা নারীর ভাগ্য চিরদিনই এই রকম।

নাদির। তোমার মতন এমন একটা স্ত্রীকে তারা হাতছাড়া ক'রলে ?
যাক্—তুমি কি ক'রলে ?

সিতারা। দেশের বাস উঠলো। আত্মীয়-স্বজন, রাজপুত্র-সমাজের সঙ্গে সম্পর্ক গুচলো ! ছেলেবেলা থেকে গাইতে পারতাম—লোকেও স্কন্ধ ব'লতো—সেই কণ্ঠকেই পথের ক'রে পথে বেরিয়ে পড়লাম।

নাদির। তাহ'লে তুমি পথের স্ত্রী !

সিতারা। ঠিক তাই জাঁহাপনা। আজ সকালে গান গেয়ে যাচ্ছিলাম।
উজীর সাহেবের অনুচর জাঁহাপনাকে উপহার দেবার জন্ত

ক্রীতদাসী খুঁজতে বেরিয়েছিল—আমাকে মোগল সম্রাটের শিবিরে নিয়ে এল—তারপর এই ভাল পোষাক পরিয়ে আপনাব সামনে উপস্থিত ক'রলে।

(নাদির ছুই একবার সকৌতুক দৃষ্টিতে সিতাবাকে দেখিলেন।

তারপর—ছুই একবার পাদচারণা কবিলেন)

নাদির : সিতারা, তুমি পথের ভিখাবিনী।

সিতারা : হ্যাঁ সম্রাট—

নাদির : আচ্ছা—আমি যদি তোমায় জগতেব সর্বশ্রেষ্ঠ সম্রাজ্ঞী কবি,
তোমার কোন আপত্তি আছে ?

সিতারা : আপনার লাভ ?

নাদির : খেয়াল—তা ছাড়া তোমার চোখ দুটা বেশ ভাল—কণ্ঠও মন্দ
নয়। আগাবাসী—

আগা : জনাব !

নাদির : মোল্লাবাসী।

সিতাবা আমি তোমার বিবাহ ক'চ্ছি। যে খেয়ালী বিশ্ববিধাতা
রাজাকে ফকীর আর ফকীরকে রাজা করেন—যাঁর ইচ্ছায়
নগর অরণ্যে আর অরণ্য নগরে পরিণত হয়—যাঁর ইচ্ছিতে
সাগর মরুভূমি আর মরুভূমি সাগর হয়—আমি তাঁরই মত
আমার ইচ্ছার বিচিত্র শক্তির লীলা দেখাব ! আশা করি বিবাহে
তোমার আপত্তি নাই।

(মোল্লাবাসীর প্রবেশ)

সিতারা । মন্দ কি—একভাবে তো কাটাতে হবে ;

নাদির । মন্দ কি ? তুমি ^{সিঁদুর} আশ্চর্য্য হ'চ্ছ না ?

সিতারা । না—আপনিইতো বল্লেন জনাব, একজন বিশ্ব-বিধাতা আছেন যিনি প্রতিনিয়ত রাজাকে ফকীর আব ফকীরকে রাজা কচ্ছেন ।

নাদির । তোমার কপ-ষৌবন তো আছেই—দেখছি তোমার বুড়িও আছে । ভাল, কোন্ মতে বিবাহ করা তোমার ইচ্ছা ? আমার মোল্লা উপস্থিত । যদি বল, আমার কর্মচারী পাঠিয়ে দিনে নিকটের কোনো হিন্দু-গ্রাম থেকে একজন হিন্দু মোল্লা আনাতে হয়—

সিতারা । আবশ্যক নেই । কোন হিন্দু পুরোহিত সহজে একরকম বিবাহে মন্ত্র পড়াবে না—

নাদির । সে ব্যবস্থা আমি ক'র্ব্বো—তোমার হিন্দু মোল্লার আবশ্যক আছে কিনা বল !

সিতারা । না, আবশ্যক নেই । পুরোহিত হিন্দু নিয়ে আর কি হবে সম্রাট ? ঘরতো ক'র্ব্বতে হবে আপনার সঙ্গে !

নাদির । সিতারা, তুমি দেখছি রত্ন । মোল্লাবাসী তুমি সাক্ষী— হিন্দুস্থানের এই রাজপুত নারীকে আমি বিবাহ করছি । ভালকথা, আগাবাসী—আলি আকবর, সিরাজী বেগম— সিতারা, সিরাজী বেগম আর তাঁর ভাই আলি আকবরে সঙ্গে তোমার পরিচয় করিয়ে দেব । আর এ বিবাহে তারাও সাক্ষী

থাক্ । এরা পারশ্চের অভিজাত বংশীয়—আমাকে ঘৃণা করে !

সিতারা । আপনাকে ঘৃণা করে ? কেন সম্রাট ?

নাদির । আমি যে চাষীর ছেলে । আমি ছেলেবেলায় চাষ ক'র্তাম—
মেষশাবক চরাতাম—আজ মানুষ মেষ চরাচ্ছি—প্রায় সমান !

(আলি আকবর ও সিরাজী বেগমের প্রবেশ)

(নাদির শাহ্ উভয়ের প্রতি উপবেশনের ইঙ্গিত করিলেন)

আলি আকবর, আমার ইচ্ছা হ'য়েছে—আজ আমি এই হিন্দু
কীর্তদাসীকে বিবাহ ক'রে একে জগতের সর্বশ্রেষ্ঠ সম্রাটের
সর্বশ্রেষ্ঠা মহিষী ক'রবো ।

আক । আপনি ইচ্ছা ক'রলেই পারেন জাঁহাপনা—আপনি
সর্বশক্তিমান্ !

নাদির । আলি, তোমার এই গুণেই আমি তোমাকে এত ভালবাসি !
বোধ হয় তোমাদেব ইরানী অভিজাতকে শুধু এই একমাত্র
কারণে ভালবাসি । অমন তোষামোদ জগতে আর কোনো
জাতি ক'রতে পারবে না ! সিরাজী বেগম, সিতারা বেগম
আজ থেকে প্রধানা মহিষী—তুমি প্রত্যহ এঁকে অভিবাদন
ক'রবে । এই মুহূর্তে অভিবাদন কর ! অভিবাদন কর !
(সিরাজী অভিবাদন করিল) সিতারা, আমার পাশে এস
মোলাবাসী—

মোলা । নূতন হিন্দু বেগমের বংশ-পরিচয়—

নাদির । আঃ—মোল্লাবাসী, দ্বিকৃতি ক'রনা । (সিরাজী, তোমার বোধ হয় স্মরণ আছে, এই রকম আর একটা বিবাহ-রাত্রে আভিজাত্য-ভিমানী শিষ্য সম্প্রদায়ের আর এক মোল্লাবাসীর কি হৃদশা হ'য়েছিল !) বংশ-পরিচয় অনাবশ্যক—আমি চাই, বংশের নব, নিজের পরিচয়ে মানুষ দাঁড়াবে ! আভিজাত্য যেন আজ এই সিরাজী বেগমের মত ক্রোতদাসীকেও অভিবাদন ক'রতে শেখে—

(নাসিকুল্লা কুলী খাঁব প্রবেশ)

নাসিকুল্লা ৭ এদিকে এস । সিতারা, এই আমার কনিষ্ঠ পুত্র !

সিতারা । শাহ্ জাদা ?

নাদির । এখন ঘটনাচক্রে শাহ্ জাদা হ'য়ে দাঁড়িয়েছেন বটে—তবে আসলে ইনি কুলীখাঁ জাদা—কেননা, যখন জন্মেছিলেন, তখনো আমি শাহ্ হইনি । নাসির কুলী, এই হিন্দুরমণী হিন্দুস্থানের রাজপুতনারী—এই যুহুর্তে ইনি প্রধানা সম্রাজ্ঞী হবেন !
মোল্লাবাসী—

সিতারা । আমার একটা নিবেদন আছে জাঁহাপনা ।

নাদির । বল —

সিতারা । হিন্দুস্থানে লোকাচার আছে, পুত্রকে পিতার বিবাহ দেখতে নেই । স্মতরাং—

নাদির । ভাল, তোমার দেশের আচার আমি মান্ব । নাসির, তুমি যুহুর্তের জন্ত শিবিরের বাইরে যাও—

নাসির । আমি সংবাদ বহন ক'রে এনোছ সম্রাট !

নাসির । কি সংবাদ ?

নাসির । হিন্দুস্থানের সম্রাট—শিবিরেব বাইরে—

নাসির । ওঃ—ভাল, তুমি তাঁকে অপেক্ষা ক'র্তে বল । আগে বিবাহ হ'য়ে যাক—তারপর হিন্দু সার্বভৌম বাজার মত প্রধানা মহিষী, অশ্রান্ত বেগম এবং সমস্ত রাজ-কর্মচারী পরিবেষ্টিত হ'য়ে আমি মোগল-সম্রাটের সঙ্গে দেখা ক'রব—আদেশ পেলে তুমি তাঁকে এখানে আনবে ।

(সিরাজী ও আলি আকবরে দৃষ্টি-অভিনয়)

[নাসিরুল্লাহর প্রস্থান]

(মোল্লাবাসী ও সিতারাকে লইয়া নাসির কিছুক্ষণের জন্য নেপথ্যে গেলেন . পর মুহূর্তে আবার আসিলেন)

নাসির । আগাবাসী—সমস্ত রাজকর্মচারী ও সৈন্যাদ্যক্ষকে এই মুহূর্তে এখানে উপস্থিত হবার সঙ্কেত কর' সিরাজী বেগম, তুমি আমাদের পদতলে উপবেশন কর ।

(আগাবাসী শিবিরের বাইরে গিয়া সঙ্কেত করিতেই এক এক করিয়া সৈন্যাদ্যক্ষ ও রাজকর্মচারীগণ সম্রাট-শিবিরে আসিয়া নূতন সম্রাট-দম্পতীকে অভিবাদন করিতে লাগিলেন ।

আহমেদ আবদালি, সালেহ্ বেগ, মির্জা মেহেদী, কীর্তিদাসীগণ বিভিন্ন জাতীয় সৈন্য এবং তাহাদের অধ্যক্ষ—তুর্কী, ককেসীয়, খোরাসানী, সিন্ধানী, বক্তিরারী, কাস্মান, আফ্গান, খিলজী, আবদালী এবং সর্বশেষে নাসিরুল্লা, আসফাজা, সাদৎ আলি খাঁ

প্রভৃতি সহ যোগল সম্রাট্ মহম্মদ শাহ্কে লইয়া প্রবেশ করিল।

নাদির সিংহাসন হইতে নামিয়া মহম্মদ শাহের অভ্যর্থনা করিলেন)

নাদির। যোগল সম্রাট্, আপনি শুভ মুহূর্ত্তে আমার শিবিরে এসেছেন !

আপনার প্রদত্ত সেই হিন্দু ক্রীতদাসীকে আমি বিবাহ ক'রছি—

(সৰ্বত্র পান-ভোজনের উৎসব চলিতে লাগিল—নাদির পুনরায়
তাঁহার উচ্চাসনে গিয়া বসিলেন)

যোগল সম্রাট্, ইতিপূর্বে আমি আপনার ব্যবহারে অত্যন্ত
কষ্টে হইয়াছিলাম ; আপনি আমার বাজশক্তি অস্বীকার
ক'রেছিলেন—তার নিদর্শন, আপনি বার বার আমার
শক্তি অমান্য করে বিদ্রোহী পলাতক আফগান সর্দারদের
আপনার বাজ-সভায় আশ্রয় দিইয়াছেন। আপনি ভেবেছিলেন,
আফগানিস্থানের দুর্গম গিরিপথ অতিক্রম ক'রে পারস্যের
বিজয়ী সৈন্যবাহিনী হিন্দুস্থানে আসতে পারবে না। এখন
বুঝেছেন, আপনার ধারণা কিরূপ ভ্রমাত্মক ?

মহম্মদ। পাবশু সম্রাট্, আমার পূর্ব-ব্যবহারের জন্য আমি অনুতপ্ত।

নাদির। আপনি যখন নিজে এসেছেন, আপনার প্রতি আর আমার
ক্রোধ নাই। (আপনি তুর্কী, সুন্নী-সম্প্রদায় ভুক্ত, উদার
মুসলমান—আমাদের পরমাখ্যায় কেননা—আপনি নিশ্চয়
শুনেছেন—আমিও তুর্কী, আমিও সুন্নী সম্প্রদায়-ভুক্ত।) আমি
আপনার পূর্ব-অপরাধ ক্ষমা ক'রেছি।

মহম্মদ। সম্রাট্ আপনি মহান্ !

নাদির। আপনি আপনার আভিজাত্য-মাণ্ডিত গর্ভিত উষ্ণীষধাবী শির
আমার এবং নূতনতম সম্রাজ্ঞীর নিকট অবনত ক'রেছেন,

এই জন্য আমি আপনাব প্রতি বিশেষ প্রসন্ন হ'য়েছি (যে
 আভিজাত্য মানুষকে তুচ্ছ ক'বে তাকে ক্রীতদাস করে, আমি
 তাকে ঘৃণা করি। আভিজাত্যের চেয়ে মানুষ শ্রেষ্ঠ, কেননা
 আভিজাত্য মানুষ সৃষ্টি করে না, মানুষই আভিজাত্যের স্রষ্টা)
 তবে আমি এই মুহূর্তে সসৈন্তে আপনার রাজধানীতে যাত্রা
 ক'রতে চাই—আমি সেখানে গিয়ে নিজের গোথে আপনার
 শাসন-প্রণালী দেখবো। যদি আপনি রাজ্য-শাসনের যোগ্য
 হন, উত্তম; যদি অযোগ্য হন, ভারতে মোগল শাসন পুৰাতন
 ও অনাবশ্যক ব'লে পরিত্যক্ত হবে। সালেহ্ বেগ, আহমেদ
 আবদালী, সমস্ত বাহিনী সচল হবার আদেশ দাও। বাহিনীর
 পুরোভাগে পথ প্রদর্শক হ'য়ে থাকবেন—সাদৎখাঁ এবং
 মোগল সম্রাটের উজীর আসফজা-নিজাম উলমুল্ক চিন্
 ক্লিচখাঁ—তারপর সালেহ্ বেগ তোমার খোদাসানী বাহিনী,
 তারপর ভারত সম্রাট ও পারস্ত সম্রাট—তৎপশ্চাতে আগাবাসী,
 ভারত সম্রাট ও পারস্ত সম্রাটের বেগম-মহল—তারপর খিলজী,
 তুর্কী—তারপর আলি আকবর, বাহিনীর রসদ কর্মচারী,
 তারপর বক্তিবানী, কান্দানি, সিস্তানী, ককেসয়ী—সর্বশেষে
 আহমেদ, তোমার দুর্দর্ষ আবদালী সৈন্ত।

(আদেশমত সৈন্তাধক্ষ্যগণ এক এক করিয়া বাহির হইয়া গেল—

সালেহ্ বেগ ও আহমেদ আবদালী শিবির তুলিবার সঙ্কেত


করিলেন—দামামা-ধ্বনি দ্বারা সেই বিশাল শিবিরের

সর্বত্র একটা গতি-চাঞ্চল্য অনুভূত

হইতে লাগিল)



দ্বিতীয় অঙ্ক



দৃশ্য—দিল্লী-রাজ প্রাসাদ, বেগম-মহল

(রাত্রি দ্বিতীয় প্রহর। সিরাজী তাঁহার কক্ষে একা বসিয়া আছেন।
কর্ণালের শিবিরে সে বাত্রির ঘোর অপমান তাঁহার মনে জাগরুক—
সেই সঙ্গে চোখের সন্মুখে ভাসিতেছে সিতারা ও নাদিরের
পূর্ণাঙ্গ প্রেমের চিত্র। নারী-মূলভ ঈর্ষায় তাঁহার
অন্তর জলিতেছে। অল্পক্ষণ পরে আলি
আকবর প্রবেশ করিয়া একটা
আসনে বসিয়া পড়িলেন)

সিরাজী। আলি আকবর, এ অপমানের প্রতিশোধ তোমায় নিতেই হবে।
আক। আস্তে—আস্তে—চৈঁচিয়ো না সিরাজী, চৈঁচিয়ো না। হঠাৎ
এমন উত্তেজিত হ'য়ে উঠলে কেন?

সিরাজী। তুমি যদি মানুষ হ'তে—আমার উত্তেজিত হবার আবশ্যক
ছিলনা। খোরাসানী জঙ্গলের ভ'ইস্ তোমার সামনে যে
অপমান আমায় ক'রুলে—নিজের চোখে দেখেও, তুমি যদি
তার প্রতীকার না ক'বে এই রকম সমস্ত রাত্রি মত্তপান ক'রে

নিজের আনন্দে বিভোর থাক', তাহ'লে আমার আত্মহত্যা
ক'ন্তে হবে।

আক। কোন্ দিনকার কোন্ অপমানের কথা ব'ল্ছ বল দেখি ?

সিরাজী। ওঃ। স অপমান তোমার গায়েরই লাগেনি ! তুমি কি হ'লে ?
এত অপঃপতন তোমার কি ক'রে হ'ল ? তুমি কি ভুলে গেছ
কোন্ বংশে তোমার জন্ম ?

আক। আচ্ছা সিরাজী, ব্যাপারখানা কি বল তো ? তুমি আমার
মত্বপানের জন্তু তিরস্কার ক'রলে, অথচ দেখ্ছি নেশাটা
তোমারই হ'য়েছে বেশী !

সিরাজী। তোষামোদ ক'রে আর অপমান স'য়ে তোমার গায়ের চামড়া
এত পুরু হ'য়ে গেছে যে কোনো অপমানই চামড়া ভেদ ক'রে
অন্তরে গিয়ে পৌছয় না। কুলী খাঁ মিথ্যে বলে না—তোষামোদে
ইরানীবা অধিতীয়।

আক। হঠাৎ স্বজাতির দুর্গতির জন্তু তোমার প্রাণ এ রকম কেঁদে
উঠলো যে ! তোমায় এতটা স্বজাতি ও স্বদেশ বৎসলা পূর্বে
তো কখনো দেখিনি সিরাজী। সত্যি ব'ল্ছি সিরাজী, মান-
অপমানের খুব বেশী তোমাক্কা আমি রাখিনি—আমি চাই
কাজ। হ'টো অপমান স'ইলে, কি হ'টো মিষ্টি মিথ্যেকথা
ব'ল্লে, যদি কাজ পাওয়া যায়—তাতে ক্ষতি কি ?

সিরাজী। অপমানেরও তো একটা সীমা আছে। আর কত অপমান
তুমি সহিতে বল ? একটা রাস্তার ভিখারী মেয়ে—কাফের—
তাকে ক'লে প্রধানা বেগম—আর আমি, সাক্ষাতী বংশের
রাজকুমারী, সম্রাট্ হুসেন শাহের ভাগিনেয়ী, আমাকে তার
পায়ের তলার দাঁড় করিয়ে সেলাম করালে।

আক । ওঃ, বটে বটে বটে—তোমার একটু রিশ্ হয়েছে ! তা হ'তে পারে। যাই বল আর তাই বল বোন, কুলীখাঁকে তুমি যতই গালাগাল দাও, আমি দেখছি সতাই তুমি ওকে একটু একটু ভালবাস !

সিরাজী । সেই হিন্দু সন্ন্যাসী—গায়ের বং দেখলে অস্বাভাবিক রাত্রি ভয়ে পালিয়ে যায়—সেই হ'ল ওর প্রধানা বেগম ! উপযুক্ত মিলনই হ'য়েছে ! একদিকে খোরাসানের জঙ্গলের বর্ষর চাষী, আর একদিকে হিন্দুস্থানের সন্ন্যাসী—আর তুমি দিনে-রতে পঞ্চাশবার ক'রে এই অপূর্ণ দম্পতীকে সেলাম ক'রে আস্ছ ! লজ্জাও কবে না ?

সন্ন্যাসী ? তোমার বিশেষ মাত্রাটা একটু বেশী হ'য়ে গেল সিরাজী । তার উপর রাগ ক'রতে হয় কর, তোমার দোষ দিই না—খোদা তোমায় স্বীলোক ক'রে পাঠিয়েছেন, কি করবে বল ! (কিন্তু রাগ ক'রে ডাহা মিথ্যেকথা বলা ঠিক নয় । রাগের মাথায় তাকে অতটা কুৎসিত বলা ঠিক উচিত হবেনা । কুলীখাঁ যখন ক্রীতদাসীদের দল থেকে ওই মেয়েটিকেই পছন্দ ক'রে নিলে, তখন আমি তার পছন্দের তারিফ না ক'রে থাকতে পারেনি না । তুমি রাগই কর আর যাই কর সিরাজী, আমি হুক কথা ব'ল'বো) রাজপুত্ৰী সত্যি সুন্দরী—আর, একেবারে যাকে বলে নব-যৌবনা । নাদির যদি ওকে পছন্দ না কর্তে, তাহ'লে বোধ হয় আমিই ওকে পছন্দ কর্তাম ।

।। সে সুন্দরী—সে নব-যৌবনা—আর তোমরা সব পুরুষ নবীন যুবক ! কেবল আমারই রূপ নাই—আমারই যৌবন নাই !

আহা—তুমি রাগ কর কেন ? ✓

সিরাজী । না, রাগ ক'রবো কেন । আর কার উপরই বা রাগ ক'রবো !
আর তোমার সঙ্গে আমার সম্পর্কই বা কিসের ? এক বাপ-
মার সম্বন্ধ বড়তো নয় । তা, বাপ-মায়ের সঙ্গে সঙ্গে সম্পর্কও
চ'লে গেছে । এখন তুমি জগতের অদ্বিতীয় দিগ্বিজয়ী সম্রাটের
অর্থ-সচিব—আমার অপমানে তোমার অপমান হবে কেন !
কিন্তু তোমাব এ সুদিন থাকবে না কেনো । তুমি
ভাবছ সম্রাট তোমাব হাতের মুঠোর, কিন্তু তোমার সে
ধারণা ভুল ।

আক । সিরাজী, তুমি যখন মিছিমিছি অভিমান ক'বছো, রাগ-ক'বছো,
তখন আর আমি হাস্য-পরিহাস ক'রব না । শোন সত্য কথা—
নাদির আমাদের যতটা ঘৃণা করে, তার চতুর্গুণ ঘৃণা আমি
তাকে করি । কিন্তু শুধু ঘৃণা ক'বলেই তো হয় না ।
তুমি জান, আমি অসিজীবী নই—মসীজীবী আর বুদ্ধিজীবী ;
নাদির যে মুর্ত্তিমান অসিজীবী । কিন্তু ও মুর্থ—যতই শক্তি-
শালী হোক, আমার শরণাপন্ন ওকে হ'তেই হবে ।

সিরাজী । তুমি নাদিরের চেয়েও মুর্থ, তাই ওই রকম একটা অসম্ভব ধারণা
ক'রে ব'সে আছ । তোমার মত শিক্ষাভিমানী লোক, ও যে
দেশে যাবে সেই দেশেই শত শত সংগ্রহ ক'র্তে পারবে । আর
যে শিক্ষার গর্ব তুমি ক'রছ, সে গর্ব সালেহ্ বেগও ক'রতে
পারে—উপরন্তু সে শক্তিমান বীর । ইতিমধ্যেই দেখতে
পাচ্ছ', দিল্লীশ্বরের উজীর আসফ্ জা আর সাদৎ খাঁ নাদিরের
কত প্রিয়পাত্র হ'য়েছে ।

আক । আজ না হয় হিন্দুস্থানে এসে নাদির হঠাৎ খুব বড় হ'য়ে প'ড়েছে,
কিন্তু ছ'দিন পরে যখন সৈন্যদের রসদ যোগাড় ক'র্তে হবে—

মাসোহারা দিতে হবে—তখন কি আসফ্‌জা তার ব্যবস্থা ক'র্বে, না সালেহ্ বেগ ক'র্বে ?

সিরাজী । তোমার মুক্তির বহব দেখে দানিয়েল পর্যন্ত হার মানবে । তুমি কি অন্ধ, না দিল্লীতে এসে মোগল-সম্রাটের অতিথি হ'য়ে, রাত্রি-দিন শুধু মগুই পান ক'চ্ছ ?

আক । এখানে এসে অবশ্য মগুপান ছাড়া অণু কোনো কাজ আমার নাই ব'লেই চলে—কিন্তু আমি অন্ধ নই ।

সিরাজী । তুমি ভাবছ' ভারত-অভিযানেব পবেও নাদিরের অর্থাভাব থাকবে ? শুধু দিল্লী নয়, ভারতের প্রতি প্রদেশ থেকে দিগ্বিজয়ী রাজকর আদায় হ'চ্ছে তুমি জান । সমস্ত হিন্দুস্থান যদি পাশ্চাত্য-সম্রাজ্যের অন্তর্ভুক্ত হয়, আমি কিছু আশ্চর্য্য হব না । তারপর ভারতের অগাধ ধনরত্নের অফুরন্ত খনিব সন্ধান যদি নাদির পায়, তখন সে তোমাস দূর ক'বে তাড়িয়ে দেবে—তোমার পরিবর্তে রাজস্ব-সচিব হবে, ওই রাজপুত্রীক কোনো রাঠোর আশ্রয় ! হিন্দুস্থান থেকে যদি প্রচুর অর্থ পায়, তাহ'লে হিন্দু বেগমকে ভালবাসা তাবপক্ষে তো স্বাভাবিকই হবে । সে সমতানী এরই মধ্যে নাদিরকে গুণ ক'রেছে, অদূর-ভবিষ্যতে তোমার-আমার কি অবস্থা হবে, একবার চিন্তা ক'রে দেখ !

আক । তা-তা-তা—তোমার কথাটা যে একেবারে যুক্তিহীন তা নয় যদিও, তবু বুঝলে কিনা সিরাজী, আগে থেকে অতটা চিন্তা করবার যে আবশ্যক আছে, তা আমার ঠিক মনে হ'চ্ছে না !

সিরাজী । বেশ, তুমি নিশ্চিত থাক । ওদিকে অন্তরনে আগাবাসী রাজপুত্রীর একান্ত অনুগত । পূর্ব থেকেই সে আমার ভাল দেখতে পারে না—প্রভুভক্ত কাফ্রী, প্রভুর মত পারসী

অভিজাতের উপর তারও বিতৃষ্ণা ! তার অনুমতি নিয়ে আমার তোমার সঙ্গে সাক্ষাৎ ক'র্তে হয়—অথচ আমি বেগম, সম্রাট হুসেন শাহের ভাগিনেয়ী ! ওঃ—আমার এ অপমান যদি তোমার গায়ে না লাগে, আমাব উচিত জ্বর খেয়ে মরা !

আক। আচ্ছা, তুমি কি ক'র্তে বল ?

সিরাজী। (একটু আগে তুমি গর্ব ক'রেছিলে তুমি বুদ্ধিজীবী ; আমি তোমার সেই বুদ্ধিব দোড়াই দিয়ে ব'লছি) সমস্ত বুদ্ধি সংগ্রহ ক'রে এমন বিছু কর যাতে নাদিরের ভারত-অভিযান একে-বারেই ব্যর্থ হয় ! কুলী খাঁ একদিন পারশ্যে জন প্রিয় হ'য়েছিল তারই ফলে শাহ্ তামাস্ আজ খোবাসানে বন্দী। নিশ্চয় জেনো, যদি কোনা দিন হিন্দুস্থানে নাদির জন-প্রিয় হয়, সেদিন আমাদের পক্ষে অতি ঘোর দুর্দিন। (আফগানিস্থান জয় করার কত আফগান তার সৈন্যভুক্ত হ'য়েছে—তারা তাকে দেবতার মত ভক্তি করে—তাদের সাহায্যে নাদির অভিজাতদেব কিরূপ লাঞ্চিত ক'র্তে পারে, তা কি তুমি আজও বুঝতে পারনি ? এখনই তো সম্রাট-দরবারে আফগান-সর্দার আহমেদ আবদালির সম্মান তোমার চেয়ে ঢের বেশী !)

আক। তাইতো সিরাজী, তুমি যে আমার সত্যিই ভাতিয়ে তুললে! আচ্ছা সিরাজী, তোমাব এখানে নিশ্চয়ই দু'-এক পাত্র সিরাজী পাওয়া যাবে !

সিরাজী। না, আর আমি তোমায় মস্তপান ক'র্তে দেব না ! মস্তপান ক'রেই তোমার এ অধঃপতন হ'য়েছে।

আক। সেটা কি ভাল হবে বোন্ ! কথা আছে জানতো, “যে মাটিতে পড়ে লোক, ওঠে তাই ধরে !” তুমি যা ব'লছ, ধর, তাই যদি

সত্য হয়, অর্থাৎ সত্যই যদি আমার অধঃপতন হ'য়ে থাকে—
তা হ'লে, যা থেকে অধঃপতন হ'য়েছে, সেই পদার্থকে ধ'রেই
আমাকে আবার উঠতে হবে। বুদ্ধিটাকে একটু সজীব না
ক'রলে, ঠিক পেরে উঠবোনা সিরাজী। তুমি সত্য কথাই
ব'লেছ—আমার সমস্ত বুদ্ধি এবার প্রয়োগ ক'র্তে হবে।

সিরাজী। বাঁদী, সিরাজী !

(বাঁদী আসিয়া দুইটা পাত্র পূর্ণ করিয়া দিল, উভয়ে পান করিল)

সিরাজী। এরই মধ্যে নাদির মোগল-রাজবংশের প্রতি বিশেষ অনুগ্রহ
ও ঔদার্য্য দেখিয়েছে। সাধারণ জন-সমাজ পাবস্ত-সম্রাটের
ব্যবহারে বিশেষ তুষ্ট। মোগল, পাঠান, মেবাবি, মাড়োয়ারি
সবার সঙ্গেই সমান ব্যবহার ক'রছে—হিন্দু-মুসলমানে কোনো
প্রভেদ রাখেনি !

আক। তুমি এত সংবাদ কোথায় সংগ্রহ ক'রলে ?

সিরাজী। আমি তো তোমার মত সমস্ত রাত মগপান করি না—আমার
চোখ-কান দুইই সজাগ থাকে। আমি আগাবাসীর কাছে
শুনেছি—মহম্মদ শাহের রাঠোর বেগমের কাছ থেকেও শুনেছি।

আফ। সম্ভবতঃ তোমায় পতিপ্রাণা মনে ক'রে সুখ্যাতির মাত্রা একটু
বাড়িয়ে দিয়েছে ! যাক্—জেনে রাখ সিরাজী, আর আমি
নিশ্চিত নই—আমার মস্তিষ্কে বুদ্ধির কীটগুলো সচেতন হ'য়েছে !

(বাঁদী আসিয়া পুনরায় পান-পাত্র পূর্ণ করিয়া দিল)

সিরাজী। এর জন্য তুমি রাজকোষের সমস্ত অর্থ গ্রহণ কর—যদি
আবশ্যক হয়, আমি আমার সমস্ত বড়ালকার তোমায় দেব !

আক। কুলী খাঁ আজ বাত্রে তোমার কক্ষে আসবে ?

সিরাজী। যেদিন থেকে সে রাজপুত্র সয়তানীকে দেখেছে, সেদিন থেকে একবাবও আমার সঙ্গে দেখা করেনি। কেমন ক'রে ব'লবো আসবে কি না ?

আক। যদি সংবাদ পাঠাও, তাহ'লেও আসবে না ?

সিরাজী। কেমন ক'রে ব'লবো ? বুনো হাবামের গৌ আর মব্জি !

আক। ঠিক হ'য়েছে ! এই জন্মই এই সিরাজী আমি এত ভালবাসি ! মাথা একেবাবে পরিষ্কার, বুদ্ধির দশটা দোরই খোলা ! আমি বরাবর দেখে আসছি, প্রচুর সিরাজী পান না ক'লে আমার প্রতিভা ঠিক কার্যকরী হয় না। আচ্ছা, আচ্ছা, আচ্ছা— ঠিক হ'য়েছে—এক টিলে সম্ভবতঃ অনেক পাখীই ম'র্বে। তুমি এক কাজ কর—আগাবাসীকে দিয়ে নাদিরকে ডেকে পাঠাও—ব'লবে, বড় জরুরী কাজ ! তাকে আনা চাই।

সিরাজী। যখন এসে জিজ্ঞাসা ক'বে কি জরুরী কাজ, কি উত্তর দেব ?

আক। যা খুসী—পরিহাস, বিক্রম, মান, অভিমান, চোখের জল—যত অস্ত্র তোমার হাতে আছে। (কতকগুলো কথা—তা তুমি পারবে ! এই ধর না—আবদালী, সয়তানী, হিন্দু, মুসলমান—এই সমস্ত আসল কথা—হিন্দুস্থানের বিরুদ্ধে কুলী খাঁর মনটাকে বেশ তাতিয়ে রাখবে—(বিশেষ ক'রে, আবদালী সৈন্য আর তাদের নামক আহমেদকে যদি গল্পের ভিতর জুড়তে পার তো ভাল হয়। এ বিষয়ে স্ত্রীলোকের, বিশেষতঃ তোমার, প্রতিভাকে আমি সম্পূর্ণ বিশ্বাস করি। কথাটাও একেবারে অমূলক নয়, দুই সৈন্যদলের মধ্যে অসন্তোষ চ'লেছে ! এখনই কুলীখাঁকে এখানে আনতে চাও—তারপর আজ সমস্ত রাত্রি এবং কাল

সকালে বেলা এক প্রহর পর্যন্ত তাকে তোমার কক্ষে ধরে রাখতে চাও ! বেলা এক প্রহরের পর দেখবে—

সিরাজী । (তোমার কথা বুঝেছি—কিন্তু) কি দেখবো ?

আক । যা দেখতে চাও !

সিরাজী । আমি দেখতে চাই—হিন্দুস্থানের হারামজাদীকে কাল সকালে কুত্তা দিয়ে খাওয়ানো হচ্ছে ।

আক । সেটা হলে একটু বেশী বাড়াবাড়ি হয় । আমার মাথায় এখন বড় বড় রাজনৈতিক চক্রান্ত সব ঘুপাক খাচ্ছে, আমি এখন স্ত্রীলোকের ছোট-খাট বাগ-দেষের কথা ভাবতেই পারছি না !

সিরাজী । তুমি কি করবে এখন ?

আক । সে আমি কাউকে বলবো না—তোমাকেও না । শুধু এই টুকু জেনে রাখো, কাল বেলা এক প্রহরের মধ্যে যা ঘটবে, তা আমারই পরিপক্ক মস্তিষ্কের গভীর চিন্তার ফল ! আমি চ'ল্লাম—আর আমি সময় নষ্ট করতে পারি না । মনে রেখো, কুলীখাকে আজ রাত্রে মত স্থানান্তর যেতে দেবে না ।

[প্রস্থান

(সিরাজী কিছুক্ষণ চঞ্চল হইয়া কক্ষের ভিতর পাদচারণা করিতে লাগিলেন, পরে একপাত্র সিরাজী পান করিলেন)

সিরাজী । বাঁদী, আগাবাসী—

[বাঁদীর প্রবেশ ও প্রস্থান

কি জানি, আলিকে বলে কাজ ভাল ক'ল্লাম কি মন্দ ক'ল্লাম ; কিন্তু ও ছাড়া এই বিদেশে আর কাকেই বা বিশ্বাস করি ! আলি হঠাৎ এতটা উৎসাহ দেখালে ! কি করতে চায় ? (ও তো স্বার্থ ছাড়া এক পা-ও চলে না !)

(আগাবাসীর প্রবেশ)

আগা । হুজুরাইন !

সিরাজী । সম্রাট্ কোথায় ?

আগা । আপনি তো জানেন সম্রাট্ কোথায় ।

সিরাজী । তাঁকে আমার সেলাম জানিয়ে বল, আমি তাঁর প্রতীক্ষায়
আছি । বিশেষ প্রয়োজন ।

আগা । সম্ভবতঃ তিনি নিদ্রিত ।

সিরাজী । তুমি হিন্দু বেগমকে আমার সেলাম দিয়ে বল, বিশেষ প্রয়োজন,
একটি বার সম্রাট্‌এ আমার এখানে আনা চাই—আমি
কতকগুলো গোপন সংবাদ পেয়েছি, সেগুলো সম্রাট্‌এর মঙ্গলের
জন্য তাঁর ^{স্বপ্ন}কর্ণগোচর করা আবশ্যিক ।

আগা । আমি এই মুহূর্তেই যাচ্ছি হুজুরাইন !

[প্রস্থান]

সিরাজী । বাদী, সম্রাট্‌এর জন্য সিরাজী ?

(বাদী পানীয় ও পান-পাত্র রাখিয়া গেল)

সিরাজী ।

গীত

সুন্দর হে (তোমায়)

অঁখিতে রাখিতে প্রাণ চায় !

জানি যে দেবে না ধরা

আশা ধরি নিরাশায়

নয়নে বারি করে গোপনে থেকে থেকে
যতনে রাখি ঢেকে

শুধু যে ছলনায় !

কত যে অবহেলা, কত যে কত যে অপমান,
গুমরি' কেঁদে উঠে দলিত মন-প্রাণ
মূরছি' পড়ে ওগো নিহুর,

তব পায় ॥

(গানের মধ্যভাগে সম্রাট প্রবেশ করিলেন ; তিনি গান শেষ হওয়া
পর্যন্ত অপেক্ষা করিলেন)

নাদির । বাঃ বাঃ বাঃ—বেশ সেজেছ পিয়ারী ! আজ তোমার দেখে
মনে হ'চ্ছে, বুঝিবা তোমার ঘোবন এখনো গত হয়নি ! তোমার
দেহে ও মনে সহসা ঘোবনের এ প্রাচুর্য আজ কোথা থেকে
এল সিরাজী ?

সিরাজী । জাঁহাপনার অনুগ্রহ ' তবে এ ঘোবন আমার নয়-
জাঁহাপনার চোখের স্বপ্ন-বিলাস ! কয়েকদিন থেকে নবঘোবনা
সংস্পর্শে এসে জাঁহাপনা এখন চারিদিকে শুধু ঘোবনের
স্বপ্ন দেখছেন !

নাদির । তোমার কথা একেবারে মিথ্যা নয় সিরাজী ! এই হিন্দুস্থানে
বালিকা নতাই আমার অন্তর স্পর্শ ক'রেছে—আমি নূতন ক'রে
ঘোবন ফিরে পেয়েছি ! তুমি দিয়েছিলে মত্ততা, এ দিয়ে
অমৃত !

সিরাজী । তবু ভাল—জাঁহাপনা স্বীকার ক'রেছেন, আমি মন্ততা দিয়েছিলাম । কিন্তু আজ আর মন্ততা দেবার মতও কিছু আমার নেই ।

নাদির । কয়েকদিন থেকে আমারও তাই ধারণা হ'য়েছিল—ভেবেছিলাম তোমাকে বেগমের দল থেকে বরখাস্ত ক'রে বাঁদীর দলের সর্দারনী ক'রে দেব । কিন্তু আজ তোমায় দেখে মনে হ'চ্ছে, চাই কি তোমায় আরও দু'তিন বছর বেগম-মহলে বাখা যেতে পারে !

সিরাজী । সম্রাটের অসীম অনুগ্রহ । আব বাঁদীই তো আছি—সর্দারনী হ'লে তবু কিছু স্বাধীনতা থাকত ! কি চমৎকার বেগমের সম্মান—জাঁহাপনার ক্ষুদ্রতম বান্দারও ইচ্ছানুসাবে তাকে উঠতে ব'সতে হয় !

নাদির । এ অনুযোগ অনেকদিন শুনেছি, নূতন ক'রে শোন্বার আবশ্যক নেই । যাক্—এই গভীর রাত্রে আমার নিদ্রা ভাঙিয়ে আমায় এখানে আহ্বান ক'বেছ, শুধু কি এই কথা জানাতে যে তুমি আজও যুবতী এবং তোমার ওই—^{কি}পানীয়েব মত আজও রঙিন !

সিরাজী । আমি এত নিরকোঁধ নই জাঁহাপনা যে একটা ভাঙা প্রাণের খণ্ড-বিখণ্ড অংশ কুড়িয়ে নিয়ে, নূতন প্রাণের ডালি রচনা করি !

নাদির । প্রাণ কি সত্যিই ভেঙে গেছে সিরাজী ? কেমন ক'রে ভাঙলো ? অমন টেকসই পাথুরে প্রাণ কিসের আঘাতে ভাঙলো ?

সিরাজী । জাঁহাপনা, আমার রূপ-যৌবন নিয়ে রহস্য ক'রতে চান করুন, কেননা জাঁহাপনাকে বাধতে পারি, যৌবনের সে ঐশ্বর্য

আজ আর আমার নাই—কারণ চিরদিন থাকে না, সম্ভবতঃ
আপনার হিন্দু-প্রেমসীরও থাকবে না—কিন্তু প্রাণ নিয়ে রহস্ত
করা শুধু হৃদয়হীনতার নয়, কুরুচির পরিচয় !

নাদির। সত্য কথা সিরাজী। কিন্তু আমি তো কোনো দিনই একথা
বলিনি যে আমি সাফাতী-বংশীরের মত মার্জিত-কুরুচি ! থাক—
আজ আর আমি তোমার প্রাণে আঘাত দেব না। (যে-আনন্দ
আমি আমার অন্তরে পেয়েছি, আমি ইচ্ছা করি, আমার
চারিদিকের সবাই—যারা আমাব প্রসাদ-ভিক্ষু—সেই আনন্দ
অনুভব ক'রুক।) তুমি যখন আমায় এখানে আমন্ত্রণ ক'রে
আহ্বান ক'বেছ, আজ বাত্রে আমি তোমার এখানেই
থাকবো।

সিরাজী। হিন্দুস্থানের যে কাফের বালিকার প্রেমে জাঁহাপনার প্রাণের
প্রসার এতখানি বেড়ে গেছে, আমি তার কল্যাণ-কামনায়
জাঁহাপনাকে এই পানীয় পরিবেষণ করি।

[সিরাজী প্রদান

নাদির। (পানাস্তে) তুমি বেশ কথা ব'লতে পার সিরাজী—খাসা বানিয়ে-
বসিয়ে চমৎকার ক'বে বল—এটে বোধ হয় লেখাপড়া শেখার
গুণ ! এই দেখ না, মনে মনে তুমিও আমাকে পছন্দ কর না
আমিও তোমাকে পছন্দ ক'বি না। অথচ তুমি কেমন মিষ্টি-মিষ্টি
ক'রে কথাগুলো ব'লছ—শুনে মনে হ'চ্ছে, যেন আমাবে
আনন্দ দেওয়া ছাড়া আর কোনো কাজই তোমার নাই ! (কিন্তু
এইদিকে তোমার সৌন্দর্যের প্রশংসা কর্তে গিয়ে, আমি মুখ দিয়ে
এমন এক কথা বের ক'রে ফেললাম, যেটা তোমার সামনে

বলা উচিত নয় এবং বন্বার ইচ্ছাও আমার ছিল না! নাঃ, লেখাপড়া আমার শিখতেই হবে। তুমি আমার শেখাবে সিরাজী? তুমি বোধ হয় শুনে সুখী হবে, সম্প্রতি আমাদের মোল্লা সাহেব মির্জা মেহেদীর রূপায় আমি অনেক কষ্টে আমার নিজের নামটা সঠিক কব্তে শিখেছি! যাক—আপাততঃ খবর কি বলতো? আমি নিশ্চয় জানি, শোনার মত নূতন কিছু অপ্রিয় খবর না থাকলে, তুমি আমার ডাকতে না। হিন্দুস্থানে এসে নিজের খ্যাতি শুনে শুনে আমার কর্ণপীড়া জন্মেছে—এখন তোমাব খবর^{দি} শুনি!

সিরাজী। আপনার কানে আপনার যতটা^হ খ্যাতি বর্ষিত হচ্ছে, বাস্তবিক পক্ষে ততটা খ্যাতি আপনি অর্জন করেন নি!

নাদির। বটে বটে! আমাকে তারা কি মনে ক'চ্ছে?

সিরাজী। যা মনে করা স্বাভাবিক। আপনি এখানে ঠিক অভ্যাগত নন! তারা ভয়ে আপনার স্তুতিগান কবে।

নাদির। সে তো মোগল-রাজবংশীয়েরা! দেশের সাধারণ লোক—যাদের কাছে মোগল-শাসন পুরাতন ও জড় হ'য়ে গেছে—তারা আমার কাছে নূতন কিছু প্রত্যাশা কবে না?

সিরাজী। তার মনে করে, আপনি কণিকের অতিথি। দু'দিন পরে আপনি যখন চলে যাবেন, তখন আবার মোগলের পুরাতন অভ্যাচার আরম্ভ হবে। বিশেষ—

নাদির। বিশেষ কি সিরাজী? তোমায় ইতস্ততঃ করতে হবে না—কি বিশেষ কথা শুনেছ বল।

সিরাজী। তারা মনে করে, মহম্মদ শাহ্ আপনাকে একটা সামান্য ক্রীতদাসী দিয়ে নোকা বানিয়েছে! আরও শুনেছি, ওই ক্রীত-

দাসী যাছ জানে—মহম্মদ শাহেব পরামর্শ অনুসারে সে সত্ৰাটকে
গুণ ক'রতে প্রেরিত হ'য়েছিল।

নাদির। সিরাজী, প্রধানা বেগমকে তুমি অসম্মান ক'রছ! আমার
সম্মুখে তাঁকে ক্রীতদাসী বলবাব কোনো অধিকার আমি
তোমাষ দিইনি!

সিরাজী। দিল্লীর সাধারণ জন-সমাজের মধ্যে জাঁহাপনার যে কুৎসা রটিত
হ'য়েছে, আমি তারই প্রতিধ্বনি জাঁহাপনাকে শোনাচ্ছি—
এইমাত্র। জাঁহাপনা শুনতে ইচ্ছা না করেন, আমি এখনই
নীরব হব! এ আমার নিজের কথা নয়—

নাদির। আর কি ব'লছে?

সিরাজী। আমি জানি আমি আপনার চক্ষুশূল—তাই সে সব কথার উল্লেখ
ক'রে বেশী মাত্রায় আপনার বিরাগ-ভাজন হ'তে আমি ইচ্ছা
করি না।

নাদির। না—যখন ব'লেছ, তখন শেষ পর্য্যন্ত তোমাকে ব'লতে হবে।
বল—শেষ পর্য্যন্ত শুনে আমি এ কুৎসাব মূল অন্বেষণ ক'রব।
যদি বুঝি অমূলক, এর প্রতিফল তোমাষ নিতে হবে!

সিরাজী। (অন্তবায়ী কাপিয়া উঠিল) জাঁহাপনার ক্রোধ দেখে
আমি শঙ্কিত হচ্ছি!

নাদির। না, আশঙ্ক্য কোনো প্রয়োজন নাই—আমি ক্রোধ সংঘত
ক'রেই গুবো। বল।

সিরাজী। আমি শুনেছি, আপনার আবদালী সৈন্ত আর ভারতেখরের
হিন্দু সৈন্তের মধ্যে প্রায়ই এই ধ্রসঙ্গের আলোচনা হয়। হিন্দু
সৈন্তেরা বলতে চায়, এই হিন্দু-নারী সন্নতানী—জাঁহাপনার
বল-বীর্ঘ্য সব স্তিমিত ক'রে তাঁকে যাছ করে রেখেছে! নতুবা,

কর্ণালের সময়-ক্ষেত্রে যে মহাবীর অর্ধ-দিবসের ভিতর সমস্ত মোগল-বাহিনীকে ছিন্ন-ভিন্ন ক'রে দিয়েছিলেন, তাঁর এত দিনে ভারতবর্ষ জয় ক'রে চীন সাম্রাজ্যের দিকে অভিযান করা উচিত ছিল।

নাদির। আবদালী সৈন্তেবা তাব কি উত্তর দেয় ?

সিরাজী। তারা ঠিক উত্তর দিতে পারে না—তাদের সর্দার আহ্মেদ আবদালীকে জিজ্ঞাসা কবে—আবদালীর অন্তরেও হয়তো সংশয় জেগে ওঠে—নিষ্কর্মা সৈন্যদের সে কি উত্তর দেবে ! বাক্যযুদ্ধ বেশ গুরুতর হ'য়ে ওঠে !

নাদির। আগাবাসী—আহ্মেদ আবদালী

(আগাবাসীর প্রবেশ ও প্রস্থান)

এরা শাস্তিপূর্ণ ভদ্র ব্যবহারকে কাপুকষতা মনে করে !

সিরাজী। আপনি ভাল ক'রে অনুসন্ধান ককন জাঁহাপনা !

নাদির। তুমি এ সংবাদ কোথায় শুনেছ ?

সিরাজী। মহম্মদ শাহের বাঠোর বেগম আজ আমাদের বর্তমান প্রধান সাম্রাজ্যীর সঙ্গে দেখা ক'রতে এসেছিলেন। সিতারা বেগমকে নিয়ে এই জনরবের উৎপত্তি ব'লে, তাঁর কাছে কোনো কথা তিনি বলেন নি। আপনি জানেন, নূতন দেশের মানুষ দেখলে তার সঙ্গে পরিচিত হবার জন্তু আমার প্রচুর কৌতুহল হয়—সেই কৌতুহলের বশবর্তী হ'য়ে আমি বাঠোর বেগমকে আমার কক্ষে নিয়ে আসি। এ সংবাদ আমি তাঁরই নিকট হ'তে সংগ্রহ করি।

[সিরাজীর অন্তরালে গমন

(আহমেদ আবদালীর প্রবেশ)

নাদির । আহমেদ, সঙ্কোচের প্রয়োজন নাই—চলে এস ।

আহমেদ । জাঁহাপনা, আমি দুর্গপ্রাসাদে ছিলাম না, আমার ছাউনিতে গিয়েছিলাম—এই মাত্র প্রাসাদে ফিরছি । আপনার শরীর বেশ সুস্থ আছে সত্ৰাট ?

নাদির । এ প্রশ্ন কেন আবদাল ?

আহমেদ । কারণ আছে জাঁহাপনা ! আমি এক অদ্ভুত সংবাদ শুনে ব্যস্ত-সমস্ত-ভাবে আপনার সঙ্গে দেখা ক'ব'ত আসছিলাম, পথে আগাবাসীর সঙ্গে সাক্ষাৎ ।

নাদির । আগে তোমার সংবাদ বল—তাবপর তোমাকে আমি প্রশ্ন ক'র্কো ।

আহমেদ । ছাউনিতে গিয়ে দেখি, আমার সৈন্যেরা অত্যন্ত উত্তেজিত ; শুন্লাম মোগল-সত্ৰাটের হিন্দু-সৈন্যেরা তাদের কাছে আপনার মৃত্যু-সংবাদ প্রচার ক'রেছে !

নাদির । আমার মৃত্যু-সংবাদ ।

আহমেদ । হ্যাঁ জনাব, আপনার মৃত্যু-সংবাদ । এই কিছুক্ষণ হ'ল নগরের সর্বত্র এই জনবব শোনা যাচ্ছে যে মহম্মদ শাহ্ কর্তৃক নিয়োজিত হিন্দু-ডাকিনী মন্ত্র-উপচার দ্বারা সত্ৰাটকে মৃত্যুমুখে প্রেরণ ক'রেছে !

নাদির । তুমি এ সংবাদ স্বকর্ণে শুনেছ ?

আহমেদ । হ্যাঁ জাঁহাপনা । আমার উত্তেজিত আবদালী সৈন্ত এ সংবাদ বিশ্বাস ক'রেছে, এবং সত্ৰাটের মৃত্যুর প্রতিশোধ নেবার জন্য

বহুপরিষ্কর হয়েছে—আমি অতি কষ্টে তাদের সংযত রেখেছি।
এখনই পুনরায় আমাকে সেখানে যেতে হবে।



(সহসা সৈন্তাবাসের দিকে বন্দুকের শব্দ শ্রুত হইল)

নাদির। একি! কিসের শব্দ?

আহমেদ। বোধ হয় আবদালীরা হিন্দুদের আক্রমণ ক'বেছে—আমি
দেখে এসেছি তারা অত্যন্ত উত্তেজিত। আমার আর দেৱী
করা সম্ভব হবে না।

নাদির। শোন—এ কদিন হিন্দু বেগম সম্বন্ধে তোমার আবদালী শিবিরে
কোনো আলোচনা হয়েছিল? সত্য বল।

আহমেদ। হয়েছে জাঁহাপনা—তাদের বিশ্বাস, কাফের-নারী ভৌতিক
শক্তি-সম্পন্ন।

নাদির। এ বিশ্বাস তারা কোথা থেকে পেয়েছে?

আহমেদ। বাদশাহের হিন্দু সেনারা এর জন্ত দায়ী। তারা আবদালী
সৈন্তদের বুঝিয়ে দিয়েছে, হিন্দু নারীর শক্তি-প্রভাবে সম্রাট
নিষ্ক্রিয় হ'য়েছেন। তারা মূর্খ—সবল বিশ্বাসে তারা তাই
বুঝেছে!

নাদির। তাবা তোমার প্রশ্ন করেনি?

আহমেদ। করেছিল সম্রাট।

নাদির। তুমি কি উত্তর দিয়েছ?

আহমেদ। আমি কি উত্তর দেব! গোস্বাকি মার্জনা করবেন—আপনি
সাতদিন ছাউনিতে যান নি—তারা সাতদিন আপনার দেখা
পায় নি।

নাদির। তুমি প্রতিবাদ করনি?

আহমেদ । যে মুহূর্তে আলোচনা আমার কানে গেছে, সেই মুহূর্তেই আমি প্রতিবাদ করেছি—কিন্তু এখন দেখছি আমার প্রতিবাদ সঙ্গেও তাদের বিশ্বাস অটল ছিল ।

(নেপথ্যে পুনরায় বন্দুকের শব্দ)

নাদির । ওই, আবার । তুমি আমার এ সংবাদ পূর্বে জানাওনি কেন ?

আহমেদ । আমি মাত্র গত সন্ধ্যায় জনরবের কথা শুনি—আজ প্রাতঃ-কালে আপনাকে জানাব, স্থির কবেছিলাম ।

নাদির । আবদাল, আমি তোমাকে নিজেব কনিষ্ঠ ভ্রাতার মত দেখি । যেদিন প্রথম তোমায়-আমায় দেখা, তোমার কাছে আমার অন্তরের আবরণ আমি উন্মুক্ত করেছি । আশা করি, তোমায় আমি সম্পূর্ণ বিশ্বাস করতে পারি ।

আহমেদ । আমার বিশ্বাস জাঁহাপনা, এই আলোচনা ও জনরবের সুযোগ নিয়ে কোনো শত্রু-পক্ষ আপনার অনিষ্ট করবার চেষ্টা কচ্ছে—নতুবা এত অল্প সময়ের মধ্যে এর প্রসার এত বেড়ে উঠত না । ঘাই হোক—যদি আমার উদ্বেজিত, লুঠন-প্রিয় আবদালীদের সংযত করতে আমার বিলম্ব হয়, সে অপরাধ আপনি নিশ্চয়ই ক্ষমা করেন । (আমি ঘাই—আর বিলম্ব করবো না ।)

[প্রস্থান]

নাদির সিরাজী !

(সিরাজীর প্রবেশ)

সিরাজী । জাঁহাপনা !

নাদির । সব কথা শুন্লে ?

সিরাজী । শুনে আশ্চর্য্য হ'লাম জ'হাপনা ।

নাদির । কে আমার মৃত্যু-সংবাদ প্রচার ক'রেছে তোমার বিশ্বাস ?

সিরাজী । যারা প্রধান ^{সম্রাটের} সম্রাজীর নামে কুৎসা-রটনা ক'চ্ছে, বাদশাহের সেই হিন্দু সেনাদেরই এ কাজ জ'হাপনা ।

নাদির । এ সংবাদ প্রচারে তাদের লাভ ?

সিরাজী । তারা বিজাতি-বিদ্রোহী—বিজাতির সর্বপ্রকার লাঞ্ছনা ও হুর্ভোগ কল্পনায় তাদের আনন্দ ।

নাদির । তোমার কথা সত্য । মহম্মদ শাহ কাপুরুষ, রাজ্য হারাবার ভয়ে পূর্বেই আমার সঙ্গে সন্ধি ক'রে আমার মনস্তৃষ্টি ক'রেছে । কিন্তু তাব বাহিনীর বীর-সৈন্যগণের কাছে আমি বিজাতি শত্রু মাত্র ।

○ ○ (নেপথ্যে পুনঃপুনঃ বন্দুকের শব্দ)

শালে জ'হাপনা—জ'হাপনা ।

[শালেহ্ বেগের প্রবেশ এবং সিরাজীর অন্তবালে গমন]

নাদির । কি সংবাদ শালেহ্ বেগ ?

শালে । ভারত-সম্রাটের হিন্দু সৈন্য এবং পারস্য-সম্রাটের আবদালী সৈন্যের সঙ্গে ঘোরতর যুদ্ধ বেধে গেছে ।

নাদির । মন্দ কি ! একটু যুদ্ধ হওয়া বোধ হয় ভালই !

শালে । কিন্তু শুধু সৈন্য-সৈন্যে যুদ্ধ—কোনো দলেই সৈন্য-পরিচালনের কেউ নাই ।

নাদির । এইমাত্র আহমেদ গেছে তার বাহিনী পরিচালনা ক'র্ত্তে ।

শালে । যুদ্ধের সঙ্গে সঙ্গে লুণ্ঠন ও হত্যা চ'লছে । আপনার মৃত্যু-সংবাদ

প্রচারের ফলেই দুই পক্ষের সৈন্যেরা অসংঘত হ'য়েছে—
আমার বিশ্বাস, আপনি একবার হস্তীতে আরোহণ ক'রে
সেনা-নিবাস পরিভ্রমণ ক'রে এলেই তারা আবার সংঘত
হবে।

নাদির। কিন্তু তুমি কি শুনেছ, হিন্দু সৈন্যেরা অথবা আমার ও আমার
প্রধানা বেগমের নামে কুৎসা-রটনা ক'চ্ছে!

সালে। আপনি একবার দিল্লীর রাজপথে আপনার ও ভারতীয় সৈন্যদের
সম্মুখ দিগে চ'লে গেলে, সকল রকম কুৎসা ও জনরবের মূলোচ্ছেদ
হবে। আমি ভারত-সম্রাটকে সংবাদ পাঠিয়েছি আপনারা
ত'জনে এক সঙ্গে যাত্রা ক'রবেন।

নাদির। তোমার প্রস্তাব যুক্তিপূর্ণ—(কিন্তু—কিন্তু—

সালে। কিন্তু কি জাঁহাপনা?

নাদির। আজ আমার যুদ্ধ ক'রতে ইচ্ছা হ'চ্ছে!

সালে। আমিও যুদ্ধের আবশ্যকতা স্বীকার করি জাঁহাপনা, কিন্তু
অনিচ্ছুক রাজার সঙ্গে যুদ্ধে ফল কি?

নাদির। রাজা অনচ্ছুক, কিন্তু জাতি একেবারে অনচ্ছুক নয়! জাতির
জীবনী শক্তির পরীক্ষা হয় তার যুদ্ধেছার পরিমাণের দ্বারা।
কাপুরুষ ভারত সম্রাটের কাপুরুষ উজীর আর কাপুরুষ নবাবের
পরামর্শে আমরা ভুল ক'রেছি—রাজার ইচ্ছাকেই আমি জাতির
ইচ্ছা ব'লে মেনে নিয়ে, ভারতীয় জাতি-সভ্যকে আমি অসম্মান
ক'রেছি।) সালেহ্ বেগ, আজ এই দণ্ডেই দিল্লীর সাধারণ
জনগণের সম্মুখে মুখোমুখি দাঁড়িয়ে আমি তাদের প্রশ্ন ক'রবো,

তারা আমার কি চোখে দেখে। যাও, আমার অর্থ প্রস্তুত
ক'রতে আদেশ দাও।

[সালেহ্ বেগের প্রশ্নান

(সিরাজী, সিরাজী—)

(বাঁদী আসিয়া সিরাজী দিল, নাদির পান করিলেন, বাঁদী প্রশ্নান করিল)

(পত্র-বাহক নেক্ কদমের সহিত আলি আকবরের প্রবেশ)

কি সংবাদ আলি আকবর ?

আলি। রাজধানী থেকে এই পত্র এসেছে—আহমেদ আবদালীর নামে !

নাদির। পত্রের লেখক কে ? আর, কি লেখা আছে পত্রে ?

আলি। আমি পত্র পড়িনি জাঁহাপনা।

নাদির। এই মুহূর্তে পাঠ কর।

আলি। (পাঠ করিয়া) কি আশ্চর্য্য !

নাদির। সংবাদ শুভ, না অশুভ ?

আলি। জাঁহাপনা, অভয় দিন !

নাদির। বল, অভয় দিলাম।

আলি। পত্র-লেখক শাহ্ জাদা রেজা কুলী খাঁ—আবদালী-নামক
আহমেদের সঙ্গে তাঁর গোপন ষড়যন্ত্র !

নাদির। গোপন ষড়যন্ত্র—আহমেদ আবদালীর সঙ্গে রেজাকুলীর ? আপা-
ত্ততঃ এ পত্র তুমি রেখে দাও। যদি এ পত্র সত্য হয়—এদের
ছ'জনকে কেমন ক'রে শাসন ক'র্ত্তে হয়, তা আমি জানি।
আর যদি পত্র মিথ্যা হয়—সিরাজী কুস্তা. তোমাকে এর
প্রায়শ্চিত্ত ক'রতে হবে।

আলি। জাহাপনা, আমি কিছুই জানি না। (এই মাত্র এই পত্রবাহক আমার পত্র দিলে। আহমেদ অনুপস্থিত বলে, যদি কোনো জরুরী সংবাদ থাকে, তাই সত্ৰাটের কাছে এনেছি।)

(শালেহ্ বেগের প্রবেশ)

শালেহ। জাহাপনা, মোগল সত্ৰাট আপনার অপেক্ষা ক'রছেন। আপনার অশ্ব প্রস্তুত।

নাদির। তুমি যাও আলি—আমি প্রস্তুত শালেহ্ বেগ।

[আলি আকবর ও শালেহ্ বেগের প্রস্থান]

(আগাবাসীর প্রবেশ)

কি সংবাদ।

আগা। প্রধানা সম্রাজ্ঞী—

নাদির। হাঃ—নিরে এসো।

[আগাবাসীর প্রস্থান]

রেজাকুলী আর আহমেদ আবদালী—আমার দক্ষিণ হস্ত আর বাম হস্ত।

(সিতারার প্রবেশ)

কি তুমি বলতে চাও সিতারা ?

সিতারা। শুন্লাম আপনি হিন্দু নগরবাসীদের উপর ক্রুদ্ধ হ'লে তাদের শাস্তি দিতে যাচ্ছেন !

নাদির । যদি শান্তি দিই, তোমার কি বিশ্বাস তোমার কথায় সে-শান্তির বোধ হবে ? যদি তোমার সেই বিশ্বাস হয়, বিশ্বাস পরিবর্তন কর—আমি হিন্দুস্থানের সৈয়দ নরপতি নই ! (যাও, তোমার কক্ষে যাও ।) কোনো কর্তব্য-নির্ধারণ সম্বন্ধে আমি কখনো নারীর পরামর্শ গ্রহণ করিনি, আজও তার ব্যতিক্রম হবে না ।

২৭ সালেহ্ বেগ—

[প্রস্থান



তৃতীয় অঙ্ক



দৃশ্য—দিল্লীর চাঁদনী-চকে কক্কুন্দৌলা মস্জিদের অভ্যন্তরস্থ প্রাঙ্গণ
(নাদির শাহ্ ও সালেহ্ বেগেব প্রবেশ)

নাদির । এ বিদ্রোহ কি শুধু সৈন্যদের, না নাগরিকেরাও এতে যোগ
দিয়েছে ?

সালে । সববেব কোন কোন অংশ থেকে সংবাদ এনে'ছ, নাগরিকেরাও
উত্তেজিত ।

নাদির । বুঝ্লাম এখানকাব রাজা ও দেশ এক নয় । আমবা রাজার সঙ্গে
সন্ধি ক'বেছি—সে সন্ধি দেশের অধিবাসী'ব অনুমোদিত নয় ।

সালে । আপনার কথায় যথেষ্ট রাজনৈতিক যুক্তি থাকলেও, আমার
মনে হয়, সমস্ত অসন্তোষের মূল হ্রাসফুক্তা ।

নাদির । তোমার একপ মনে করবার কারণ ?

সালে । আপনি আম্ফজাব উপর রাজস্ব আদায়ের ভার দিয়েছেন ।
তিনি আদায় ক'চ্ছেন বটে, কিন্তু আপনার নির্দিষ্ট নিয়মানুসারে
আদায় ক'চ্ছেন না ! যে অর্থ আপনি ভারতের বিভিন্ন
প্রদেশ থেকে সংগ্রহ ক'র্তে উপদেশ দিয়েছেন, সেই অর্থ
তিনি মাত্র দিল্লী সহর ও দিল্লী সুরা থেকে আদায় ক'রছেন ।

ফলে, দিল্লীর সাধারণ গৃহস্থ ও বণিক সম্প্রদায়ের অনেকেই বিশেষ উৎসাহিত হ'চ্ছে! এ অবস্থায় তাদের বিজাতিবিষয়ে তো স্বাভাবিক।

নাদির। কিন্তু আমার মৃত্যু-সংবাদ প্রচার ক'লে কে ?

সালে। সেটা আমিও ঠিক বুঝতে পাচ্ছি না। কিন্তু, একথা নিশ্চয়, আপনার সৈন্যদের উত্তেজিত ক'রে রাজধানীতে একটা হাঙ্গামা বাধিয়ে দিল্লীশ্বরের শক্তি আবণ্ড ধৰ্ব্ব করার আসফ্জার প্রচুব স্বার্থ! আমার বিশ্বাস, দিল্লীর রাজ-তখ্দের উপর এখনও তাঁর দৃষ্টি আছে—আপনাকে তিনি তাঁর উচ্চাকাঙ্ক্ষা-পূরণের একটা সুযোগ ব'লেই গ্রহণ ক'রেছেন!

নাদির। এ উচ্চাকাঙ্ক্ষা-পোষণের উচ্চ-প্রতিকূল তিনি পাবেন!

(জনৈক সংবাদ-দাতার প্রবেশ)

কি সংবাদ।

সংবাদদাতা। জনাব, রাজস্বসচিব আলি আকবর আমায় আপনার কাছে পাঠিয়েছেন। নগর-প্রান্তে আমাদের বিশেষ সৈন্যবল নাই—অবিলম্বে একদল সৈন্য সেখানে প্রেরণ করা প্রয়োজন।

নাদির। তোকে অন্ত্রাঘাত ক'রলে কে ?

সংবাদ। পথে এক গুপ্ত-ঘাতক আমার আক্রমণ ক'রেছিল—আমি তাকে হত্যা ক'রেছি!

নাদির। গুপ্ত-ঘাতক। আচ্ছা, যা।

[সংবাদ-দাতার প্রস্থান]

সালেহ্ বেগ, তুমি এই মুহূর্তে তোমার খোরাসানী সৈন্যদল

নিরে রসদ রক্ষা কর—তারপর আমি একবার দেখে নিচ্ছি
কোথায় কে গুপ্ত-ঘাতক আছে !

সালে। আপনি উত্তেজিত হবেন না সম্রাট ! এ সামান্য বিদ্রোহ,
অল্প আঘাসেই এ বিদ্রোহের দমন হবে ।

নাদির। না না, আমি উত্তেজিত হইনি । তুমি যাও বন্ধু, যাও—আমাব
আদেশ পালন কর

সালেহ্, বেগের প্রস্থান

(নেপথ্যে চাহিয়া দেখিয়া) হো উজ্জ্বেগী—হো তুর্কী !

(দুইজন উজ্জ্বেগী ও তুর্কী হাবিলদারের প্রবেশ)

তোমার নাম ওসমানবেগ্, তোমাব নাম ইস্‌মাইল রসিদ !
(পিঠ চাপড়াইয়া) কেমন বন্ধু, ভুলিনি । দেখ্‌ছ, তোমাদের
সম্রাট বন্ধু তোমাদের কত ভালবাসে !

(উভয়ে আচ্ছাদে আটখানা হইয়া সম্রাটকে পুনরভিবাদন করিল)

শোন বন্ধু, তোমাদের সম্রাট মৃত, এ-সংবাদ যে প্রচার ক'রেছে,
সে মিথ্যাবাদী কুকুর—মৃত্যুর পর সে অনন্ত কাল দোজাকে
বাস ক'রবে ! তোমরা তোমাদের সৈন্যদল নিরে নগরের সর্বত্র
প্রচার কর, সম্রাট জীবিত, সুস্থ—এবং অস্বাভাবিকভাবে তিনি
নগর পরিদর্শন ক'রতে বেরিয়েছেন । নিরীহ নগরবাসীদের
গায়ে তোমরা হস্তক্ষেপ ক'রবে না—কিন্তু আমার কোনো কস্ম-
চারী বা কোনো সৈনিকের সঙ্গে কেউ যদি পরিহাস করেও
আঘাত করে, সে আঘাতকারীকে তোমরা ক্ষমা করবে না ।

(সহসা একটি গুলি নাদিরের কানের পাশ দিয়া চলিয়া গেল)

এবন্ধুকের গুলি কোথা থেকে এল ?

উজ্জবেগী । তাইতো জনাব, এখানে তো বাদশাহের কোনো সৈন্যদল নাই ।
তুর্কী । সম্ভবতঃ পথ-পার্শ্বের কোনো বাড়ী থেকে কেউ বন্দুক ছুঁড়েছে ।
নাদির । আমাকে লক্ষ্য করেই এ গুলি নিক্ষেপ হয়েছে । আমি
বুঝেছি, দিল্লী নগরীতে আমরা নিরাপদ নই । মোগল
সম্রাটের সন্ধিতে নগরবাসী সন্তুষ্ট নয় । বেশ, তারা যা চায়
তাই পাবে । ইস্‌মান্‌বেগ্‌ ইস্‌মাইল রসিদ, আমার পূর্বের
আদেশ আদেশ নয়—তাব পরিবর্তে আমি নূতন আদেশ দিচ্ছি !
নগরের যে কোনো সৈন্যদল যুদ্ধ চায়, যুদ্ধ পাবে—যারা যুদ্ধ
ন চায় তারা মরবে । আর একটাও পারশ্ব-প্রজা ভায়া
ভবার পূর্বে আমার এ আদেশ সর্বত্র প্রচারিত হোক ।
আমি জানাতে চাই, আমার আদেশ ভীক মোগল-সম্রাটের
আদেশ নয়—ঘোড়ার সঙ্গে যুদ্ধ, আর বিজাতি-বিদ্রোহী
নাগরিকদের ভায়া । হো উজ্জবেগী, তুর্কী, খোরাসানী, আবদালী,
গলজী, সিন্তানী—কত্‌ল, কত্‌ল, কত্‌ল !

[প্রস্থান

(মস্‌জিদের সম্মুখে বাস্তায় উন্নত সৈন্যদলের চৌকর)

সকলে । আল্লা হো আকবর—দিন্-দিন্, দিন্-দিন্ !

(সকলের গায়ের পুঞ্জ)

[সকলের প্রস্থান

(ক্রমে-ক্রমে অন্ধকার হইয়া গেল, এবং পরে পুনঃরায় ক্রমশঃ
আলোকিত হইল)

(নাদিরের প্রবেশ)

নাদির । শাস্তি-রক্ষা, শাস্তি-রক্ষা—

শাস্তি-বক্ষা মিথ্যাকথা ।

দয়া-ধর্ম, দয়া-ধর্ম —
 মিথ্যাকথা, ভীকতা কেবল ।
 প্রাণে যার সদা মহাভয়,
 দাস-সম চিত্ত যার জডত্ব-মণ্ডিত—
 সেই লম্ব দয়ার আশ্রয় ।
 দয়া নহে প্রকৃতি-নিয়ম—
 শক্তি মাত্র আশ্রয় জগতে ।
 শক্তি যাব যতটুকু,
 অধিকার ততটুকু তাব ।
 বীর-ভোগ্যা বসুকরা—
 মানবের দীর্ঘ অভিজ্ঞতা !
 সব চেয়ে সমধিক শক্তি আছে যার,
 সেই খোদাতালা—সর্ব-মুলাধার—
 সুকঠোর-নীতিবলে পালন জগৎ !
 তাঁহারই ইচ্ছায় ভূমিকম্প,—
 প্লাবনেব ধারা, প্রলয়-গজ্জন-লীলা ।
 তাঁহারই ইচ্ছায়—নদাক্রমণ ব্যাধি !
 তাঁহারই ইচ্ছায়—
 শক্তিগান্ দুর্বলেরে নিয়ত করিবে গ্রাস,
 স্থলকার গর্ব-ক্ষীত জাতি—
 আরো স্থল হবে
 দুর্বলের রক্ত করি' পান—
 এই নীতি বিশ্বের বিধান ।
 শক্তির প্রকাশ—মাত্র মহতের লীলা !

শক্তিমান্ আমি,
 হিন্দুস্থানে হ'উক প্রচার—
 সে ধ্বনি ধ্বনিত হোক
 পারশ্বে, তাতারে, ~~●~~নদেশে—
 প্রতিধ্বনিত তার
 ঝঞ্ঝার-গর্জনে
 চ'লে যাক সুদূর যুরোপে—
 জগতে প্রচার হোক
 শক্তিমান্ পারশ্ব-সম্রাট !
 উগ্র শোণিতের ধারা
 ধরণীর শ্রাম-শোভা ক'রুক বিনাশ !
 নরমুণ্ড-মালাগলে বিজলী-ঝলকে
 শোভা পা'ক্ —
 তমাচ্ছন্ন তমসাব ঘোর অন্ধকার !

(আহমেদ আবদালী এবং আসফ্ জা ও অন্যান্য সচিব সমভিব্যাহারে

ভারত-সম্রাট মওলানা শাহের প্রবেশ)

কে ? ভারত-সম্রাট ! আপনার প্রজাবর্গ এখন বোধ হয় বুঝতে
 পাচ্ছে দিল্লীতে কে এসেছে !

বহ । জগজ্জয়ী সম্রাট, সর্বনাশ উপস্থিত । আপনার উন্নত সৈন্যগণ
 আমার নিরীহ প্রজাদের সর্বস্ব লুণ্ঠন ক'রেও কান্দ হ'চ্ছে ন'—
 তাদের গৃহদাহ ক'চ্ছে, অতি নির্ধম ভাবে প্রাণনাশ ক'চ্ছে !
 লোকে পণ্ডিত্য ক'রতেও সঙ্কুচিত হয়, কিন্তু সে সঙ্কোচও
 এদের নাই । দিল্লীর রাজপথে রক্ত-বন্যার প্রনয়-প্লাবন

ছুটছে। মুম্বুর গগনভেদী আর্কনাদে সমস্ত রাজধানী মুখরিত
কৃপা ক'রুন, কৃপা ক'রুন—ন'ইলে সব যায়!

নাদির। কেন, আপনার হিন্দু সৈন্যগণ ৭ বার বিখ্যাস ক'রেছিল তাদের
সম্রাট হিন্দু-ডাকিনী দিয়ে আমার বশীভূত ক'রেছে—যারা
আমার মৃত্যু-সংবাদ শুনে অত্যন্ত উল্লসিত হ'য়েছিল—তারা
এখন কোথায়? তাদের ডাকুন—নিরীহ নগরবাসীদের তারা
রক্ষা ক'রুক।

মহ। আমি মিনতি ক'ছি সম্রাট—আমার প্রতি কৃপা করুন। (আপনি
আমায় বন্ধু ও আশ্রয় বলে গ্রহণ ক'রেছিলেন—আমার
বিনীত প্রার্থনা, আমার প্রতি কৃপা করুন—এ রক্ত-ধারা নিবারণ
করুন!) আমার প্রজাগণ নিরীহ; না বুঝে যদি তারা কোনো
অপরাধ ক'রে থাকে, তার দণ্ড এত কঠোর করবেন না!

নাদির। দণ্ড আরও কঠোর হওয়া আবশ্যিক। (আমি ভুল ক'রেছি—
কর্ণালে আপনার সঙ্গে সাক্ষাৎ ক'রে। যদি কর্ণালে আপনার
বাহিনীকে চূর্ণ ও বিদলিত ক'রে আপনাকে বন্দী ক'রে আপনার
রাজধানীতে প্রবেশ কর্তাম তাহ'লে আমার বশুতা স্বীকার করার
আপনার প্রজাদের কোনই বাধা থাকতো না! আপনার প্রতি
আশ্রয়ের মত ব্যবহার ক'রে আমি কৃতজ্ঞ হ'য়েছি।) আজ
সমস্ত দিন এই হত্যাকাণ্ড চ'লবে—দিল্লী শ্মশান ক'রে তবে
আমি ভারতবর্ষের অন্যান্য প্রদেশে যাব। আপনার সঙ্গে যে
সন্ধি হ'য়েছিল, সে সন্ধি আমি নাকচ ক'ছি।

মহ। সম্রাট—

নাদির। আমার বিজয়-বাহিনী হৃর্দ্বর্ষ, সারা জীবন যুদ্ধ ক'রে আমি এই
সুনাম অর্জন ক'রেছি। কে আপনি যোগল-তথুতের কাপুরুষ

উত্তরাধিকারী, যে আপনার জন্য আমার সে সুনাম আহত হবে! আমি পৈত্রিক সিংহাসন পাইনি—কোনো গতিকে পৈত্রিক সিংহাসন রক্ষা করাও আমার কাজ নয়। আমার সৈন্য-বাহিনীর সুনামের মূল্য কত, তা বুঝবার শক্তি আপনার নাই।

মহ। জগজ্জয়ী সম্রাট, আপনি ক্রোধ ক'রবেন না। এই আমার রাজমুকুট আমি আপনার পদতলে রক্ষা ক'রছি। গ্রহটীবশত আজ আমি দুর্বল ও পদদলিত হ'লেও মনে রাখ'বেন সম্রাট, আমিও জেঙ্গিস্ খাঁ ও তৈমুরলঙ্গের বংশধর, আপনারই মত যারা তরবারি সাহায্যে জগতে রাজবংশ স্থাপন করেন আমিও সেই মহা-মানবের বংশধর।

নাদির। বংশধর? ভাল, ভাল—আমি আপনার প্রতি প্রসন্ন হ'য়েছি।
(উঠুন, সম্রাট। (মহম্মদকে মুকুট পরাইয়া দিয়া) আমি আপনার অনুরোধ রক্ষা ক'রব!) আহমেদ আবদালা, (তোমার বিরুদ্ধে গুরুতর অভিযোগ আছে। যাক, তৎপূর্বে সৈন্যদের নিবৃত্ত হ'তে আদেশ দাও। অর্ধ দণ্ডের মধ্যে ঘেন নগর শান্ত হয়।

[আহমেদ আবদালীর প্রস্থান

মহ। শাহান্শাহ, আপনি ষথার্থ মহানুভব। আমি কি ক'রে আমার কৃতজ্ঞতা জানাব!

নাদির। আবশ্যক নাই। বাল্যকাল থেকে অনেক কৃতজ্ঞতার আমি অভ্যস্ত আছি—আপনি কৃতজ্ঞ না হলেও আমার কোনো ক্ষতি হবে না। (আপনি এখন প্রাসাদে যান)

(মহ। আপনি আমার প্রাসাদ-দুর্গে যাবেন না।

নাদির । না, আমার যাওরাব বিলম্ব আছে । আমি কিছুক্ষণ এখানে একা থাকুব । আসফ্‌জা, আর এক সপ্তাহ মাত্র আমি দিল্লীতে আছি—
আপনার প্রতিশ্রুত সমস্ত অর্থ এর মধ্যে সংগ্রহ হওয়া চাই ।

আসফ্ । হবে সম্রাট ।

নাদির । হবে—হবে ! তোমার সঙ্গে একবার নিভৃত-সাক্ষাতের প্রয়োজন ছিল । কিন্তু থাক্—এখন নয় । তোমার মনে থাকতে পাবে তোমায় বলেছিলাম তোমার কথা স্মরণ রাখবো । মনে রেখো সে স্তোক-বাক্য নয়, সে সত্য । তোমার বন্ধু সাদৎ খাঁ কোথায় ? মুক্তি-মূল্য দেওয়ার পরদিন থেকে তাঁকে আর দেখেছি না কেন ?

আসফ্ । সাদৎ খাঁ সাংঘাতিক পীড়াগ্রস্ত—এ যাত্রা রক্ষা পান কিনা সন্দেহ !

নাদির । পীড়াগ্রস্ত না হ'লেও সাদৎ খাঁর বন্ধুটী সম্ভবতঃ এ যাত্রা রক্ষা পাবেন না । যাও, নিজের কাজে যাও । মোগল-সম্রাট, আপনার উজীরটী একটি বড় !

মহ । আপনার সঙ্গে আমার—

নাদির । যান, আপনারা আমায় আর বিরক্ত ক'রবেন না । আমি একা থাকুব—আপনাদের সঙ্গ আমার ভাল লাগছে না !

মহ । আপনার পরিভ্রমণ শেষ হ'লে আমি নিজে এসে আপনাকে নিয়ে যাব ।

[নাদির ব্যতীত সকলের প্রস্থান]

নাদির । এবই নাম ভক্তি ! দুর্বল মানবের ঈশ্বরের প্রতি ভক্তিও বোধ হয় এই কাপুরুষতারই নামাস্তর—এক চরম খামখেয়ালী অত্যাচারীর নিকট ভীকর আত্ম-নিবেদন ! কে ?

(ধীরে ধীরে সালেহ্বেগের প্রবেশ)

সালে। আমি।

নাদির। কে, সালেহ্বেগ? এস বন্ধু, এস। বোধ হয় আমার অন্তর ঠিক এই মুহূর্তে তোমারই সঙ্গ কাগনা ক'চ্ছিল।

সালে। সম্রাট!

নাদির। এখন আর সম্রাট নয়। আজ আমি সমস্ত দিন সম্রাট ছিলাম, চারিদিকে ভীক্ তোষামোদকারী ও কৃতঘ্ন বিষকুণ্ড-পয়োমুখ! আমি বন্ধুর অভাব বড়ই অনুভব ক'চ্ছি! তুমি আমাকে আজ নাদির ব'লে সম্বোধন কর! আমরা আজ সেই অতীত যুগের ছই পুরাতন বন্ধু—খোরাসানের ছই পল্লীবাসী যুবক।

সালে। কিন্তু অতীত যে আর ফিরবেনা নাদির! তুমি অতীতকে হত্যা ক'রেছ, ভবিষ্যৎকে হত্যা ক'রেছ। আর আমি তোমার মঙ্গল দেখতে পাচ্ছি না!

নাদির। কেন, কেন? আজ এই দিগ্বিজয়ের মহামহোৎসবের রাতে তুমি সহসা এমন বিষণ্ণ হ'লে কেন বন্ধু?

সালে। তুমি সর্বনাশ ক'বেছ নাদির—তোমার সর্বনাশ ক'রেছ, পারশ্ব-সাম্রাজ্যের সর্বনাশ ক'রেছ, বোধ করি জগতের সর্বনাশ ক'বেছ! যে সার্কভৌম সম্রাটদের আদর্শে আমি তোমাকে পরিচালিত ক'রতে চেয়েছিলাম, তুমি সেই আদর্শবাদের মস্তকে পদাঘাত ক'রেছ।

নাদির। তুমি আমাকে পরিচালিত ক'রতে চেয়েছিলে! এরূপ স্পর্কার কথা তো তোমার মুখে পূর্বে কখনও শুনি নি!

সালে। শোন নি সত্য! তবু, আমি যে তোমাকে পরিচালিত ক'র্তে

চেয়েছিলাম এ-কথা আরও সত্য। তোমার স্বরণ থাকতে পারে একদিন তুমি পারস্যকে আফগান, তুর্কী, আর রুশের হাত থেকে মুক্তি দিয়েছিলে। সমস্ত দেশ সেদিন তোমার জয়-গানে মুখরিত হ'য়েছিল—পারস্যের আবাল-বৃদ্ধ-বনিতার মুখে তোমার নাম ছাড়া আর কারও নাম সেদিন কেউ শোনেনি। তোমার সেই অসংখ্য ভক্তের মধ্যে যে সর্বশ্রেষ্ঠ সে সে-দিন নীরব হ'য়ে সে দৃশ্য দেখেছিল—তার চোখে ছিল স্বপ্নের ঘোর, কল্পনায় ছিল বিরাট মোসলেম-সাম্রাজ্য! সেইদিন থেকে আমি তোমার শিষ্য, আমি তোমার বন্ধু, আমি তোমার অনুচর, আমি তোমার ভক্ত, আমি তোমার পরিচালক—পরিচালক—বাধা দিও না— আমি তোমার শিষ্য এ-কথাও যেমন সত্য, আমি তোমার পরিচালক এ কথাও তেমনি সত্য! তুমি জান না, কিন্তু আমি জানি—তুমি আমারই কল্পনাকে রূপ দিতে দিতে চ'লেছ— আমার সে বিরাট কল্পনাকে মূর্ত্ত করবার শক্তি একমাত্র তোমারই ছিল!

নাদির। তুমি চিন্তিত হয়োনা বন্ধু, শক্তি এখনও আছে।

সালে। না, থাকবে না—থাকতে পারে না। তুমি তোমার শক্তির মূলে কুঠারাঘাত ক'রেছ—তুমি মহাবীর হ'য়ে দিল্লীতে এসে অনায়াসে তার নিরস্ত্র শাস্তি-প্রিয় নগরবাসীদের হত্যার আদেশ দিয়েছ!

নাদির। আমার বিজয়-বাহিনীর মর্যাদা-রক্ষার জন্ত এ কঠোর আদেশের প্রয়োজন ছিল, একথা তুমি নিশ্চয়ই অস্বীকার ক'রবে না।

সালে। নিশ্চয়ই অস্বীকার ক'রবো। কোথায় থাকবে তোমার বিজয়-বাহিনীর মর্যাদা, যদি আপন স্বৈচ্ছাচারিতার বৃহৎ

আদর্শকে সে তুচ্ছ ক'রে চ'লে যায় ? আমি জানি—আমি স্পষ্ট দেখতে পাচ্ছি—সমগ্র জাতির ইচ্ছানুসারে, নিজের কৃত-কর্মের প্রায়শ্চিত্ত ক'রতে যেদিন পারশ্ব-সম্রাট শাহ্ তামাস মাজেজান কারাগারে বন্দীভাবে প্রেরিত হন, জাতির সনির্বন্ধ অনুরোধ সত্ত্বেও সে সিংহাসন তুমি গ্রহণ ক'রলে না—কর্ম-যোগীর মত তামাসের শিশুপুত্রের নামে তুমি পারশ্ব-সাম্রাজ্যের রক্ষক মাত্র হ'য়ে রইলে ! আর আজ—তুমি দস্যু—দস্যু—দস্যু ! বিশ বৎসর পূর্বে আফগান-দস্যু মহম্মদ আর আশরফ্ পারশ্ব-সাম্রাজ্যে যে অত্যাচার ক'বেছিল, তুমি ভারতবর্ষে এসে সেই অত্যাচারেরই পুনরভিনয় ক'রলে ।

নাদির । সালেহ্ বেগ, তুমি আমার পুরাতন ভক্ত ও বাল্য-বন্ধু ব'লে তোমার অনেক কথা শুনেছি, কিন্তু আর নয়—তোমার রসনা তুমি সংযত কর । আমার কার্য আমি জানি—তাব ফলাফল যদি ভোগ ক'রতে হয়, আমি একাই ক'ব্বো । তোমাব কল্পনার নায়ক হ'য়ে তোমার মনোহুর্গে বন্দী থাকবার জন্তু বিধাতা আমায় সৃষ্টি করেন নি, মনে রেখো উন্মাদ আদর্শবাদী, আমি তোমার কল্পনাব চেয়েও বৃহৎ—তোমার কল্পনার সাধ্য কি যে আমার গতিকে নিম্নস্ত্রিত করে ! তুমি দেখবে আমি প্রতি পাদক্ষেপে তোমার ক্ষুদ্র কল্পনার সঙ্কীর্ণ গণ্ডী একেবারে চূর্ণ বিচূর্ণ ক'রে চ'লে যাব । যাও—তোমার এত বড় স্পর্ধা যে তুমি আমার সম্মুখে বলতে সাহস কর যে তুমি আমার পরিচালক । আমি ঈশ্বরকেও আমার পরিচালক ব'লে মানতে প্রস্তুত নই । তোমায় আমি ঘৃণা করি, আহমেদ আবদালীকে আমি ঘৃণা করি, মহম্মদ শাহ্কে আমি ঘৃণা করি, আসফ্জাকে

ঘৃণা করি, স্বেচ্ছাকুলীর্থাৎকে ঘৃণা করি। আমি একা, আমি একা, আমি একা—আমার সঙ্গী নাই, বন্ধু নাই, আশ্রয় নাই! তোমার জন-সমাজকে আমি ঘৃণা করি! আভিজাত্যকে ঘৃণা করি—তার কৃতঘ্নতা, বিলাসিতা ও ভীকৃতার জগু, আর জন-সমাজকে ঘৃণা করি তার ফেকপালের মত আচরণের জগু, গডলিকা-প্রবাহের মত তার বুদ্ধিহীনতার জগু।

সালে। উত্তম বন্ধু নমস্কার, তুমি সুখে থাক। আজ তোমার জগু আমার কাঁদবার দিন। পৃথিবীতে অনেক প্রতিভা পথহারা হ'য়ে নভস্বলিত জ্যোতিষ্কের মত কোথায় ঘূর্ণিপাকের অন্ধকারে ডুবে গেছে, না হয় আরও একটা যাবে—যাক্, আর আমি অস্ত-ধারণ ক'রে তোমাব সঙ্গে দেশ-বিদেশে যুদ্ধযাত্রা ক'রবো না। আমি বেশ বুঝতে পেরেছি তোমার-আমার এক পথ নয়—তুমি চাও প্রভুত্ব, তুমি চাও পূজা, তুমি চাও মানবের রক্তে স্নান করতে—আমি চাই মানব-জাতির মুক্তি! তুমি ভারত জয় কর, চীন জয় কর, জগৎ জয় কর—কিন্তু সালেহ্বেগকে সম্ভবতঃ আর দেখতে পাবে না—বন্ধু-বিদায়!

[প্রস্থান

নাদির। উত্তম। যাও পশ্চিত-মুখ, মানবের মুক্তির স্বপ্ন দেখগে' যাও! মানবের মুক্তি! ঈশা-মুশা দিতে পারেনি, মহম্মদ-বুদ্ধ পারেনি, শত-শত পয়গম্বর কতবার বিফল-মনোরথ হ'য়ে পরাজিত হ'রেছে—সেই মুক্তি তুমি দেবে? সালেহ্বেগ, তুমি উন্মাদ, উন্মাদ, উন্মাদ!

(সচিবগণের সহিত মহম্মদ শাহের পুনঃপ্রবেশ)

কে? ওঃ, মোগল সম্রাট। কোনো আবেদন আছে?

মহ । আপনার পুত্রের সহিত আমার কন্যার শুভ-বিবাহ ?

নাদির । হ্যাঁ, তা-কি ?

মহ । আজ সে বিবাহের দিন ছিল ।

নাদির । ঠিক বটে—আমি ভুলে গেছি ।

মহ । তাহ'লে আপনি রাজ-প্রাসাদে আসুন !

নাদির । না—পাত্র-পাত্রী এই মসজিদে আসবে । যান্ মোগল-সম্রাট, পাত্র-পাত্রী, মোগল-সম্রাটের ও পারস্য-সম্রাটের হারেমের সুন্দরীগণ, দিল্লীর অভিজাত-বংশীয় যাবতীয় নবনারী, সবাইকে আমার আমন্ত্রণ ও আদেশ জানিয়ে ব'লবেন, সকলেই যেন এইখানে সমবেত হন—আমি সকলের প্রতীক্ষায় রইলোম । ওরা কারা ?

(একদল লোক কাঁদিতে কাঁদিতে যাইতেছিল)

ওঃ—এরাই বুঝি অত্যাচার-প্রপীড়িত ?

মহ । হ্যাঁ সম্রাট ।

নাদির । আমার পুত্রের বিবাহ-উপলক্ষে ওদের নিমন্ত্রণ কর্কেন । সে-উৎসবে ওদের যোগদান ক'র্ত্তে হবে । আমি ওদের খাণ্ড আর অর্থ দান ক'র্ব্বো ।

মহ । সম্রাট মহানুভব ।

নাদির । আমি এইখানেই র'হলাম । আসফ্ জা, আমার সৈন্যদের দ্বারা যারা অত্যাচারিত হয়েছে তাদের, এবং তোমার অধখা-উৎপীড়নে যারা পীড়িত তাদের সবাইকে নিমন্ত্রিত ক'র্বে, তাদের খাণ্ড ও অর্থদানের ব্যয়-ভার আমি বহন কর্কার মহৎ সম্মান তোমার উপর অর্পণ ক'রলাম । যাও সম্রাট, এই মসজিদে দম্পতীর বিবাহ হবে ; তারপর এখান থেকে তারা আপনার রাজপ্রাসাদে যাত্রা ক'র্ব্বো ।

[সকলে প্রশ্নান করিল

[নাদির সেই অন্ধকারে একা একা ভ্রমণ করিতে লাগিলেন। দূর হইতে
নহবতের মিষ্ট রাগিনী শোনা যাইতে লাগিল]

এই জীবন ! এই শক্তি ! এই আমি ! আমি হত্যা ও উৎসবকে
যুগল অশ্বের মত এক রজু দিবে বেঁধে নিয়ে যাচ্ছি। আমারই
ইচ্ছায় জনগণ-পরিপূর্ণ এই রাজপথ আজ শ্মশান ! আবার
আমাবই ইচ্ছায় শ্মশান মুহূর্তে উৎসব-সভায় পরিণত হবে।
আমি নীরবতাকে মুখর ক'রবো, তামসী নিশিকে সহস্র দীপ
মালিনী ক'রবো। হ্যাঁ, আমি বেঁচে আছি—আমি জীবন ভোগ
ক'চ্ছি ; আমি বুঝতে পাচ্ছি, আমার মৃত্যুসংবাদ যারা
বঢ়িয়েছিল, বোধ করি তাবাও বুঝতে পাচ্ছে !

(নাদির পুনরায় পরিভ্রমণ করিতে লাগিলেন)

(ইতিমধ্যে স্থানটি আলোক-উজল হইল—যাহাদের আসিবার কথা
ছিল সবাই আসিল)

নাদির । মির্জা মেহেদী, তুমি বেঁচে আছ' ?

মির্জা । (একটু চিন্তা করিয়া) হ্যাঁ জনাব, আছি তো !

নাদির । সে কি, আমিতো ভেবেছিলাম তুমি মারা প'ড়েছ ।

মির্জা ! (বিস্মিত ও চিন্তিত) কই না মারা পড়িনিতো । কেন জনাব !

নাদির । (আলি আকবরকে উত্তর দিতে ইঙ্গিত করিলেন) আলি !

আলি । (জনাস্তিকে) ইতিমধ্যে মারাপড়বার একটা হেতু ঘটে গেছে !

মির্জা । হেতু ঘটে গেছে ! কি, কি, কি, কি, হেতু বলুনতো ? তাইতো
আমারতো বড় অন্তায় হ'য়ে গেছে জনাব ! আগে জানলে
আমি সাবধান হ'তাম ।

নাদির । হ্যাঁ, সাবধান হওয়া উচিত ছিল ।

- মির্জা। জনাব কসুর মাফ করবেন ; আমি এখন থেকে সাবধান হব ।
 নাদির। হ্যাঁ, ভবিষ্যতে তোমার মরবার সম্ভাবনা হ'লেই আমি সমস্ত
 থাকতে তোমায় সাবধান ক'রে দেব ।
- মির্জা। যে আজ্ঞে জনাব ; আমি বাধিত হ'লেম । কিন্তু মারা পড়বার
 কি কারণ ঘটেছিল আমিতো এখনো জানতে পারিনি জনাব ।
 নাদির। আলি ! (আলিকে পুনরায় ইঙ্গিত করিলেন ।)
- আলি। (মির্জা মেহেদীর প্রতি জনাস্তিকে) আজ সমস্ত দিন ধ'রে
 সহরে যে সমস্ত বড় একটা দাঙ্গা হাঙ্গামা হ'য়ে গেল ।
- মির্জা। দাঙ্গা হাঙ্গামা ? সে কি আজ বিয়ের দিন । বিয়ের দিন দাঙ্গা
 হাঙ্গামা কথাটাতো ভাল নয় আলি সাহেব ।
- আলি। না মোটেই না । কিন্তু কি আব কল যান ব'লুন, হ'য়ে গেছে ।
- নাদির। আলি আমাব ধারণা তখন তুমি যে পত্র এনেছিলে তা মিথ্যা !
- আলি। জনাব আমারও ধারণা পত্র মিথ্যা । অন্ততঃ এ বিষয়ে আবদালী
 সাহেব যে সম্পূর্ণ অজ্ঞ, সে সম্বন্ধে বোধ হয় কোন সন্দেহই
 নেই ।
- নাদির। আমি তোমায় কথা কহিতে নিষেধ ক'চ্ছি, মুর্থ । পত্র-বাহককে
 আমি আজই, না আজ নয় কাল সকালে কর্মচ্যুত ক'র্বো ।
 তুমিও মনে রেখো এ রকম পত্র আর দুই একবার এলে তোমার
 পক্ষেও বিশেষ মঙ্গল হবে না ।
- আলি। জনাব আমিতো কিছুই জানি না ।
- নাদির। আঃ ; ভাল, মির্জা মেহেদী, তুমি আজ সমস্ত দিন কি
 ক'রুছিলে ?
- মির্জা। কেন জনাব আমি আমার ঘরে ব'সে কিতাব পাঠ করুছিলাম ।
- নাদির। গুলি গোলার আওয়াজ তোমার কানে ষাওয়ান ?

মির্জা। কই না জনাব !

নাদির। সে কি, সহব তোলাপাড় আর তোমার কানে আওয়াজই
গেল'না।

মির্জা। বুডো হ'য়ে পড়ার দরুণ সম্প্রতি আমি কানে একটু কম শুন্ছি।

নাদির। চোখে কেমন দেখ্‌ছো !

মেহেদী। চোখে এখনও ঠিক দেখি। আমি চসমা না নিয়েইতো পড়ি।

নাদির। বটে আচ্ছা। (মোল্লাবাসীকে মেহেদীর সম্মুখে আনিয়া)

এটিকে দেখতে পেয়েছ ? (মির্জা মেহেদী চুপ করিয়া রহিলেন)

আচ্ছা তোমরা একবার তোমাদের বিভিন্ন ধর্মমত নিয়ে

তর্ক কর, আমি শুন্বো। যে জিতবে তাকে আমি এখানকার

উর্জার ক'রে দেব!—

(দুই জনে তর্ক করিবার চেষ্টা করিল, কিন্তু যতবার মুখোমুখি হইল

ততবার দু'জনেই মুখ ফিরাইয়া লইলেন, নাদির অত্যন্ত আমোদ

অনুভব করিতে লাগিলেন)

নাদির। আচ্ছা কিতাব পাঠ ক'রে তোমার শিষ্য সম্প্রদায়ের শ্রেষ্ঠ

সম্বন্ধে নূতন কোন তথ্য আবিষ্কার ক'রতে পাবলে ?

মির্জা। হ্যাঁ জনাব পেরেছি। আমি আপনাকে এখনই বুঝিয়ে দিতে

পারি আপনি যদি একটু মনোযোগ দিয়ে শোনেন—

নাদির। মনোযোগ দিয়েই শুন্‌বো। কিন্তু এক কথায় বুঝিয়ে দিতে

হবে !

মির্জা। হ্যাঁ এক কথায় বুঝিয়ে দেব !

নাদির। আচ্ছা বল কিন্তু মনে রেখো এক কথা—

(মুহূ হাসিতে হাসিতে মির্জা মেহেদীর মুখের দিকে চাহিলেন)

মির্জা। আপনিতো সে কথা জানেন জনাব !

নাদির। সে কি ?

মির্জা। হ্যাঁ জানেন ! না জানলে বুঝি ওই রকম ক'রে হাস্তে পারতেন। আর জানবেন নাই বা কেন হাজার আলি নিজেকে আপনাকে স্বপ্ন দিয়েছেন। আপনি জানেন না ব'লেই বুঝি আমি বিশ্বাস ক'র্বো ?

নাদির। না তুমি পাল্লেনা—অনেক কথা ব'লেছ আর নয় থামো। খাঁটা আববি কিতাব, তুর্কী কিতাব, ইয়াহুদিদের কেতাব, এই সমস্ত কিতাব দেখে যদি প্রমাণ করতে পার বে শিয়া মতই আসল মত তবেই আমি তোমার কথা বিশ্বাস ক'র্বো !

মির্জা। তা'হলে আমাকে এই সমস্ত কিতাব সংগ্রহ কর্তে হয়।

নাদির। তা বেশতো কিতাব সংগ্রহ করো।

মির্জা। এক জায়গায় সব কিতাব পাওয়া যাবে না আমাকে অনেক দেশ ঘুরতে হবে। তবে আমি প্রমাণ ক'র্বোই জনাব !

নাদির। বেশ পরমানন্দে দেশ-বিদেশ ঘুরতে থাক।

মির্জা। এখনই যাব জনাব ?

নাদির। এখনি কি হে, কাল সকালে যাবে ; আজকে দিল্লীখরের প্রাসাদে আমাদের নিমন্ত্রণ—মোগলাই কোর্মা, কাবাব কোপ্তা, পোলাও এসব খাওয়া যে জগদ্বিখাত—

মির্জা। তা'হলে কাল সকালেই যাব।

নাদির। (আসন গ্রহণ করিয়া) তাই যেও। যাক্, আপাততঃ এ বিবাহ সম্বন্ধে তোমার শিয়া-সম্প্রদায়ের মতামত কি ?

মির্জা। অমত নাই।

নাদির। সম্মতিও নাই নিশ্চয়।

মির্জা। সম্রাতি থাকবেনা কেন জনাব? আপনিও তুর্কী, ভারত-সম্রাটও তুর্কী, আপনিও সুন্নী-সম্প্রদায়ের—তিনিও তাই; তার উপর তিনি ভারত-সম্রাট—আপনি পারশ্ব-সম্রাট—

নাদির। কিন্তু, আমি তো সম্রাটের বংশধর নই।

মির্জা। সম্রাট আর অসম্রাটের মধ্যে কোনো ধর্ম-সম্প্রদায় কোন দিন কোন প্রভেদ স্বীকার করেনা।

নাদির। বল কি? সম্রাট-নির্বাচনের মতভেদ থেকেই শিয়া-সম্প্রদায়ের উৎপত্তি। শোন আমি সম্রাটের বংশধর নই। কে এখানে আছে যে আমার বংশ পরিচয় জানে? (সকলে নীরব) যে আমার বংশপরিচয় দিতে পারবে, তাকে আমি এই ভারত-সিংহাসন পুরস্কার স্বরূপ দান করবো। মোগল-সম্রাট, আলি আকবর, আসফজা, নাসিরকুলি, কি আশ্চর্য্য তুমিও, তোমার পিতামহের নাম জাননা! আহমেদ আবদালি তুমিও নীরব? কেউ পাল্লেনা না—তোমরা কেউ ভারতের ময়ূর সিংহাসনের যোগ্য নও; এ প্রশ্নের উত্তর সম্ভবতঃ একজন দিতে পারতো কিন্তু সে এখানে নেই!

মির্জা।

জাহাপনার ঔদার্য্য ও প্রসন্নতার উপর নির্ভর করে) কৌতূহলী জনগণের পক্ষ থেকে আমি অনুবোধ করছি এ প্রশ্নের উত্তর জাহাপনাই দিন—

নাদির। শোন আমার পিতা, পিতামহ, প্রপিতামহ, উচ্চতন চতুর্দশ পুরুষের বংশপরিচয় এই (হাতের অঙ্গ দেখাইলেন) ভারত-সম্রাট—আমি এই উপস্থিত সভাসদগণের সম্মুখে আপনার সহিত নূতন সর্ত্তে আবদ্ধ হব। আলি আকবর, তুমি সন্ধির সূত্রগুলি লিপিবদ্ধ করে রাখা; যেহেতু এখানে কেহই

সাজাহাঁ! বাদশার ময়ূর-সিংহাসনের উপযুক্ত নন্ সেই কারণে
ঐ সিংহাসন আমার, কোহিনুর মুকুটও আমার, কেননা যে ময়ূর-
সিংহাসনে ব'সবে ঐ মুকুট কেবল তারই মাথায় শোভা
পায়। মুকুট ও সিংহাসন আমার সঙ্গে পারশ্চেন্নীত হবে ;
তবে এ সাম্রাজ্য আমি গ্রহণ কব্বো না। সিন্ধু-নদেব অপব তীর
পর্যন্ত পারশ্চ সাম্রাজ্যের অন্তর্গত ! আপনার রাজ্য আপনি
গ্রহণ করুন। আমি আপনাকে অভয় দিচ্ছি, যাতে আপনি
রাজ্যহারা না হন, আমি সে দিকে দৃষ্টি রাখবো। আজ থেকে
আপনি পাবশ্চ সাম্রাজ্যের মিত্ররাজ।

১০১০

মহ।

সম্রাট, আমি কি বলে আপনাকে কৃতজ্ঞতা জানাব !

নাদির।

যদি কৃতজ্ঞতা জানাবার মত ভাষা আপনাব কণ্ঠায়ত্ত না থাকে
আপনি কৃতজ্ঞতা জানাবেন না—আমি প্রসন্ন আছি। আসফজা
নিজাম উল্-মুল্ক-ভারত-সম্রাট আপনার এহ উজীব সাহেবকে
একবার ভাল ক'রে দেখেনিন্। ভবিষ্যতে যদি কোন শত্রুপক্ষের
সঙ্গে সন্ধি ক'ব্বতে হয়, এঁর উপর ভার দেবেন না।
আর এর বন্ধু সাদৎ খাঁ—অযোধ্যার নবাব—যদি
সঙ্কটাপন্ন পীড়ায় কাল-কবলিত না হন, তাঁর দিকেও একটু
দৃষ্টি রাখবেন।

মহ।

শাহান শাহ আমি অনুগৃহীত। আপনাব বন্ধু-জনোচিত
এই উপদেশ কখনই বিস্মৃত হবে না।

নাদির।

নিশ্চয়ই বিস্মৃত হবেন। অথবা স্মরণ করবার অবসর আপনার
হবে না। বেগম মহলে যে আপনার অনেক কাজ, আপনার সময়
কই ? থাক্, বন্ধু-দুটীর প্রতি আমি নিজেই দৃষ্টি রাখবো। আলি

আকবর, কাল প্রাতঃকালে আসফ্‌জার নিকট সমস্ত প্রাপ্য অর্থের হিসাব-নিকাশ শেষ করে—অর্থ আদায় ক'রবে।

(আলি আকবর অভিবাদন করিয়া সম্মতি-জ্ঞাপন করিল)

এতক্ষণে বোধ হয় খাণ্ড ও অর্থের প্রলেপ দিবে প্রপীড়িতগণের বেদনা আবোগা ক'ব্বেতে আমরা সমর্থ হইছি।

(জনৈক প্রহরীর প্রবেশ)

প্রহরী । জনাব, একজন উন্নাদিনী রমণী উৎসবক্ষেত্রে আস্তে চায়—
মহ । যেখানে দরিদ্র বৃদ্ধগণকে খাদ্য দেওয়া হচ্ছে, সেইখানে তাকে পাঠিয়ে দে ।

প্রহ । আমরা তাকে সেখানে পাঠাবার চেষ্টা ক'রোঁছলাম—সে এই উৎসবক্ষেত্রে আস্তে চায় ।

মহ । সন্ধ্যার আদেশে আজ সকলের গতি অব্যাহত—কিন্তু যদি উৎসবের ব্যাঘাত হয় ?

নাদির । কিছুমান ব্যাঘাত হবেনা দিল্লীখর । তাকে আস্তে দাও—
বোধ হয় অর্থের আকিঞ্চন করে ! আমি অর্থদানে তার ধন-
লালসাপূর্ণ ক'ব্বো । নাদির শাহের সাক্ষাৎ উন্নাদিনীব নিকটও
নিষ্ফল হবেনা । যাও—

[প্রহরীর প্রস্থান]

(জনৈক রমণীর প্রবেশ ।)

রমণী । (একবার চতুর্দিক নিরীক্ষণ করিল পরে নাদিরের প্রতি তীক্ষ্ণ দৃষ্টি নিক্ষেপ করিল) তুমি নাদির শাহ ?

নাদির । ই্যা—আমিই নাদির শা ; তুই কে ?

রমণী । আমি—আমি—আমি নারী—ভারতের নারী !

নাদির । রাজপুতনী ?

রমণী । রাজপুতনীর সঙ্গে সম্রাটের বিশেষ পরিচয় আছে আমি জানি, সে এক পরিচয়—আজ অল্প পরিচয় পাবে । আর আমি শুধু রাজপুতানার নই, আমি মহারাষ্ট্রের, আমি কাণ্ডকুঞ্জের, আমি গুজরার, মদ্রদেশের, সৌরাষ্ট্রের, অঙ্গ-বঙ্গ-কলিঙ্গের ; আমি মিলিত ভারতের ব্যথিত নারী-আত্মা !

নাদির । তুই হিন্দু না মুসলিম ?

রমণী । আমি হিন্দু, মুসলমান, বৌদ্ধ, ক্রিস্তান ভারতের সর্বধর্মের সর্বমানবতার অভিশাপময় বাণীমূর্তি

নাদির । তুই কি চাস ?

রমণী । কিছু চাই না—শুধু তোমায় একবার দেখতে চাই—আর একটা উপহার দিতে চাই । নিষে যেতে হবে সম্রাট নারীর উপহার—নিষে যেতে হবে সম্রাট !

নাদির । কে তুই ? সত্য পরিচয় দে—

রমণী । নারী—নারী । ভারতের নারী, নারীই আমার পরিচয়—অল্প পরিচয় নাই । আমিই চিরদিন অত্যাচার সহ করি—আমার বুকের উপর দিয়ে চিরদিন বিজয়ীর রথচক্র চলে যায়—চিরদিন আমারই স্বামী মরে, পুত্র মরে, গৃহদাহ হয়, সোণার সংসারে আশ্রয় ধরে, শত্রুক্ষেত্রে পঙ্গপাল আসে—

নাদির । আমি তোকে অর্থদান করবো । প্রচুর অর্থ—তোমার দুঃখ দূর হবে ।

রমণী । তোমার দেখছি অনুগ্রহের সীমা নাই সম্রাট ! কিন্তু না—

আজতো আমার নেবার শক্তি নেই। অনেক নিয়েছি,
ভাঙার পূর্ণ;—তাই আজ দিতে এসেছি।

নাদির। তুই আমার কি দিবি ?

রমণী। অনেক, প্রচুর। যা তোমার খোঁরাসানে কেউ দেখনি,
ইম্পাহানে কেউ দেখনি, সিন্তানে দেখনি, আফগানিস্থানে দেখনি
—সেই মহাই অমূল্য রত্ন—আজ ভারতে পাবে।

নাদির। কি রত্ন ?

রমণী। ময়ূরসিংহাসন নয়, কোহিনূর মুকুট নয়, দিল্লীসম্রাটের কণ্ঠা-
রত্ন নয়, মুগ্ধা রাঠোর-বালিকার প্রেম নয়, ভারতবাসীর
আর্তনাদ নয়, পারশ্ব-সাম্রাজ্যের জয়ধ্বনি নয়—

নাদির। তবে, তবে—তুই কি দিতে এসেছিস—?

রমণী। এ তরল অগ্নি, গৈবিক নিশ্রাব, হৃদয়ের জালা। অত্যাচারের
দ্বারা হৃদয়মহন করে এ তীব্র অগ্নি, বিষ উদ্গীর্ণ হয়েছে। তাই
আজ যত্ন করে তোমায় দিতে এসেছি।


(বক্ষে ছুরিকাঘাত)

ধর সম্রাট—পান কর, ভারতের অতিথি ! পান কর ! (এ
ভারতের অভিশাপ, বিধবার অভিশাপ, পুত্রহীনার অভিশাপ !
পান কর সম্রাট—পান কর,—তুমি অনেক পান করেছ—এ
অগ্নি-জালাটুকু গলধঃকরণ করতে হবে,—স্ত্রী, পুত্র, কণ্ঠা—
পারিবারিক জীবন বিযুক্ত হবে—নিখিল সংসার বিযুক্ত হবে—
—এই নাও—এই নাও—এই নাও—)

(রমণী রক্তাক্ত কলেবরে ভুলুষ্ঠিত হইলেন)

১৫ ১০৪ ০৮২ ৬৭৫ ৩২২৫
১০৪৬ ১০ - ১০৪ ৬৭৫ ৩২২৫ - ১০৪৬ ১০

চতুর্থ অঙ্ক



দৃশ্য—মেশেদ রাজ-প্রাসাদ, হাংমের কক্ষ

(সিরাজী, বেগম ও সিতারা)

সিরাজী । বহিন, এ বিপদে আমরা দু'জন এক না হলে তো কিছুতেই সাজাদার রক্ষা নাই ।

সিতারা । বড়ই দুর্ভাগ্য, বহিন বড়ই দুর্ভাগ্য ! আমি জানি জাঁহাপনা কি মনোবেদনায় দিন কাটাচ্ছেন । তাঁর আহার নাই, নিদ্রা নাই, চিন্তের শান্তি তিনি একেবারে হারিয়ে ফেলেছেন । আমার আশঙ্কা হ'চ্ছে এতদিনে বুঝি ভারতবর্ষের অভিশাপ ফলতে আরম্ভ হ'য়েছে—

সিরাজী । হ্যাঁ—সে কথা আমিও ভুলিনি । তাইতো আমি আজ তোমাকেই এখানে এনেছি । ভারতের নারীর অভিশাপের একমাত্র প্রতীকার তোমার দ্বারাই সম্ভব ; কেননা তুমিও আর একজন ভারত-নারী !

সিতারা । কিন্তু আমরা কি করতে হবে—আমিতো কিছুই বুঝতে পাচ্ছি না বহিন । আমার জাতির অভিশাপের ফল মাথায় নিয়ে আমি হাসতে হাসতে ম'রতে পারি—যদি আমার মৃত্যুতে জাঁহাপনা অভিশাপ মুক্ত হন ।

সিরাজী । তুমি যদি এক কাজ ক'র্তে পার—বোধ হয় সুবিধা হ'তে পারে । কাজটা একটু বিপজ্জনক—আর আমাব দ্বারা ঠিক সম্ভব নয়—তাই আমি তোমার শরণাপন্ন হ'রেছি ।

সিতারা । আমি সহস্র বিপদের মুখে যেতে রাজি আছি—যদি পিতা-পুত্রের এ মনোমালিন্যা দূর হয় । আচ্ছা, জাঁহাপনা কি সত্যিই বিশ্বাস করেন—শাহজাদাই এ চক্রান্তের মূলে ? আমি বার বার জিজ্ঞাসা ক'রেও উত্তর পাইনি । তার বেশী জিজ্ঞাসা ক'রতে আমার সাহস হয়নি । তোমার কি মনে হয় ?

সিরাজী । কি ক'রে জানবো বল বহিন্ ! রাজ্য নিয়ে কথা—অসম্ভব কিছুই নয় ! (বিশেষ, অনেকদিন থেকে সম্রাটের রেজাকুলীর উপর সন্দেহ । সন্দেহের কারণও কিছু কিছু ঘটেছে ।

সিতারা । কি কারণ ?

সিরাজী । আমি যা শুনেছি—প্রথম কারণ ঘটে হিন্দুস্থানে, রেজা আহমেদ আবদালীর সঙ্গে ষড়যন্ত্র ক'রে এক পত্র লিখেছিল ; দ্বিতীয় কারণ, হিন্দুস্থানে সম্রাট মৃত শুনে, সে নিজে সম্রাট তামাসকে হত্যা ক'রেছে ; তৃতীয় কারণ, আমাদের ফেরবার পথে এই গুলি-নিষ্কপ তুমি নিজে চোখে দেখেছ—সে লোকটা নাকি রেজার অনুচর । এ সব সত্যিও হ'তে পারে—আবার ষড়যন্ত্রও হ'তে পারে !) শোন, আমি যে কথা তোমায় ব'লছিলাম । এই সহরের দক্ষিণ প্রান্তে এক পল্লীতে আরমানী ক্রেস্তানদের বাস । তাদের মধ্যে একজন ক্রেস্তান সাধু আছেন ! শুনেছি তিনি অলৌকিক-শক্তি-সম্পন্ন । তিনি ইচ্ছা ক'রলে, জাঁহাপনার এ পারিবারিক অন্তর্বিদ্বেহ—এ মানসিক অশান্তি—দূর ক'রে দিতে পারেন !

সিতারা । তা হ'তে পারে বহিন । আমি শুনেছি, ক্রেস্তানদের অবতার হজরৎ ঈশা, সমস্ত মানুষের পাপের ভার নিজের মাথায় নিয়ে ক্রুশে বিদ্ধ হ'য়ে প্রাণ দিয়েছিলেন । সেই ক্রেস্তান ধর্মের সাধু ! —তোমার কথা ঠিক ।

সিরাজী । সেই জন্যই তো আমি ব'লছি ! শোন—আমাদের দুজনের একজনকে সেখানে যেতে হয় । তুমি জান, সম্রাট আমায় প্রতি সন্তুষ্ট নন—সেই জন্য আগাবাসীও আমাকে সহজে কোথাও যেতে দেয়না । তুমি যদি যেতে চাও, আগাবাসী কিছুতেই বাধা দেবেনা—সে তোমার বাধ্য । বরং চেষ্টা ক'র্বে যাতে একথা জাঁহাপনার কানে না ওঠে ।

সিতারা । কিংবা যদি জাঁহাপনার কানে ওঠে ? তাঁর অনুমতি না নিয়ে গেলে, তিনি আমার উপর বড় ক্রুদ্ধ হবেন । তাঁর চেয়ে—আমি বরং তাঁর অনুমতি নিয়ে যাব ।

সিরাজী । অনুমতি চাইলে তুমি অনুমতি পাবে না, একথা নিশ্চয় !
তুমি জাঁহাপনাকে নূতন দেখছো, কিন্তু আমি জানি, তিনি এ-সব বিশ্বাস করেন না । এ বিপদের সময় নিজের বিপদের কথা ভাবতে গেলে চলে না ! আমি নিজেই যেতাম—কিন্তু আমাদের ধর্মের নিষেধ ক্রেস্তান সাধুর শরণাগত হওয়া । তোমার পক্ষে সে নিষেধ খাটেনা । তুমি হিন্দু ছিলে ; মুসলমানকে বিবাহ ক'রেছ বটে, কিন্তু মোসলেম ধর্ম গ্রহণ করনি ! আসল কথা, তোমার এখন কোনো ধর্মই নাই !

সিতারা । না, আমি সব ধর্মকেই সত্য ব'লে জানি, সেই জন্য কোনো বিশেষ ধর্মের গত্তীর জন্য ব্যস্ত হ'ইনি । ক্রেস্তান সাধুর কাছে যাওয়ার

আমাব আর কোনো বাধা নাই—শুধু আশঙ্কা, জাঁহাপনা যদি
কুদ্ধ হন !

সিরাজী । জাঁহাপনার জানবার সম্ভাবনা খুবই কম । আমরা তিন জন
মাত্র জানবো—তুমি, আমি আর আগাবাসী । আগাবাসী তোমার
কথা কিছুতেই ব'লবেনা, আব আমি—আমাকে কি তোমার
অবিশ্বাস হয় ? স্বামীর মঙ্গলের জন্য একাজে তুমি যাচ্ছ'—আমি
তোমাব সপত্নী হ'লেও এ বিষয়ে আমাদের স্বার্থ এক ।

সিতারা । তুমি ঠিক ব'লেছ বহিন, এ মহাবিপদ—এ বিপদে ভাল-মন্দ ভেবে
কাজ করবার উপায় নাই ! আমি যাব'—আমার যেন কেমন
বিশ্বাস হ'চ্ছে, মঙ্গল হবে ! স্বামী যে মহাপাপ ক'রেছেন, তা'তে
তো কোন সন্দেহ নাই । আমার জাতির উপর অত্যাচার ক'রে
যে শুরু-ভাব পাপ তিনি অর্জন ক'রেছেন, তার প্রায়শ্চিত্তের
বিধান আমাকেই ক'রতে হবে ! তুমি আমার যাওয়ার ব্যবস্থা
কর—আমি আগাবাসীর সম্মতি নিয়ে আসছি ।

[সিতারার প্রস্থান]

(আলি আকবরের প্রবেশ)

আক । সিরাজী !

সিরাজী । তোমার সঙ্গে আমার অনেক কথা আছে আলি !

আক । তোমার সঙ্গে আমারও অনেক কথা আছে সিরাজী ! সেই জন্যই
এলাম !

সিরাজী । তুমি একটু অপেক্ষা কর । আমি শীগ্গিরই আসছি ।

আলি । বড় জরুরী দরকার—তুমি না হয় একটু পরেই যেও ।

সিরাজী । আমারও খুব জরুরী দরকার—দেবী করবার উপায় নেই ! তুমি

একটু অপেক্ষা কর আলি !

আক । আচ্ছা । কিন্তু বেশীক্ষণ ব'সিয়ে রেখোনা ।

সিরাজী । না । বাদী ।

P-৭০

[সিরাজীর প্রস্থান

(বাদী আসিয়া সিরাজী দিয়া গেল, আলি আকবর একা একা

বসিয়া পান করিতে লাগিলেন)

(বান্দার প্রবেশ)

বান্দা । একজন দরবেশ আপনার সঙ্গে সাক্ষাৎ ক'রতে চাইছেন ।

আক । না বাবা, এ চাকরী ছেড়ে দিতে হবে । সমস্ত দিন ছনিয়ার লোকের আরতি, জবাব, সওয়াল শুনে, সন্ধ্যার পর এক পাত্রে সিরাজী পান ক'র্বো—তা' নয়, এখানেও দরবেশ ! আর, এদের মাথায় কি টনক আছে ? কি ক'রে জানলে যে ঠিক এই সময়টা আমি এখানে ব'সে আছি ? দুটো মিথো কথা ব'লতে পারুলিনি ?

বান্দা । আমি কিছু বলবার আগেই তিনি ব'ল্লেন, এই মাত্র আপনি এখানে এসেছেন—তিনি নিজের চোখে দেখেছেন ।

আক । মাথা কিনেছেন । যা, পাঠিয়ে দিগে যা' !

[বান্দার প্রস্থান

কে জানে বাব—দরবেশ-ফকীর মানুষ, কি ক'রতে কি ক'রে ব'সবে ! হাদ্দামার কাজ নেই, একবার দেখা করাই যাক—ওরা ভাল ক'রতে না পারুক, মন্দ ক'রতে পারে ।

(মির্জা মেহেদীর প্রবেশ)

কি আপদ—মির্জা সাহেব যে ! আইয়ে আইয়ে আইয়ে, সালাম আলেকাম, সালাম আলেকাম—বলুন ! তারপর, খবর কি মির্জাসাহেব, কোথায় ছিলেন এত দিন ?

মেহেদী । আজ সকালে মক্কা-শরীফ থেকে আসছি । আজ তিন বছর ধ'রে ঘুরে বেড়াচ্ছি ! শুধু মক্কা ? সেই তুর্কীর কম সহরে গেলাম ! জর্জিয়া—ঐ যে উত্তরে—আর্মানি ক্রেস্তানদের পাদ্রী বাবারা যেখানে থাকে—তুর্কী ফেরতা পথে পড়েছিল ! সেখানে—আরো কত জায়গায়—ছ'নিয়া চুঁড়ে বেড়িয়েছি । আশাব কি আর মরবার অবকাশ আছে আলি সাহেব ।

আক । কেন ব'লুন দেখি ? ব্যাপারখানা কি ?

মেহেদী । পঁচিশ জন ইব্রাহদী মোল্লা, পঁচিশ জন আরবী মোল্লা, পঁচিশ জন তুর্কী মোল্লা, আর পঁচিশ জন পাদ্রী, এই একশো জানী লোক, আর সঙ্গে একগাডী আরবী কিতাব, একগাডী তুর্কী কিতাব আর একগাডী ইব্রাহদীদের সেট পুরোনো কিতাব, এই তিন গাডী কেতাব নিয়ে আজ সকালে এই সহরে পা দিয়েছি । তারপর আপনার বাড়ীতে গিয়ে শুনি, আপনি আপনার ভগিনী সিরাজী বেগমের মহলে আছেন । এ বাড়ীতে এসে আপনার খোঁজ ক'রছি, এমন সময়ে দূর থেকে দেখি আপনি ! কত ডাক—তা' আপনি শুনতেই পেলেন না ! এবার আর প্রমাণ না ক'রে ছাড়ছিনে !

আক । আমি আপনার কথা বতই শুনছি, ততই আশ্চর্য হ'চ্ছি ! ব্যাপারখানা কি বলুন তো ? কি প্রমাণ ক'রবেন ? অত মোল্লা আর অত কিতাবই বা কিসের জন্ত ?

মেহেদী । আপনার মনে নেই আলি সাহেব ? সেই যে—হিন্দুস্থানে—শাহজাদার বিষের রাত্রে—আমি যখন জাঁহাপনাকে তর্কে হারিয়ে দিলাম তখন তিনি আমাকে ব'ল্লেন, ইয়াহুদি আর ক্রেস্তানদের পুরোনো কিতাব থেকে যদি আমি প্রমাণ ক'র্তে পারি যে শিয়া মতই হ'চ্ছে আসল মত, তবেই সম্রাট আমার কথা মানবেন ! ভেবেছিলেন আমি কিছুই সংগ্রহ করতে পারব না ! হজরৎ আলির নিজের হাতের লেখা কিতাব আমি নিয়ে এসেছি !

আক । তা বেশ ক'রেছেন । এখন আমার কি ক'র্তে বলেন ?

মেহেদী । আপনি সম্রাটের সঙ্গে আমার দেখা ক'রিয়ে দেবেন । আমি অনেক দিন এ অঞ্চলে ছিলাম না—হয়তো সম্রাট আমার ভুলে গেছেন—হয়তো তাঁর মেজাজ—

আক । হ'্যা—মেজাজ ! বড় বুদ্ধিমানের কাজ ক'রেছেন মির্জাসাহেব ! সম্প্রতি সম্রাটের মেজাজটা ঠিক তরিবৎ নেই ।

মেহেদী । আমি সব খবর না নিয়ে—আপনার সঙ্গে দেখা না ক'রে—তো আব সম্রাটের সঙ্গে দেখা করতে পারিনি !

আক । খবর বিশেষ সুবিধা নয় । আপনি যদি ঐ তিন গাড়ী কিতাব আর একশো মোল্লা নিয়ে সম্রাটের সঙ্গে এখন তর্ক ক'রতে যান, তা'হলে বোধ হয় আপনাকে আর সেখান থেকে ফিরে আসতে হবেনা !

মেহেদী । কেন বলুনতো ? কি হ'য়েছে ?

আক । ওই যা ব'ল্লেন, মেজাজ—মেজাজ বিগ্ ড়েছে ।

মেহেদী । কেমন ক'রে বিগ্ ড'ল ?

আক । হিন্দুস্থানের সেই আওরতের কথা মনে আছে মির্জাসাহেব—

সেই যে বুক চিরে খুন্ দিয়ে সম্রাটকে অভিশাপ দিয়েছিল
লোকে বলে সে শহীদ—শহীদের অভিশাপ ক'লছে !

মেহেদী । কাকের আওরং আবার শহীদ ! আপনি কেপেছেন আলি
সাহেব ! যা হ'য়েছে, তা আমি বুঝতে পেরেছি—আমি
জানতেম্ ।

আক । কি জানতেন্ ?

মেহেদী । যা হ'য়েছে । বলি, দূর থেকে আমরাও কিছু কিছু শুনেছি ।
এই শিষ্য-মত তুলে' দিবে এদেশে সূত্রি-মত চালানোর কলেই
এইটে ঘটেছে । ধর্ম নিয়ে খেলা করা, আর গোখরো সাপ
নিয়ে খেলা করা—একই কথা ! আমি ত'খুনি বারণ ক'রে-
ছিলাম । আচ্ছা, সম্রাট কি খুব ভয় পেয়েছেন ?

আক । ভয় পাওয়াব ছেলেই বটে । আর সবই ঠিক আছে—তবে, ঐ যে
মেজাজটা—

মেহেদী । আচ্ছা এর মধ্যে আর কোনো মোল্লা এসে কিছু বোঝাবার
চেষ্টা ক'রেছিল ?

আক । কৈ—মনে তো হয় না । (দিরাঙ্গী পান)

মেহেদী । এখন আমি কি করি বলুন দেখি ! আমি শপথ ক'রে ব'লতে
পারি—সম্রাট যদি আমার মতে চলেন, তাঁর সমস্ত আপদ
বিপদ কেটে যাবে । একবার কোনো গতিকে তাঁকে আমাব
যুক্তিগুলো যদি শোনাতে পারতেম—যুক্তি অকাট্য !

আক । তা বেশতো—আপনার সাজোপাজ নিয়ে কাল দরবাবে হাজির
হবেন । ঈশ্বরেচ্ছায়—আপনার যুক্তি শুনে খুসী হ'য়ে, সম্রাট
চাই কি আপনাকে একেবারে ভব-যন্ত্রণার হাত থেকে মুক্তিও
দিতে পারেন ।

মেহেদী । তবে থাক, তবে থাক । কিন্তু আমি যে বড় আশায় নিজের বখাসকরস্ব খরচ ক'রেছি । উজীর সাহেব, যদি কোনো রকমে আমার খরচটা সরকারী তহবিল থেকে আদায় ক'রে দেন—নইলে আমি একেবারে মারা পড়ি ।

আক । আপনাকে বৃথা স্তোক-বাক্য দেব' না । আগে ও-সব ব্যাপার আমার হাতেই ছিল—এখন সম্রাট সমস্ত খুঁটি-নাটি হিসেব পর্য্যন্ত নিজে না দেখে মঞ্জুর করেন না ! কোনো রকম গোঁজামিল দেওয়া একেবারেই অসম্ভব । হিন্দুস্থান থেকে আসার কিছুদিন পর থেকে কি যে হ'য়েছে—বেশ-একটু রূপণ তো হয়েছেনই, উপরন্তু ঐ মেজাজ !

মেহেদী । তাহ'লে আমি গরীব মানুষ মারা পড়বো ! কি রকম সব অকাটা প্রমাণ সংগ্রহ ক'রেছি—আপনি যদি একবার শোনেন তো আপনিই অবাক হ'য়ে যাবেন ! আচ্ছা, কাল সকালে আপনার সময় হবে ? তাহ'লে আপনাকেই শোনাই । তারপর, আপনি সুবিধা-মত সম্রাটকে আমার কথা জানাবেন । এট ধ'রুন না, হজরৎ—

আক ! থাক থাক ! আমি আপনার সব কথাই গুনি বিশ্বাস ক'রে নিচ্ছি মির্জা সাহেব । কিন্তু তাতে তো কোন ফল হবে না ! আসল কথা কি জানেন, শিরাই ব'লুন আর সুনীই ব'লুন, কোনো সম্রদায়ের মতামতের উপরই সম্রাটের বিশেষ কোনো শ্রদ্ধা নেই । লোকটা এক-রকম নাস্তিক ব'লেই হয় ! সম্রাট আপনাদের কেপিয়ে নিয়ে বেড়াচ্ছেন । 'যাক, আপনি এসব কথা কাউকে ব'লবেন না—আমি বহুভাবে আপনাকে সাবধান করার জন্ত ব'ললাম । আপনি এখন বরং আপনার মোল্লাদের কাছে ফিরে

যান। আমার সঙ্গে মাঝে মাঝে দেখা করবেন—যদি কিছু সুবিধে ক'র্তে পারি। সম্রাট যদি ইঠাৎ আপনাকে এখানে দেখতে পান, সেটা আপনার বা আমার কারো পক্ষেই খুব মঙ্গলের হবে না।

মেহেদী। তা হ'লে আমি এখন আসি। যাহোক, আপনি যেন ভুলবেন না! আক। না!

মেহেদী। (স্বগতঃ) এরা সবাই সমান! আমার এত বড় একটা মৌলিক গবেষণা—তার জন্তু এত পরিশ্রম, এত অর্থব্যয়—কউ বিচারটা পর্য্যন্ত স্তনুতে রাজি হ'ল না! পাষণ্ড, কাকের—যাদে গোম্মায়—এসব তারই লক্ষণ আর কি! এখন আমি এই একশো মোল্লা নিয়ে করি কি? এখুনি খেতে চাইবে।

[প্রস্থান]

(সিরাজী বেগমের প্রবেশ)

সিরাজী। লোকটা কে? সঙ্গে ক'রে একেবারে আমার মহল পর্য্যন্ত এনেছ!

আক। রও সিরাজী। উপরো-উপরি ছ'পাত্র না খেলে আমি কথা কইতে পারছিনি। (মন্তুপান) আচ্ছা ব'কান্টা বকিয়েছে!

সিরাজী। লোকটা কে?

আক। হিন্দুস্থানে সঙ্গে ছিল। আলি কুলী খাঁ মাঝে মাঝে কোরাণের তত্ত্ব-কথা নিয়ে ওর সঙ্গে তর্ক ক'রতো।

সিরাজী। কি ব'সছিল?

আক। কি জানি! আমি কি আর ওর কথা'র কান দিয়েছি—আমার

মাথার ভিতর এখন কত বকম ভাবনা ! কিছু টাকা-কড়ি
চায় আর কি ! যাক—এখন তোমার কি জরুরী কথা আছে
বল তো ?

সিরাজী । তোমারও তো জরুরী কথা ছিল ব'লে !

আলি । আগে তোমার কথা শুনি ।

সিরাজী । রেজা কুলীর বিচার সম্বন্ধে । শুন্লাম নাকি যে লোকটা
মাজেদ্রানে গুলি মেরেছিল সে ধরা পড়েছে ?

আলি । তা প'ড়েছে ।

সিরাজী । আচ্ছা, সত্যিই কি সেই মেরেছিল ?

আলি । তা আমি কেমন ক'রে ব'লবো—আমি কি সেখানে ছিলাম !
তোমার হিন্দু-ভগিনী নাকি নিজেব চোখে দেখেছে !

সিরাজী । আমার হিন্দু-ভগিনী ! দেখ, তুমি আমার অমন ক'রে রাগিও না ।

আলি । তুমি রাগ কর ব'লেইতো তোমার আমার রাগাতে ইচ্ছা করে !

সিরাজী । সত্যি বল না—সেই মেরেছে ?

আলি । লোকে তো তাই বলেছে !

সিরাজী । সে কি বলে ?

আলি । আরে,—কি মুশ্কিল আমি কি তাই জানি ! তোমার স্বামী
প্রাণপণ চেষ্টায় আমার কাছ থেকে তাকে দূরে রেখেছে—
আমি কি ক'রে জানবো ? তবে লোকে ব'লেছে সে নাকি
রেজারই হুকুমে গুলি মেরেছে । খাসা বুনো জাত ! মজবুৎ
দেহ ! আর একটু হ'লেইতো—! ফ'কে গেল !

সিরাজী । তুমি সব জান !

আলি । তবে জানি ।

সিরাজী ! আমার বড় কৌতুহল হ'চ্ছে !

আলি। কোতুহল আমারই কি কম হ'চ্ছে সিরাজী !

সিরাজী। তোমার কি বিশ্বাস বেজার শান্তি হবে ?

আলি। আচ্ছা, তুমি সব কথা আমাকে জিজ্ঞাসা ক'রছ কেন ? তোমার স্বামী-পুত্রের কথা আমি বরং তোমারই কাছে শুনতে এলাম ! আমার বড় ইচ্ছে ক'রছে এই বিচারটা দেখতে ! দেখি—আমার পরম পণ্ডিত জননায়ক বিচারক মশায়—তোমার স্বামী গো, স্বামী—কি রকম বিচারটা করেন !

সিরাজী। আলি, তুমি একটা শয়তান। এ-সব বোধ হয়—

আলি। সে কি সিরাজী ! তুমিইতো ব'লেছ আমি অতি ভালমানুষ ! শুধু সৈন্তদের রসদ যোগাই, আর সন্ধ্যার পর দু'-এক পাত্র মত্তপান করি। অতি নিরীহ, অতি গোবেচারা !

সিরাজী। বেজার শান্তি হয় হোক—তাতে আমার লাভ-ক্ষতি কিছুই নেই ! একটু শান্তি হ'লেই ভাল—তামাস্কে মেয়েছে ! তবে, আমি চাই, ওই হিন্দু-বেগমের—

আলি। ঠিক তোমার লাভ-ক্ষতি খতিয়েতো কাজ হবে না সিরাজী ! (বিভিন্ন জাতির ও ব্যক্তির মর্ষ মথিত ক'রে প্রবল ধারায় কর্ষশ্রোত চলেছে। তোমার-আমার স্বার্থ সে ধারার অনুকুল হয়, থাকবে—না হয়, তুমি-আমি কোথায় ভেসে যাব তার ঠিকানা কে বলতে পারে ! সাফাভী বংশ উঠেছিল, প'ড়েছে—হয়তো আবার উঠবে, নয়তো উঠবে না—কে তার হিসাব-নিকাশ দেবে সিরাজী ?) এইটুকু মাত্র জেনে রাখ সিরাজী—আগুন জ্বলেছে, আগুন জ্বলেছে—শুধু আমার অস্তরে নয়, সমগ্র ইরান জাতির অস্তরে !

(পুনঃপুনঃ মত্তপান)

(নাদির ও রেজাকুলীর প্রবেশ)

নাদির । রেজা, এইখানে ব'ন । একি—আলি আকবর, তুমি ? রাত্রি
এক প্রহরের পর—বেগম-মহলে ?

আক । জাঁহাপনা—

নাদির । তুমি এখানে এসে সিরাজী পান ক'রছ ? এ তোমার
পানশালা ?

আক । আমার ভগিনী—

নাদির । না—তোমার সম্রাজ্ঞী ! অভিবাদন কর সম্রাজ্ঞীকে ! তুমি
সম্রাজ্ঞীর সম্মুখে সিরাজী পান ক'রছ ? যেন তুমিই এ রাজ্যের
সম্রাট !

আক । জাঁহাপনা নিজেই আমাকে অনেক সময়—

নাদির । সে আমার অনুগ্রহ, (আমার প্রসাদ !) আমি সম্রাট—আমি
যা খুসী তাই ক'রতে পারি ! তুমি কোথাকার কুকুর—যে
সম্রাজ্ঞীর সম্মুখে বর্ষরের মত ব্যবহার ক'রবে !

আক । আমার ক্ষমা ক'রুন জাঁহাপনা !

নাদির । তুমি ক্ষমার অযোগ্য ! অসভ্য পশু, কুকুর দিয়ে তোমার
খাওয়ান উচিত । বান্দা—

(জনৈক বান্দার প্রবেশ)

এটাকে আজ সমস্ত রাত (আর কাল সমস্ত দিন) বাইরে ছ'টো
বান্দা দিয়ে কান ধ'রিয়ে দাঁড় করিয়ে রাখ । (কাল রাত্রি একা
প্রহরের পর ধালাস পাবে ।)

আক । দোহাই জাঁহাপনা—আমার ক্ষমা ক'রুন জাঁহাপনা

নাদির । খবরদার—নিরে যা ! বেশী চীৎকার করে যদি, কোড়া মারবি ।

[রুদ্দমান আলিকে লইয়া বান্দার প্রস্থান
সিরাজী, বেশী ভ্রাতৃশ্রেম নাদির শাহের বেগম-মহলে চ'লবে না
মনে রেখো !

(সিরাজীকে চলিয়া বাইবার সঙ্কেত করিলে সিরাজী সভয়ে চলিয়া গেল)

রেজাকুলী খাঁ, তুমি আমার কে ?

রেজা । পুত্র জাঁহাপনা ।

নাদির । না—তুমি আমার শোণিতোৎপন্ন ছুঁট ব্রণ ! আমি অস্ত্র-
উপচারের দ্বারা তোমার ভিতরের দূষিত রক্ত বে'র ক'র্বো !

রেজা । আমি সম্রাটের বিরক্তি-ভাজন হবার মত কোনো কাজ করিনি ।

নাদির । মনে রেখো—এই আলি আকবরের মত তোমারও বান্দা দিয়ে
কোড়া-প্রহার ক'রে আমি শাসন ক'রতে পারি ।

রেজা । জাঁহাপনা ইচ্ছা ক'রলেই পারেন—আপনি সর্বশক্তিমান !

নাদির । সম্রাটের মুখের উপর স্পষ্ট কথা বলবার সাহস দেখছি
শাহ্ জাদার আছে ।

রেজা । সে সাহস শাহ্ জাদারই থাকা সম্ভব—শাহ্ জাদা সম্রাটেরই পুত্র
জাঁহাপনা !

নাদির । শুনলাম, পৈত্রিক সিংহাসন-লাভের জন্য বিশেষ ব্যস্ত হ'য়েছ !

রেজা । না—সম্রাট ভুল শুনেছেন ।

নাদির । তুমি আহমেদ আবদালীর সঙ্গে চক্রান্ত ক'রে তাকে পত্র
দাওনি ?

রেজা । না—মিথ্যা কথা !

নাদির । আমার মৃত্যু-সংবাদ শুনে—তুমি বন্দী তামাস্কে হত্যা
করনি ?

রেজা । তাঁকে বধ করবার রাজনৈতিক সার্থকতা ছিল—তাঁকে কেন্দ্র
ক'রে অনেক বিদ্রোহী-দল পুষ্ট হ'ছিল ।

নাদির । বিদ্রোহীকে দমন করার অধিকার তোমায় দিয়েছিলাম—তার
বেশী অধিকার তোমার ছিলনা । আমার মৃত্যু-সংবাদে তুমি
অতি-উল্লসিত হ'য়ে তোমার সম্রাটের নিদর্শন-স্বরূপ তামাস্কে
বধ ক'রেছ !

রেজা । জাহাপনা যা শুনেছেন তা সত্য নয় । সাম্রাজ্যের মঙ্গলের
জন্য—

নাদির । সাম্রাজ্য—সাম্রাজ্য ! যেন যুগ-যুগ ধ'রে তোমার পিতা-পিতা-
মহের দল সাম্রাজ্য-শাসন ক'রে আসছে—তাই আজ তুমি
সাম্রাজ্যের মঙ্গলের জন্য অস্ত্র ধ'রেছ ! আমি তোমার অস্ত্রের
উচ্চাকাঙ্ক্ষা জানতে পেরেছি !

রেজা । আমার জীবনের উচ্চাকাঙ্ক্ষা—সম্রাটের আদেশ পালন করা ।

নাদির । মিথ্যা কথা !

রেজা । সম্রাট মিথ্যা মনে ক'র্তে পারেন—কিন্তু কারো ভয়ে আমি সত্য
গোপন করিনা ।

নাদির । তুমি ইম্পাহান ও তিহাবানের শিক্ষিত জন-সমাজের সহিত বন্ধুত্ব
কর ?

রেজা । তারা আমার ভালবাসে এবং অনেক অনুষ্ঠানে আমার আমন্ত্রণ
করে ।

নাদির । তারা রাজ্যের শত্রু ।

রেজা । না—তারা প্রচলিত কোনো শাসন-তন্ত্রের বিরুদ্ধে যাবে না !

নাদির । মাজেক্রানের গিরিপথে আমার মস্তক লক্ষ্য ক'রে যে গুলি
নিক্ষেপ হ'য়েছিল, সে কার চক্রান্তে ?

রেজা । জানি না !

নাদির । জান না ! এ কবিতার অর্থ কি ?—

“ধনু হ’তে দেখা যায় বেগে ধার তীর,
অস্ত্রের পশ্চাতে কিন্তু থাকে এক বীর।”

এর অর্থ বোধ হয় কঠিন নয় !

রেজা । না, অত্যন্ত সরল অর্থ ,

নাদির । আমাকে নির্দিষ্ট করে যে গুলি নিক্ষিপ্ত হয়, তার পশ্চাতে
কোন বুদ্ধিমান বীর ছিল ?

রেজা । জাঁহাপনা এ-সব প্রশ্ন কেন আমার ক’চ্ছেন ? যদি আমার
প্রতি আপনার সন্দেহ হয়, আমার স্পষ্ট বলুন। মাত্র এক বার
আমি চেষ্টা করব আপনার সন্দেহ দূর ক’রতে—না পারি,
আপনার আদেশ স্বেচ্ছায় বরণ ক’রে নেব। আমি আপনাবই
পুত্র—কাপুরুষ নই !

নাদির । আশা করি, তুমি কাপুরুষের মত কাজ ক’রবে না—যা সত্য,
তাই স্বীকার ক’রবে। সম্ভবতঃ এই দণ্ডে আমি তোমায়
আবার আহ্বান ক’রলে যাও—নিজের ঘরে থেকে।

[রেজাকুলীখাঁর প্রস্থান]

(সিরাজীব প্রবেশ)

সিরাজী, আমি গুরুতর রাজ-কার্যে ব্যস্ত আছি। আমি ইচ্ছা করি
কেউ যেন আমার বাধা না দেয়, কেউ যেন আমার সঙ্গে দেখা
না করে, কেউ যেন আমার কোনো রকম অনুরোধ না করে।
সেই জন্য আমি নিজের কক্ষে বা সিঁতার বেগমের কক্ষে বাইনি।

সিরাজী। জাঁহাপনার আদেশ প্রতিপালিত হবে।

নাদির। তোমার চোখ দু'টা যেন একটু কোঁতুহলী ! কিছু ব'লতে চাও ?

সিরাজী। জাঁহাপনা যদি অভয় দেন—

নাদির। বল।

সিরাজী। আপনি শাহ্ জাদার বিচার ক'চ্ছেন ?

নাদির। যদি করি, সে সম্বন্ধে আমি কারো কোনো অনুরোধ গুন্বোনা।

সিরাজী। আমি কোনো অনুরোধ ক'ব'ছিলা—তবে, প্রধান বেগম ব'লছিলেন—

নাদির। কি ব'লছিলেন তিনি ?

সিরাজী। তিনি বলেন, জাঁহাপনার উপর হিন্দুস্থানের সেই উন্মাদিনী নারীর অভিশাপ এতদিনে ফ'লছে— X

নাদির। তিনিও হিন্দু—তাই তাঁর ধারণা, হিন্দুনারীর সেই প্রলাপ-বচন আমাৎ জীবনে সত্য হবে !

সিরাজী। তিনি আপনার জন্য ব্যাকুল হ'য়েছেন ! ব'লছিলেন, ক্রেস্তানদের সাধু হজরৎ ঈশা নাকি মানুষের পাপ-ভার নিজের মাথায় নিয়ে, ক্রুশে বিদ্ধ হ'য়েছিলেন—

নাদির। তিনিও কি ক্রেস্তান হ'য়েছেন নাকি ?

সিরাজী। তা জানিনা—তবে তিনি ক্রেস্তান ধর্মের মহিমা বিশ্বাস করেন। শুনেছি, শাহ্ জাদা রেজাকুলীও পাদরী বাবাদের কাছে ধর্ম-উপদেশ শুনে থাকেন—আপনার ভাইপো আলিকুলীও সেখানে যান।

নাদির। তাঁদের সবারই কি বিশ্বাস, হিন্দুস্থানে আমি মহাপাপ ক'রেছি ? তাঁদের ব'লো, সকল পাপ—সকল অভিশাপ—আমায় স্পর্শ ক'রতে ভয় করে ! কিয়ৎ ভয় ?

সিরাজী। আমিতো কিছুই জানিনা জাঁহাপনা—বেগম যেমন ব'লছিলেন।

নাদির । তাঁকে ব'লো নাদির শাহ্ ঈশ্বরের সমতুল্য শক্তিমান্, কোনো কাকেরের অভিশাপ তাকে বিদ্ধ ক'রতে পারবেনা । আমার পাপের জন্য তিনি যেন কিছুমাত্র বাস্ত না হন ! তিনি কোথায় ?

সিরাজী । তাতো জানিনা সম্রাট ! সম্ভবতঃ তার নিজের মহলে ।

নাদির । আগাবাসী ! আমার জন্য আজ পরিবারের সকলেই বাস্ত দেখতে পাচ্ছি । আমার জন্য আমি সবাইকে চিত্তিত হ'তে নিষেধ ক'চ্ছি । তর্জনির অতি ক্ষুদ্রতম ইঙ্গিতে আমিই যাদের সৃষ্টি ক'রেছি—স্পর্ধা তাদের, যে তারা আমার ক'রণা ক'রতে আসে !

(কম্পিত-কলেবরে আগাবাসীর প্রবেশ)

নাদির । আগাবাসী, প্রধানা বেগম কোথায় ?

আগা । (পদতলে পতিত হইয়া) জাঁহাপনা আমার মার্জ্জুনা করুন !

নাদির । প্রধানা বেগম কোথায় ?

আলি । জাঁহাপনা—

নাদির । আমি তোমার শিরচ্ছেদের আদেশ দিইনি—আমি শুধু প্রশ্ন ক'রেছি, প্রধানা বেগম কোথায় ?

আগা । তিনি নগর-প্রান্তে এক ক্রেস্তান্ সাধুর কাছে গেছেন—আমি অতি বিশ্বস্ত লোক তাঁর সঙ্গে দিয়েছি—তিনি এখন আসবেন ।

নাদির । গৃহ-প্রবেশের পূর্বেই তাঁর সঙ্গে যেন আমার সাক্ষাৎ হয় । চল, আমি তাঁকে প্রত্যক্ষমন ক'রে নিয়ে আসি ।

। নাদির ও তৎপশ্চাৎ সতরে আগাবাসীর প্রস্থান ।

সিরাজী । হিন্দুস্থানের আকাশেব পাখী—আর তুমি কোথায় যাবে ।

এইবার তোমায় জালে আবদ্ধ ক'রেছি ! আর খোরাসানী
জঙ্গলের বন্য মহিষ—এইবার তোমায় উন্মত্ত ক'র্বো !
তুমি ভেবেছিলে তুমি বড় বুদ্ধিমান ! তোমার শক্তির মাদকতার
তুমি ভেবেছিলে, আমাকে কীটানুকীটের মত পদদলিত ক'র্বে !
দেখি, এইবার তোমার শক্তি কেমন ক'রে তোমায় রক্ষা করে !

(সিতারাকে টানিয়া লইয়া নাদিবের প্রবেশ)

নাদির । সিরাজী ! (ইঙ্গিতে সরিয়া যাইতে বলিলেন)

সিতারা । আমি জাঁহাপনার কল্যাণের জন্ত গিয়েছিলাম, একথা আপনি

[সিরাজীর প্রস্থান

অবিশ্বাস করেন ? আমার মুখ দেখুন, আমার চোখের স্থির
দৃষ্টি দেখুন—যে চোখ তার সম্মুখের এই অনিন্দ্য-সুন্দর বীর
মূর্তি ছাড়া আর কোনো মূর্তির দিকে জীবনে কখনো মুগ্ধ-নেত্রে
চাষনি ! তারপর জাঁহাপনাব নিজের চোখ দিয়ে আমার হৃদয়
দেখুন—আপনার কাছে যার প্রতি অনুভব, প্রতি চিন্তা, প্রতি
কার্য একেবারে সুস্পষ্ট !

নাদির । সিতারা, আমি তোমায় বিশ্বাস করি—বোধ হয় এই মুহূর্তে
একমাত্র তোমাকেই বিশ্বাস করি ! তোমার কাছে আমার
এই প্রার্থনা, এ বিশ্বাস যেন না ভাঙে । যদি কোনো দিন ভাঙে
সিতারা—জান্বে, সেই মুহূর্তে আমার পতন আরম্ভ হবে - কারণ,
বাঁচবার মত আর কোনো অবলম্বন তখন আমার থাকবেনা !

সিতারা । জাঁহাপনা, আপনি আমার একমাত্র প্রভু ও ইষ্ট-দেবতা । আমি
আপনার কল্যাণের জন্ত ক্রেস্তান সাধুর কাছে গিয়েছিলাম ।

নাদির । ক্রেস্তান সাধুর আবশ্যক নাই । কোনো সাধুর কোনো আলৌ-
কিক শক্তিতে আমি বিশ্বাস করিনা । ধর্মের চেয়েও পৃথিবীতে
ঈশ্বরের শ্রেষ্ঠ দান প্রেম ! সে প্রেম যার জীবনে অসম্মানিত হয়,
তার চেয়ে দুর্ভাগা পৃথিবীতে আর নাই ! ঈশ্বর জানেন সিতারা,
আমি তোমায় ভালবাসি !

সিতারা । আমিও জানি জাঁহাপনা ।

নাদির । যাও, তুমি তোমার নিজের কক্ষে যাও । ওই শব্দতানীকে
বিশ্বাস ক'রোনা ! সিরাজীকে কখনো এমন স্বেযোগ দেবেনা,
যার সাহায্যে সে তোমারও আমার দু'জনের মুখ একই
কলঙ্কের কালিমাতে মণ্ডিত ক'র্তে পারে ।

সিতারা । জাঁহাপনা আপনার অনুমতি না নিয়ে যাওয়া আমার পক্ষে
সত্যি অসম্ভব হ'য়েছে । আমি আব কখনো এরূপ আচরণ
ক'রবোনা—আমায় মার্জনা ক'রুন ।

নাদির । যাও, তোমার নিজের কক্ষে যাও । আজকার রাত্রি আমার
জীবনের বড় সঙ্কটাপন্ন রাত্রি ! কোনো প্রশ্ন ক'রনা ।

[সিতারার প্রস্থান]

ঈশ্বর, ঈশ্বর—ঈশ্বর—যদি তুমি কেবল মাত্র ভাবুকের কল্পনা আর
ধর্মব্যবসায়ীর পণ্য না হও, যদি মানুষের নিজের কৃতকর্মের
ফলাফলের উপরেও তোমার কোনো কর্তৃত্ব থাকে, এই যুগুফজাই
সৈনিক পুরুষের বাক্য নিষ্পত্তি কর—রেজাকুলীখাঁর বাক্য
নিষ্পত্তি কর ।

[প্রস্থান]

৪২ (একদিক হঠতে সিরাজী অত্রিক হঠতে সুলতানা
বেগম প্রবেশ করিলেন)

সুল। জাহাপনা এত খানেই ছিলেন না বহিন্ ?

সিরাজী। ঠ্যা ছিলেন—এই মাত্র কোথায় গেলেন—সম্ভবতঃ সেই
মুফ্জাই সাক্ষীকে তলব ক'র্তে। বোধ হয় তাঁর সঙ্গে
কেউ দেখা করে তাঁর ইচ্ছা নয় !

সুল। তোমার কি মনে হয় রেজা এ চক্রান্তের ভিতর আছে ?

সিরাজী। সম্ভবতঃ নাই ; কিন্তু সম্রাটের বিশ্বাস, রেজাই এ চক্রান্তের মূল

সুল। সম্রাট কি তাকে দণ্ড দেবেন ?

সিরাজী। সেই রকমই তো মনে হ'চ্ছে। সম্রাট অত্যন্ত ক্রুদ্ধ হ'য়েছেন।

সুলতানা। আমি যদি তাঁর পায়ে ধ'রে কাঁদি ?—সমস্ত দিন চেষ্টা ক'রেও
আমি তাঁর দেখা পাইনি। কোথায় তিনি ?

সিরাজী। তা'তো ব'লতে পারিনা বহিন্—তবে এইমাত্র তিনি আমার
আদেশ জানিয়ে গেছেন, কেউ যেন তাঁকে আজ কোনে
অনুরোধ না করে।

সুল। কি হবে সিরাজী! কেমন ক'বে আমি রেজাকে রক্ষা করি ?
তোমার কাছে অনুরোধ করবার আমার মুখ নাই—বেজা তোমার
আত্মীয়, মাতুল-পুত্র তামাসকে বধ ক'রেছে। কিন্তু নিশ্চয়
হেনো, এ ব্যাপারে তামাসের বিদ্রোহী অনুচরেরা যত অপরাধী
আমার পুত্র তত অপরাধী নয়। তুমি যদি তাকে ক্ষমা ক'রে,
তাঁর পক্ষ নিয়ে—

সিরাজী। আমি পক্ষ নিলেওতো কিছু সুবিধা হবেনা বহিন্ !

সুল। আমার বিশ্বাস—দ্বিতীয় অপরাধ সন্ধকে আমার পুত্র সম্পূর্ণ

নির্দোষ। সিরাজী, আমি তোমায় কনিষ্ঠা ভগ্নীর মত দেখি এ বিপদে তুমি ছাড়া আর আমার গতি নাই! আমি জ্ঞানশূন্য, আমি বুঝতে পারছি না কি করবো। আগেতো তিনি এত কঠোর ছিলেন না! রেজা তাঁর জীবনের প্রথম আনন্দ, সেই অতি আদরের পুত্রকে তিনি কঠিন শাস্তি দেবেন।)

সিরাজী। তোমাব শত অশ্রুজল, সহস্র অশ্রুনাশ, আমাব সনির্বন্ধ অনুরোধ শাহজাদাকে বাঁচাতে পারবেনা—তোমার-আমার দু'জনরেই ঘোবন গত হ'য়েছে!) তুমি হিন্দু-বেগমের কাছে যাও—আজ জাঁহাপনা হনিয়ায় একমাত্র তারই বণীভূত! তোমার-আমার মিলিত-অনুরোধ যা কর্তে পারবেনা, হিন্দু-বেগমের একটা-মাত্র ইচ্ছিতে তাই হবে!

সুল। তোমার কথা বোধ হয় সত্য—কিন্তু, হিন্দু-বেগম . . . কাথায়?

সিরাজী। সে তার মহলেই আছে চল, আমি তোমাকে তার কাছে নিয়ে যাই। বহিন্, বহিন্, সন্ধ্যাট সেই যুসুফজাই সাক্ষীকে সঙ্গে নিয়ে এইখানেই আসছেন। শীগ্গির চল, আমরা অন্তরালে যাই। যদি তার কথা সন্ধ্যাট অবিশ্বাস করেন, তবে কিছুই আবশ্যক হবে না—যদি বিশ্বাস করেন, তখন হিন্দু-বেগমের শরণাপন্ন হব!

(উভয়ের প্রস্থান)

X

(শৃঙ্খলাবদ্ধ নেক্কদম ও তৎসঙ্গে নাদিরের প্রবেশ)

নাদির। তোমার নাম নেক্কদম?

নেক। হ্যাঁ জাহাপনা। দেখছি জাঁহাপনা আমায় ভুলে' যান্নি!

নাদির । না ! তুমি তোমার সাহসের জন্তু খ্যাতিলাভ ক'রেছিলে ।
যদিও তুমি আজ গুরুতর অভিযোগে অভিযুক্ত তোমার
সাহসের আমি প্রশংসা কবি ।

নেক । এই প্রশংসার জন্তু আমি সম্রাটের কাছে কৃতজ্ঞ !

নাদির । কিন্তু তুমি বুদ্ধিহীন গর্দভ—তুমি মনে ক'রেছিলে, তুমি চিরকাল
তৈয়ানি পাহাড়ে লুকিয়ে থেকে আমার হাত থেকে পরিত্রাণ
পাবে ! তোমার ধারণা কত ভুল, এখন বোধ হয় বুঝতে
পারছি ! তুমি জান, তুমি যদি পৃথিবীর এক প্রান্তেও পলায়ন
ক'ব্তে, সেখান থেকে আমার হাত তোমায় টেনে আনতে
পাবতো ।

নেক । জাঁহাপনার হস্তের দৈর্ঘ্য সম্বন্ধে আমার সন্দেহ নাই । কিন্তু
আমি আমার দেশে ছিলাম—আমি এমন কোন অগ্রাঘ কাজ
করিনি, যার জন্তু পলায়ন আমার পক্ষে আবশ্যিক ছিল ।

নাদির । তুমি খুব জোরের সহিত মিথ্যাকথা ব'লতে অভ্যস্ত দেখছি,
কিন্তু জোর ক'রে ব'লতে পাল্লেই মিথ্যা সত্য হ'য়ে ওঠে
না । তুমি একবার গুরুতর অভিযোগে অভিযুক্ত হ'য়েছিলে—
তুমি বীর ব'লে সেবার তোমায় প্রাণদণ্ড দিইনি—আমার
প্রতি তোমার কৃতজ্ঞ হওয়া উচিত ছিল !

নেক । কৃতজ্ঞ ?

(বন্দীর অঙ্গের শৃঙ্খল ঝঙ্কত হইয়া তাহাকে জানাইয়া দিল সে নিরুপায়)
আমি বন্দী—জাঁহাপনা আমায় যা ইচ্ছা ব'লতে পারেন ! আমার
একমাত্র উত্তর, আমি নিরপরাধ ।

নাদির । মিথ্যাকথা শুধু তাদেরই জন্তু—যারা কাপুরুষ ; বীরের মুখে
মিথ্যা শোভা পায় না ! আমি নিজে দেখেছি, পাহাড়ের

গায়ের একটা কোপের অন্তরাল থেকে তুমি আমার লক্ষ্য
ক'রে গুলি ক'রেছিলে। এ চোখ্ যাকে একবার দেখে
তাকে চিন্তে পারে—এ চোখ্ কখনো ভুল করে না!

নেক্ । কিন্তু এবার ভুল ক'রেছে—আমি গুলি করিনি। (আপনি
আমার অপমান ক'রে কাজ ছাড়িয়ে দিলেন, আমি দেশে
চ'লে গেলাম। সেই অবধি—গরীব মানুষ আমি—একটা কাজ-
কর্ম সংগ্রহের চেষ্টা ক'রছি।)

নাদির । কেন বোকামি ক'রছ? (প্রয়োজন হ'লে আমি কঠোর
হ'ই বটে, কিন্তু দয়া দেখাতেও আমি জানি—আর বীর-পুরুষকে
আমি সহজে দণ্ড দিই না, তুমি নিজেরই অনেকবার দেখেছ।)

নেক্ । (নীরব থাকিয়া চিন্তিত হইবার অভিনয় করিল)

নাদির । বিচারের চূড়ান্ত আদেশ জানাবার পূর্বে তোমার কি বলবার
কিছুই নাই? এখনো চিন্তা ক'রে দেখ। তোমার কি
নিজের গ্রামে ফিরে যেতে ইচ্ছা হয় না? মনে কর তোমার
সেই সুসুফজাই প্রদেশের বন মেঘেব মত স্থির গিরিশৃঙ্গ—নিরে
শ্রামল অধিত্যকার সেই ক্ষুদ্রপল্লী—শুনেছি সেখানকার নবোতা
ও কুমারী যুবতীদের চোখের তারা গভীর কালো, তাদের
অধরের মধু মধুর!

(নেক্ কদম তথাপি চূপ করিয়া রহিল)

নীরবে মৃত্যুকে বরণ করার লাভ কি? জীবন কি তোমার
কাছে কিছুই নয়? আর একবার তোমার চিন্তা করবার
সুযোগ দিচ্ছি—আমি সহজে কঠোর হ'তে চাই না! যদি

বুঝতে পারি তুমি সত্য ব'লেছ—আমি প্রতিজ্ঞা ক'রছি, তোমায় আমি মুক্তি দেব।

নেক্।

আমি যথার্থ কথাই ব'লেছি। কিন্তু তার চেয়েও কিছু বেশী কথা আমি জানি। সে কথা আমি জাঁহাপনাকে ব'লতে পারি—যদি জাঁহাপনা আমার মুক্তি দেন এবং প্রতিজ্ঞা করেন, আমি নিরাপদে দেশে পৌঁছে নির্ঝিবাদে সেখানে বাস করতে পাবো।

নাদির।

আমি হজরৎ আলির নামে শপথ ক'রে ব'লছি, তোমায় মুক্তি দেব—দেশে পাঠিয়ে দেবার ব্যবস্থা ক'রবো। কিন্তু তুমি যা ব'লবে, তা পরিপূর্ণ সত্য হওয়া আবশ্যিক! তুমি জান, খণ্ড সত্য ও পূর্ণ সত্যকে চিনে নিতে আমার বিলম্ব হয় না। বল কে আমার গুলি ক'বেছিল?

নেক্।

আচ্ছা—আমি সত্যই ব'লবো। (জীবন লোভনীয়—জাঁহাপনা সত্যবাদী! আমি সত্য ব'লছি—জাঁহাপনা সমস্তই জানেন। আপনার মৃত্যুতে যাঁর লাভ সব চেয়ে বেশী, তাঁরই আদেশে গুলি নিক্ষিপ্ত হ'য়েছিল!

নাদির।

হেঁয়ালী রাখ—সহজ স্পষ্ট সত্য বল।

নেক্।

ঘটনা যা ঘ'টেছে, সম্রাট তার কিছু নিজের চোখে দেখেছেন, আর কিছু সম্রাটের পার্শ্ববর্তিনী বেগম দেখেছেন। আমি আর মিথ্যা ব'লবো না—গুলি আমিই ক'রেছিলাম!

নাদির।

সোভান্-আল্লা! তাহ'লে তুমি গুলি ক'বেছিলে—নিজের হাতে?

নেক্।

হ্যাঁ জাঁহাপনা, নিজের হাতে। আমার গুলি বড় একটা ব্যর্থ হয় না।

- নাদির । কি জন্তু তুমি আমার হত্যা ক'রতে গিয়েছিলে ?
- নেক্ । আমি আনুপূর্বিক সমস্ত ঘটনা ব'লছি, আপনি শুনুন—শুনে, আমার অপরাধের বিচার ক'রবেন ।
- নাদির । বল ।
- নেক্ । হিন্দুস্থানে আপনি আমার কন্সচ্যুত করবার পরে, আমি ইবাগে এসে শাহ্ জাদার সঙ্গে দেখা করি !
- নাদির । শাহ্ জাদার সঙ্গে দেখা ক'রেছিলে কেন ?
- নেক্ । আমি পূর্বে শাহ্ জাদারই দেহরক্ষী ছিলাম—ভাবলাম, আপনি বরখাস্ত ক'রেছেন, তিনি যদি অনুগ্রহ ক'বে চেষ্টা করেন, আমার চাকরী সম্ভবতঃ আবার হ'তে পারে ! শাহ্ জাদা আমার ভালবাস্তেন—
- নাদির । ভালবাস্তেন ! তাই বিশ্বাস ক'বে আব্দালির পত্র তোমার হাতে দিয়েছিলেন ?
- নেক্ । না জনাব, শাহ্ জাদা নিজে আমার হাতে দেননি—যাকে পাঠিয়েছিলেন, সে আমার জানা লোক । তারপর শুনুন ।) আমার সঙ্গে দেখা হ'তেই শাহ্ জাদা আমার খুব অনুগ্রহ দেখিয়েছিলেন । তারপর যেই শুনলেন আপনি আমার কন্সচ্যুত ক'রেছেন, ত'খনি তাঁর মুখখানা অন্ধকার হ'য়ে গেল—আমারই মুখে শাহ্ জাদা প্রথম শুনলেন যে আপনি জীবিত এবং হিন্দুস্থানে শ্রেষ্ঠ দিগ্বিজয়ীর সম্মান পেয়েছেন !
- নাদির । তুমি শুধু ঘটনা বর্ণনা কর । কোন্ সংবাদে কার মুখ প্রকৃত্ত কি বিষয় হ'য়েছিল, তা তোমার বলার আবশ্যিক নাই !
- নেক্ । না জনাব আমি যেমন দেখেছি তাই ব'লছি । আপনি বেঁচে আছেন শুনে, শাহ্ জাদা আপনার ইচ্ছার বিরুদ্ধে আমাকে

আর কাজ দিতে সাহস ক'লেন না। (আমায় বল্লেন, তুমি সাহসী বীর, তোমার কাজ যাওয়ার আমি হুঃখিত—আমি তোমাকে কাজ দিলে, সম্রাট আমার উপর ক্রুদ্ধ হবেন ; এখন তুমি দেশে যাও ! এই ব'লে) আমার খরচের জন্ত আমার হাতে কিছু অর্থ দিয়ে আমার বিদায় ক'লেন !

নাদির । তোমার কত অর্থ দিয়েছিলেন ?

নেক্ । মাত্র বিশটি স্বর্ণমুদ্রা ।

নাদির । তুমি চ'লে গেলে ?

নেক্ । না জনাব । আমি তাঁকে ব'ললাম, আমার অন্ততঃ একশত স্বর্ণমুদ্রা দিন ! তিনি ব'ল্লেন, এখন তিনি সম্রাটের অধীন, বাজকোষের অর্থ নিজের ইচ্ছানুসারে ব্যয় করতে পারেন না । যদি তিনি কোনো দিন সম্রাট হন, তিনি আমার সহস্র স্বর্ণ মুদ্রা পুরস্কার দেবেন, আর সৈন্যদলে সৈন্যাধ্যক্ষের পদ দেবেন ।

নাদির । তুমি কি ব'ললে ?

নেক্ । আমি অতি দরিদ্র জাহাপনা । সহস্র স্বর্ণমুদ্রাব স্বপ্নে আমি উন্নতের মত উল্লসিত হ'লাম । আমার ক্রমা ক'র্বেন জাহাপনা—উদরান্নের জন্ত সৈনিক-বৃত্তি গ্রহণ ক'রে, অনেক যুদ্ধে অনেক মানুষ ঘেরে ফেলেছি—যারা আমার শত্রুও নয় কিম্বা কোনো ক্ষতি আমার কবেনি ! আর আজ যখন দেখলাম একজন শত্রুকে মারলে অর্থ ও পদ-মর্যাদা ছ'ই পাই, আমি আমার ভাগ্য সুপ্রসন্ন মনে ক'রে শাহ্-জাদাকে স্পষ্টই আশাব প্রাণের কথা ব'ললাম ।

নাদির । কি ব'ললে ?

২০১৩/১৫ ০৮/১২ —

নেক্ । আমি অতি সত্বরই আপনার সম্রাট হবাব পথ পরিষ্কার ক'রে

দিচ্ছি—তিন মাসের মধ্যে আপনার পিতাকে হত্যা ক'রবো !

নাদির । উত্তরে শাহ্‌জাদা কি বল্লেন ?

নেক্ । শাহ্‌জাদা মূঢ় হেসে বল্লেন. “নেক্‌কদম, তুমি আমার সম্মুখে
ও-রকম কথা ব'লোনা ! ওকথা আমার শুন্তে নাই । আমি
আর কোনো কথা না ব'লে হাসতে হাসতে শাহ্‌জাদাকে সালাম
করে চলে এলাম । তারপর যা ঘটেছে, আপনি জানেন !

নাদির । হঁ, জানি—জানি—জানি ! কে আছিস্ ?

(দুইজন প্রহরীর প্রবেশ)

বন্দীকে আরও কিছুক্ষণ এই ভাবে নিকটের কোনো কক্ষে
তোদের জিম্মায় রেখেদে । নেক্‌কদম, তোমার কথা সত্য
কিনা, এইবার তার পরীক্ষা ক'রবো—পরীক্ষার সম্বন্ধে হ'লে,
তুমি প্রতিশ্রুত মুক্তি পাবে ।

[নেক্‌কদমকে লইয়া প্রহরীদের প্রস্থান ।

২০১৩/১৫ —

(একজন বাদীর প্রবেশ ।)

বাদী । শাহ্‌জাদা বেজাকুলী খাঁ !

[বাদীর প্রস্থান

নাদির । পুত্র বিষাক্ত হবে—পুত্র বিষাক্ত হবে ! সেই রেজা—জীবনের
প্রথম-স্বর্ণ রশ্মি ! তখন কোথায় ছিল পারশু-সাম্রাজ্য, কোথায়
ছিল হিন্দুস্থানের ঐশ্বর্য, কোথায় ছিল ময়ূর-সিংহাসন, কোথায়

ছিল কোহিনুব-রত্ন, কোথায় ছিল ভারত-নারীর প্রেম, কোথায়
ছিল ভারত-নারীর অভিগাম !

(অনেকক্ষণ একা-একা পরিক্রমণ করিলেন)

(রেজাকুলী খাঁর প্রবেশ)

রেজা, তুমি বোধ হয় শুনে সুখী হবে, যে লোকটা মাজেজান
গিরিপথে আমার গুলি ক'রেছিল—সে ধরা প'ড়েছে।

বেজা। নিশ্চয়ই জাঁহাপনা ! সে কে ?

নাদির। বোধ হয় শুনে আরও সুখী হবে, সে আমার কাছে তার অপরাধের
ইতিহাস আনুপূর্বিক বর্ণনা ক'রেছে।

রেজা। লোকটা কে ? এরূপ দুঃসাহসিক কার্য সে কেন ক'রলে
জাঁহাপনা জানতে পেরেছেন কি ?

নাদির। হ্যাঁ পেরেছি। অপরাধের ইতিহাসের সঙ্গে সঙ্গে অপরাধের
উদ্দেশ্যও সে আমার জানিয়েছে !

রেজা। সে কি ইরানী ? কোন্ জাতীয় ?

নাদির। সে ইরানী নয় বটে, তবে ইরান-সাম্রাজ্যের প্রজা যুসুফজাই—
জাতীয়, সম্ভবতঃ শাহ্ জাদা তাকে জানেন !

রেজা। তার নাম ?

নাদির। নেক্কদম।

রেজা। নেক্কদম ?

নাদির। নাম শুনেও কি শাহ্ জাদা স্মরণে আনতে পাচ্ছেন না ? সে
একদিন তোমার দেহরক্ষীদের সর্দার ছিল।

রেজা। হ্যাঁ, মনে হয়েছে। একি সেই ষাকে জাঁহাপনা হিন্দুস্থানে
কর্ষ্যচ্যুত ক'রেছিলেন ?

নাদির । তোমার কথা সত্য ! (সে গুরুতর অপরাধ ক'রেছিল—তার অপরাধের গুরুত্বও সম্ভবতঃ তুমি জান ! তার প্রাণ-দণ্ড হওয়া উচিত ছিল—সাহসী দেখে তার দ'ণ্ডে আমি লঘু ক'রেছিলাম । কৰ্মচ্যুতির পর সে তোমাব কাছে এসেছিল ?

রেজা । এসেছিল জাঁহাপনা—আমায় পুনরায় সৈনিকপদে প্রতিষ্ঠিত করবার জন্য সে পুনঃপুনঃ আমায় অনুরোধ করে, কিন্তু আমি তার অনুরোধ রক্ষা করিনি ।

নাদির । সৈনিকের কাজ তুমি তাকে দাওনি সত্য—কিন্তু তার চেয়ে অনেক বেশী আশা দিয়েছিলে !

রেজা । মিথ্যা কথা—আমি তাকে কোনো আশা দিইনি ! একদিন সে আমার বিশ্বাসী ছিল, তাই তাব দুর্ভাগ্যে যৎকিঞ্চিৎ সমবেদনা জানিয়েছিলাম—এই মাত্র ।

নাদির । তুমি তাকে স্বর্ণমুদ্রা পুরস্কার দাওনি ?

রেজা । দিয়েছিলাম—কিন্তু কোনো মন্দ অভিপ্রায়ে দিইনি জাঁহাপনা ।

(আমি আমার মস্তক স্পর্শ ক'রে শপথ ক'রছি—আপনার আদেশ প্রতিপালন ছাড়া কোন উচ্চাকাঙ্ক্ষার বশবর্তী হ'রে কোনো কাজ আমি করিনি !)

নাদির । (শপথ—শপথ ! দেখছি ইম্পাহানি অভিজাতদের মত কথায় কথায় শপথ ক'রতে শিখেছ ! কিন্তু জেনো, আফসারি বংশের এ রীতি নয় । তারা সহজ সত্য কথা বলে—সত্যই তাদের একমাত্র অবলম্বন—বাক্য-বহুল শপথের দ্বারা তারা সত্যের মহিমা ধরুঁ করে না !) তুমি তাকে অর্থ দিয়েছিলে—তারপর সে আমায় হত্যা ক'রতে চেষ্টা করে । শুধু এই অতি-সামান্য কার্য পরম্পরায় কি প্রমাণ হয় ?

রেক্ষা । জাঁতাপনা, আমি স্বীকার ক'রছি আমি অতি নির্কোণের মত কাজ ক'রেছি। সে আমার তার অভাবের কথা জানিয়ে আমার পায়ে ধ'রে কেঁদে ব'লেছিল, অন্যভাবে তার পরিবার মারা যাবে। তার অপরাধের কথা আমি সম্যক্ জান্তেম না। আমি ফলাফল চিন্তা করিনি। আমার মার্জনা করুন! এও কি সম্ভব পিতা, যে আপনি বিশ্বাস ক'রবেন—এ মহাপাপের চিন্তা আমার মনে উঠবে?

নাদির । আফ্‌সারু বংশের শোণিত ঘর ধমনীতে প্রবাহিত, পিতৃদ্রোহী হওয়া তার পক্ষে সম্ভব নয়—এ আমি জানি। কিন্তু আজ আর তুমি শুধু আফ্‌সারি নও—পিতৃবংশকে তুমি অতিক্রম ক'রেছ—পারশুর আভিজ্যাতের হাওয়া তোমার গায়ে লেগেছে—তোমার অন্তরে সম্রাটের বংশধর আজ তুমি আকুল হ'য়ে জেগে উঠেছে! তুমি সম্রাটের বংশধর—লালসার কলুষ-বিষে তোমার অন্তর জর্জরিত! অসম্ভব নয় তুমি পিতৃসম্বন্ধের পবিত্রতা অস্বীকার ক'রবে!

রেক্ষা । ঈশ্বর—ঈশ্বর—ঈশ্বর—খোদাতালা—তুমি ব'লে দাও, আমি কেমন ক'রে এ সন্দেহ-রাহ-মুক্ত হব!

নাদির । শোন! নেক্‌কদমকে আমি নিজে বহুবার গুথানুগুথরূপে প্রশ্ন ক'রেছি। তার কথায় আমার দৃঢ় ধারণা হ'য়েছে, তোমারই ইঙ্গিতে সে আমার বধ করবার চেষ্টা করে। আমি যখন হিন্দুস্থানে অনুপস্থিত, তুমি তখন রাজধানীতে আমার প্রতিনিধি ছিলে। তুমি শক্তির শোণিত-স্বাদ পেয়েছ—তামস্কে হত্যা ক'রে শক্তির মাদকতা অনুভব ক'রেছ! আশ্চর্য্য নয় পরিপূর্ণ শক্তি লাভের জন্য তোমার অন্তর অধীর আগ্রহে

উদ্ভূত হ'য়ে উঠেছিল। ভাল ক'রে নিজের অন্তরের দিকে
তাকিয়ে এ কথাব উত্তর দাও—

রেজা।

(রেজাকুলী উত্তর দিতে না পারিয়া নীরব রহিল। অন্তর
মহাসাগরের তরঙ্গের নীচে কি কামনা লুকাইয়াছিল
তাহা দেখিয়া সে সভয়ে শিহরিয়া উঠিল।)

পিতা!—

(পদতলে পড়িল)

নাদির। ওঠ! তোমার অন্তরের কলুষ কামনার জন্ত আমি তোমায়
ক্ষমা করতে প্রস্তুত, কেননা কামনার উপর মানুষের হাত
নাই, বিচার শুধু কার্যের।) শোন রেজা, তুমি অপরাধ ক'রেছ
সত্য, কিন্তু তোমার সমস্ত অপরাধের পবিধি আচ্ছন্ন ক'রে
আছে তোমার প্রতি আমার স্নেহ, অনাবিল, পবিত্র, স্বার্থ
শূন্য স্নেহ! তুমি আমার জ্যেষ্ঠ সন্তান, একদিন তুমি আমার
সর্বস্বেরও অধিক ছিলে। সে দিনের স্মৃতি এখনো স্মিয়মান
হয়নি। আমি তোমার পিতা, বাইরে আমি কঠোর হ'তে পারি
কিন্তু তোমার কাছে স্নেহশূন্য নই।) এখানে কেউ নেই,
তুমি তোমার অপরাধ স্বীকার কর। তারপর যদি তুমি
যথার্থ অনুতপ্ত হও আমি তোমায় ক্ষমা করব। বল,
সত্য বল!

রেজা। আর কি বলবো আমার বলবার কিছুই নাই। আমি
আপনাকে পুরেই সত্য কথা বলেছি, (কোন কথা গোপন
করিনি, তবু আপনি আমার কথা বিশ্বাস ক'রলেন না। আমি

জানি, পূর্ব থেকেই আপনি আমার সন্দেহ করেন বোধ হয় আমাকে ঘৃণা করেন ! আমার মাতাকে ঘৃণা করেন আমার তো ঘৃণা করবেনই । সম্ভবতঃ বিচারের পূর্বেই আপনি আমার শাস্তি নিদেশ ক'রেছেন । আপনি আমার পিতা, আমার প্রভু, আমি হজরৎ আলির মত আপনাকে শ্রদ্ধা করি, ভক্তি করি, সেট শ্রদ্ধার আসন যখন টলেছে, আমার ইহ জীবনের সর্বস্ব আজ যখন আমার প্রতি অতি ঘৃণিত সন্দেহ পোষণ করেন, তখন এ জীবনে আমার কোন প্রয়োজন নেই । আপনি আমার রাজদ্রোহীর কঠিনতম শাস্তি দিন, আমি বাঁচতে চাই না ।

নাদির । বেজা রেজা তোমার প্রগলভতা অসহ্য !

রেজা । না সম্রাট এ প্রগলভতা নয়, এসত্য । কিন্তু সে সত্য চিন্তার শক্তি আজ আর আপনার নাই, আপনি ষড়যন্ত্রের জটিল চক্র তলে নিষ্পেষিত, এ আপনার দুর্ভাগ্য আমার দুর্ভাগ্য ! নিস্তার নাই, নিস্তার নাই—আমি দেখতে পাচ্ছি এ সাফাভী বংশের ভীষণ শোণিত জিঘাংসা ।

নাদির । না এ সাফাভী বংশের শোণিত জিঘাংসা নয়, এ আপসারি বংশের সর্বপ্রথম শোণিত বিদ্রোহ । আমি অকুরেই এ বিদ্রোহেব বীজ নষ্ট ক'রবো । এস আমার সঙ্গে ইসুফ্‌জৈ সৈনিকের সঙ্গে মুখোমুখি হয়ে তোমাকে আমার প্রশ্নের উত্তর দিতে হবে ।

[উভয়ের প্রস্থান ।

(সিরাজী ও সুলতানা বেগমদ্বয়ের প্রবেশ ।)

সুল । নিজের কানে তুমি সব কথা শুনেছ, আমি সব কথা শুনেছি

এখনো কি তুমি স্তোক বাক্য দিয়ে আমার স্থির থাকতে বল ?

সিরাজী। না, বলি না। জাঁহাপনা ক্রুদ্ধ—ভীষণ ক্রুদ্ধ। এরূপ ক্রোধ তাঁর অনেকদিন দেখিনি—মাত্র একবার হিন্দুস্থানে দেখেছিলাম—তার ফলে, সেই অমানুষিক হত্যাকাণ্ড !

মূল। তবে—কি উপায় হবে সিরাজী ?

সিরাজী। এখন একমাত্র উপায় হিন্দুবেগম। সে ছাড়া আর কারো সাধ্য নেই যে এখন জাঁহাপনার সামনে হাজির হয়। বাদী—

(বাদীর প্রবেশ)

সিতারা বেগম এই মুহূর্তে !—আমাদের নাম কর্বিনি—বল্বি সম্রাট নিজেকে তাঁকে তলব দিয়েছেন !

[বাদীর প্রস্থান]

আমি এখানে থাকুবোনা। তুমি নিজেকে তার সঙ্গে কথা কও। আমার এখনো সে শত্রু মনে করে, ভাবতে পারে তার সর্কনাশের জন্য বুঝি আমি ষড়যন্ত্র করছি ! তোমার পক্ষে এ অনুরোধ স্বাভাবিক, তুমি সাহাজাদাব গর্ভধারিণী ! মনে রেখো, একমাত্র উপায় সে—সে ছাড়া দ্বিতীয় উপায় নাই—তার প্রাণ গলাতে হবে ! আমি জানি সৌভাগ্যের উচ্চতম শিখরে বসে থাকলেও স্বদয় তার এখনো কোমল। যেমন করে পার তার প্রাণকে স্পর্শ কর—যেন সে স্বৈচ্ছায় জাঁহাপনাকে অনুরোধ করে !

[প্রস্থান]

(সিতারা বেগমের প্রবেশ)

সিতারা। জাঁহাপনা—না, আপনি !

সুল। (আমার আপনি কেন বেগম সাহেবা—এ পুরীতে আমি আজ বাদীরও অধম !) আমরা মার্জনা করবেন সম্রাজ্ঞী—সম্রাটের নাম ক'বে আমিই আপনাকে আহ্বান ক'রেছি !

সিতারা। আপনি আমার আহ্বান ক'রেছেন ! কি জন্তু খানুম ?

সুল। আমার দোহাই—রক্ষা কর—রক্ষা কর—আমার পুত্রকে বক্ষা কর ! (তুমি জান বিনাদোষে পুত্র আমার গুরুতর অভিযোগে অভিযুক্ত ! জাঁহাপনা প্রমাণ সংগ্রহ ক'রেছেন । কিন্তু আমি আমার পুত্রকে জানি—সে নিরপরাধ !) অন্য সব দোষ তার সম্ভব—কিন্তু পিতৃদ্রোহী সে কখনো হবে না । জানিনা, কোন (অদৃশ্য শত্রুর ভীষণ ঝড়যন্ত্রে পুত্র আমার প্রাণ হারাতে ব'সেছে !

সিতারা। খাঁনুম, আপনার কথা সত্য—এ ঝড়যন্ত্র ! আপনার পুত্রকে আমি দেখেছি—আমার গর্ভজাত না হ'লেও, আমি তাকে পুত্রেরই মত স্নেহ করি । (যে অবধি আমি তার ছুরদৃষ্টের কথা শুনেছি—আমার মনে শাস্তি নাট ।) আপনি জানেননা—আমি সম্রাটকে অনেকবার ব'লেছি, আমার কথায় তিনি কর্ণপাত করেননি ! শাহ্ জাদা জাঁহাপনার জ্যেষ্ঠ পুত্র—সেই পুত্রের জন্মী আপনি । আমি কে ছজুরাইন—যে এ বিষয়ে জাঁহাপনা আমার অনুরোধ শুনবেন ? আপনি নিজে যান—আপনাকে দেখলে তাঁর পূর্ব-স্মৃতি জেগে উঠবে—(তিনি শাহ্ জাদাকে মার্জনা ক'রবেন । আপনি নিশ্চয় জানেন—আমিও লক্ষ্য ক'রেছি—জাঁহাপনা কঠোর হ'লেও, যাদের

ভালবাসেন, তাদের অপরাধ মার্জনা ক'রবার মত ঔদার্য্য তাঁর আছে। আপনি নিজেকে গেলে, আপনার অনুবোধ তিনি নিশ্চয়ই রক্ষা ক'রবেন !)

মূল ।

না, না, না—আমি বেশ জানি, জাঁহাপনার কাছে আমার অনুরোধের আজ আর কোনো মূল্য নাই। (আমি অনেক চেষ্টা ক'রেছি—আজ তিনদিন ধ'বে চেষ্টা ক'রেও আমি তাঁর দেখা পাইনি। আমি জানি, তিনি আমার সঙ্গে দেখা ক'রবেন না। তোমায় তিনি ভালবাসেন—তাঁর ভালবাসাব উদ্দামতা আমি জানি—তুমি ইচ্ছা ক'রলে পার! দয়া কর, দয়া কর বহিন, তুমি আমার ছোট ভগিনীর মত, আমার কণ্ঠার মত—আজ আমি বড় অসহায়! আমি শুনেছি হিন্দুনাথী কোমলপ্রাণা, —আমি তোমার জাতির নারীত্বের দোহাট দিয়ে তোমায় অনুরোধ ক'রছি, আমার পুত্রকে রক্ষা কর, রক্ষা কর! সে তোমারও পুত্র—সর্ব্বাঙ্গ সুন্দর, উদার, মহান্, বীর-যুবক! এখনো সে পঁচিশ বছর অতিক্রম করেনি—রক্ষা কর, রক্ষা কর!

(সিতারার পদতলে পতিত হইলেন)

সিতারা । কি করেন, কি করেন, হুজুরাইন—আপনি সর্ব্বশ্রেষ্ঠা সম্রাজ্ঞী, আমার জ্যেষ্ঠা ভগিনী, আমাব পূজনীয়—আমি আপনার কণ্ঠার মত। আপনি স্থির হ'ন—আমার ভাগ্যে যা হবার হবে—আমি প্রতিজ্ঞা ক'রছি, জাঁহাপনার কাছে শাহ্-জাদার প্রাণ-ভিক্ষা চাইব। যদি আমার নিজের প্রাণের বিনিময়েও তাঁর প্রাণ-রক্ষা ক'রতে পারি—আমি প্রতিশ্রুত হ'ছি সম্রাজ্ঞী, আমার প্রাণ আমি দেব। আমি এখুনি যাব। জাঁহাপনা কোথায়?

মুল । জাঁহাপনা এখানেই আসবেন । এই ঘরেই শাহ্‌জাদার বিচার হ'চ্ছে !

সিতারা । তাহ'লে এ-ঘরে এ-সময়ে প্রবেশ করা আমাদের অগ্রায় হ'য়েছে । ঐ বুঝি তিনি আসছেন—হ্যাঁ তাঁরই পদধ্বনি !

(মুল । ^{২০} ^{২১} চল তোমার সঙ্গে বাই । অন্তরালে থেকে তুমি নিজেই বিচার দেখবে ।)

[উভয়ের প্রস্থান]

(নাদির ও নেক্কদমের পুনঃপ্রবেশ)

নাদির । নেক্কদম, শাহ্‌জাদা তোমার মুখের উপর ব'ললে, তোমার কথা মিথ্যা—তবুও কি ব'লতে চাও, তুমি যা ব'লছ তাই সত্য !

নেক্ । আমি পূর্বেই জান্তাম, জাঁহাপনা আমার চেয়ে তাঁর পুত্রের কথাই বেশী বিশ্বাস ক'রবেন । আমি একজন সুদূর প্রদেশের সামান্ত প্রজা, তার উপর রাজদ্রোহের অভিযোগে অভিযুক্ত—আর শাহ্‌জাদা স্বয়ং সম্রাট-পুত্র, তাঁর সঙ্গে আপনার রক্তের টান—সুতরাং তিনিই সত্য কথা ব'লেছেন !

নাদির । শোন' নেক্কদম—রাজার বিচার শুধু বিচার, সে শোণিত-সম্বন্ধের অপেক্ষা রাখে না ! আমার চ'খে এখন শাহ্‌জাদাতে আর তোমাতে কোনো প্রভেদ নাই । সে জ্ঞান নয়, শোন । আমি প্রতিশ্রুত আছি—সত্য ব'ললে তুমি মুক্তি পাবে । কিন্তু এখনো তুমি সমস্ত সত্য বলনি । শাহ্‌জাদার সম্মুখে সে কথা তোমায় বলিনি—তোমায় নিভুতে ব'লছি, আমি সংবাদ পেয়েছি, তুমি শাহ্‌জাদার এক শত্রুর কাছে প্রচুর উৎকোচ

নিষে শাহজাদার উপর তোমার নিজের অপরাধের কিয়দংশ
চাপিয়ে দিচ্ছ ! কেমন, সত্য কিনা ?

নেক্ । আমি পূর্বেই জানতাম, জাঁহাপনা এরূপ সন্দেহ ক'রেন ।
সেই জন্ত আমি গোড়াতেই কোনো কথা ব'লতে চাইনি ।
জান্তেম আমি ম'র্ক—তাই, শাহজাদাকে আর জড়াতে ইচ্ছা
করিনি ! আপনি পুনঃপুনঃ অনুরোধ ক'রলেন—মুক্তির
লোভ দেখালেন—যুসুফজাই পর্তমালার, সেখানকার যুবতী
কুমাবীর অধরের মধুর কথা আমার স্মরণপথে আবার ফুটিয়ে
তুললেন—আমি কি ক'রবো ! মুক্তির প্রলোভনে আমি সত্য
কথাই ব'লেছি—এখন জাঁহাপনার অভিকচি !

নাদির । তুমি সত্য ব'লছ তুমি উৎকোচ গ্রহণ করনি ? আলি আকবর
নিজে বা অন্য কোনো কর্মচারীর হাত দিয়ে তোমার উৎকোচ
দেয়নি ?

নেক্ । কি আশ্চর্য্য, আমি কতবার আপনাকে ব'লবো ! আমি তো
ব'লেছি এ আমি আগেই জানতাম । এখন শাহজাদার অনেক
শত্রুপক্ষ হবে—আমার অনেক উৎকোচদাতা আসবে—আবশ্যক
হয়, তারা আমার বিরুদ্ধে সাক্ষী দেবে—সর্বশেষে, বিচারে প্রমাণ
হবে, আমিই একমাত্র অপরাধী ! এ আমি জানি, আপনার আলি
আকবর বা আর কাউকে ডাকুন, তারা এসে সাক্ষী দিক্ !
আমি অনেক দিন থেকেই জানি । তবে, জাঁহাপনা বংশের দোহাই
দিয়ে রাজা হন্বি, নিজের সাম্রাজ্য নিজে অর্জন ক'রেছেন,
তাই একটু ভুল ভেবেছিলাম—মনে ক'রেছিলাম, জাঁহাপনার
বিচার-প্রণালী বৃষ্টি একটু স্বতন্ত্র ! ষাক্, আর আমি কিছু
বলতে চাই না—আমি মৃত্যুতে প্রস্তুত ! আপনি এখন

আপনার বিচার-প্রহসন সঙ্গ ক'রে আমার প্রাণদণ্ডের
আদেশ দিন।
নাদির। কে আছি!)

(প্রহরীর প্রবেশ)

এই দণ্ডে বন্দীর শৃঙ্খল উন্মোচন কর। একে সঙ্গে ক'রে
মেশেদের সীমার বাইরে রেখে আয়, এ-যুক্ত। নেক্কদম,
আমার প্রতিশ্রুতি পালন ক'লাম, তুমি যুক্ত, যাও !

(নেক্কদম বাক্যব্যয় না করিয়া আভূমি-প্রণত হইয়া প্রস্থান করিল)
প্রহরী !

(প্রহরীর পুনঃপ্রবেশ)

রেজাকুলী—রেজাকুলী !

[প্রহরীর প্রস্থান

(নাদিরের চঞ্চল হইয়া পরিক্রমণ)

(দূরে সিতারার মুখ দেখা গেল—অতি শঙ্কিত, চরণ কম্পিত, তথাপি সে
ভিতরে আঁসবার স্বযোগ খুঁজিতেছে)

(রেজাকুলী খাঁর প্রবেশ)

রেজা, আমি এইমাত্র নেক্কদমকে প্রতিশ্রুত মুক্তি দিয়েছি।
রেজা। আমি জানি আপনি তাকে মুক্তি দেবেন। আমার প্রতি
আপনার সন্দেহ, আপনি আমার সরাতে চান? তার জন্য এ
নেক্কদম-প্রহসন সৃষ্টির কোনো আবশ্যক ছিল না! আপনি
আমার শুধু বলেই পারতেন—আপনার তুষ্টির জন্য আমি বিনা-
বাক্যব্যয়ে এ দেহ দিতে পারতাম !)

- নাদির । রেজা, আমার বিচার তোমার কাছে প্রহসন ? তুমি তো নেক্‌কদমের কোনো কথার প্রতিবাদ ক'রতে পারনি !
- রেজা । আমি পূর্বেই ব'লেছি, নেক্‌কদমের কথা অর্ধ-সত্য । আমি তাকে অর্থ দিয়েছি, সে গ্রহণ ক'রেছে, জাঁহাপনাকে হত্যা করার কোনো ইঙ্গিত করিনি । আমি পুনঃপুনঃ এ কথা আপনাকে ব'লেছি, আপনি বিশ্বাস ক'রবেন না—আমি কি ক'রতে পার ! আর আমার বাঁচতে ইচ্ছা নাই—জীবনে আমার ধিক্কার জন্মেছে । আপনি আমার সম্রাট, আমার পিতা, সর্কশক্তিমান ! এ দেহ আপনার দান—আপনি আমার মৃত্যু-দণ্ড দিন—আমি আপনার সংশয়ের হাত থেকে পরিত্রাণ পাই !
- নাদির । তিহারানী-ইম্পাহানীদের মত প্রচুর কথা তুমি শিখেছ—আমি কথা শুন্তে চাই না, প্রমাণ চাই । নেক্‌কদমকে তুমি যখন অর্থ দিয়েছিলে—কেউ সেখানে ছিল, কোনো বালক ভৃত্য ?
- রেজা । না—কেউ ছিলনা । তখন সন্ধ্যাকাল—আমি নমাজের উদ্দেশ্যে মস্জিদে যাচ্ছিলাম—কাছে যা অর্থ ছিল, তাই দিয়েছিলাম । আমার মনে হয়নি এই সামান্য অর্থদানের ফল একদিন এইভাবে আমাকে কৈফিয়ৎ দিতে হবে—যদি মনে হ'ত সাক্ষী রেখে দান ক'রতাম !
- নাদির । সেই কথা, সেই প্রগল্ভতা ! তোমার বাক্যকে আমি সংঘত ক'রবো ! ষাও, আজ রাত্রি আমি তোমাকে চিন্তা করবার অবকাশ দিচ্ছি—কাল সকালে—

(পশ্চাৎ দিক হইতে ধীরে ধীরে সিতারার প্রবেশ)

তুমিও এসেছ !—কি চাও তুমি ?

সিতারা । জাঁহাপনা—

নাদির । হ্যাঁ, আমি জাঁহাপনা—তারপর বল ।

সিতারা । জাঁহাপনা, এক্ষেত্রে আমার বলার কোনো অধিকার নেই—তবু আমি এসেছি !

নাদির । বলার অধিকার নাই জেনেও কেন এসেছ' ? ভাল, যখন এসেছ, বল কি ব'লতে চাও ।

সিতারা । শুনেছি শাহ্জাদা আপনার বিরাগ-ভাজন হ'য়েছেন ।

নাদির । হ্যাঁ বিরাগ ভাজন হ'য়েছেন । উনি আমাকে হত্যা করবার জন্য ঘাতককে নগদ অর্থ দিয়েছেন এবং ভবিষ্যতে তাকে প্রচুর আশা দিয়েছিলেন । প্রমাণ হ'বে—আমার কোনো সন্দেহ নাই । সুতরাং ওঁর গুণ্ডিত রাজদণ্ড হবে । তারপর ? আর কি ব'লতে চাও ?

সিতারা । জাঁহাপনা, সত্য-মিথ্যা আমি কিছুই জানিনা, তবে হারামে সর্বত্র শুনেছি শাহ্জাদা নিরপরাধ !

নাদির । তুমি সত্য-মিথ্যা কিছুই জান না—অথচ তোমার প্রতি আমি যে অনুগ্রহ দেখিয়েছি তারই সুযোগ নিয়ে, আমার প্রবল আপত্তি জেনেও, তুমি রাজকার্যে বাধা দিতে এসেছ !

সিতারা । কিন্তু শাহ্জাদা আপনার পুত্র !

নাদির । আমি জানি শাহ্জাদা আমার পুত্র—এ তোমার নূতন আবিষ্কার নয় !

সিতারা । আপনি তাকে ক্ষমা ক'রুন । আজ আপনি ক্রুদ্ধ হ'য়েছেন—কিন্তু দু'দিন পরে যখন আপনার ক্রোধ উপশম হবে, তখন হয়তো আপনি নিজেই অনুতপ্ত হবেন ! আমি আপনার চরণ স্পর্শ ক'রে ব'লছি, আপনারই মঙ্গলের জন্য আপনি শাহ্জাদাকে

কমা ক'রুন। শাহ্‌জাদা আপনারই পুত্র—আপনার প্রতিকৃতি;
সুন্দর, যুবক, মহান, উদার, বীর !

নাদির। সুন্দর, যুবক, মহান, উদার, বীর ! কে আছিস্ ?

(প্রহরীর প্রবেশ)

এই মুহূর্তে শাহ্‌জাদাকে নিয়ে যা' পাশের ঘরে—অস্ত্র-হকিমকে
ডেকে আন ! আমার আদেশ, শাহ্‌জাদার দুই চোখ উৎপাটিত
ক'বে এই মুহূর্তে যেন আমার সম্মুখে আনে। রেজাকুলী, তুমি
সুন্দর, তোমার সৌন্দর্যের আমি অবসান ক'রবো—তুমি যুবক,
এই যৌবনের প্রারম্ভের দিন থেকে বার্ককোর শেষ দিন পর্যন্ত
জগতের সমস্ত সৌন্দর্য্য তোমাব নয়ন থেকে মুছে নিলাম !
নিয়ে যা !

রেজা। উত্তম, এ আমার মেহময় পিতারই যোগ্য আদেশ—কিন্তু জানবেন,
এ চক্ষু আমার নয়—এ সমগ্র ইরান-জাতির চক্ষু !

[রেজাকুলী ও প্রহরীর প্রস্থান]

সিতারা। দোহাই শাহানশাহ্, অস্তুতঃ আমাকে তার শাস্তির কারণ
ক'রবেন না—আমি আর অনুরোধ ক'রবো না !

নাদির। ই্যা, তুমিই তার শাস্তির কারণ। নিলর্জা বিশ্বাস-হস্তী, শাহ্‌জাদা
সুন্দর যুবক, আর তুমি সুন্দরী যুবতী ! তুমি ক্রেস্তানদের সাধু-
বাবার সঙ্গে সাক্ষাৎ ক'রতে যাও ! শাহ্‌জাদার প্রাণভিক্ষা
ক'রতে তোমার লজ্জা করে না—তুমি প্রাণ-ভিক্ষা কর্কার কে ?

সিতারা। একি ! একি ! তুমি কি ব'ল্ছ—কি ব'ল্ছ ! এ রকম কথা
তো তোমার মুখে কখনো শুনিনি !

নাদির । ক্রেস্তান-অবতার হজরৎ ঈশা জগতেব পাপ গ্রহণ ক'রেছিল—
তারও সাধ্য নাই তোমাদের ছ'জনের পাপের ভার বহন করে !
আগাবাসী—

(সিতারা নাদিরের পায়ে ধরিল, নাদির মুখ ফিরাইলেন—সিতারা
নীরবে উঠিয়া দাঁড়াইল)

(আগাবাসীর প্রবেশ)


এই বিশ্বাস-হস্তীকে এই দণ্ডে রাজধানীর বাইরে রেখে এস—
আজ থেকে এ আবার পথের ভিখারিণী !

(সিতারা কোনো কথা না বলিয়া ঘৃণাভরে ঘর ছাড়িয়া চলিয়া
গেলেন, আগাবাসী পশ্চাতে গেল)

নাদির । পুত্র বিষাক্ত হবে—হারেম বিষাক্ত হবে—পারিবারিক জীবন
বিষাক্ত হবে ! ঈশ্বর, ঈশ্বর, সম্ভবতঃ তুমি নাই—যদি থাক,
তুমি শুধু জগতের শাস্তিদাতা !



পঞ্চম অঙ্ক



প্রথম দৃশ্য



খোরাসানের পল্লীস্থ প্রাস্তব

(সিতারাব প্রবেশ)

সিতারা : নিষ্ঠুর-নিষ্ঠুর-নিষ্ঠুর—একি ভয়াল মূর্তি নিয়ে তুমি জন-সাধারণের
সম্মুখে এসে দাঁড়ালে ! এতো তোমার স্বরূপ-মূর্তি নয় ।
তবে কেন এমন হল ? এ সংহার-মূর্তি তুমি কেন ধরলে !
গ্রামে, জনপদে, নগরে, পথে, প্রাস্তরে—যেখানে যাই, সর্বত্র
তোমার সংহার-লীলার শত-শত নিদর্শন ! আর আমি দেখতে
পারিনা, দেখতে পারিনা—ইরাণের পথ আমার চির-পরিচিত
পথের মায়া ভেঙে দিয়েছে !

গীত

ও আমার নিষ্ঠুর দরদী,

কেন ভালবেসেছিলে

এমনি কাঁদাবে যদি !

এ কোন্ রূপে এলে, প্রিয়,

এ কোন্ রূপে এলে—

কেমন ক'রে, রুদ্র তোমায়
 দেখবো নয়ন মেলে,
 অন্তরে যে আর এক সাজে
 জেগে আছ নিরবধি ॥
 তোমায় ভালবেসে, প্রিয়,
 পেলেম ভাল ফল...
 ভাঙলো মায়া, গৃহের ছায়া,
 পথের তরুতল,
 (শুধু) দৃষ্টিহারা, নয়নধারা
 জীবন-ভরা অশ্রুস্রাবী ॥

[প্রস্থান

(সালেহ্ বেগ ও রহমতের প্রবেশ)

- সালে । আচ্ছা, গান গাইতে গাইতে চ'লে গেল—মেয়েটা কে ? এ গ্রামে তো কোনো দিন দেখেছি ব'লে মনে হয় না !
- রহ । না, এ গ্রামের মেয়ে নয়, পথের ভিখারিণী—একটু যেন পাগল-পাগল ভাব !
- সালে । মুখখানা ঠিক দেখতে পেলাম না । দেখেছো রহমৎ. পল্লীর চারিদিক আজ বেশ চঞ্চল হয়ে উঠেছে !
- রহ । আচ্ছা বলুন তো, কতকাল পরে সম্রাট খোরাসানের এ অঞ্চলে এলেন ?

- সালে কাল পনের—বৎসর হবে ।
- রহ । আসার উদ্দেশ্য আপনার কি মনে হয় ?
- সালে । ঠিক বুঝতে পারছি না ! লোকে কি বলছে ?
- বহ । অনেকে অনেক কথা বলে । পল্লী সজ্জস্ত হয়ে উঠেছে । অনেক গৃহস্থ, স্ত্রী-পুত্র নিয়ে গ্রাম ছেড়ে চলে গেছে । সৈন্ত ও কৰ্মচারীরা জোর ক'বে গ্রামের লোকদেব কাছে থেকে শস্ত আর পশু নিয়ে যাচ্ছে ।
- সালে । জন্মভূমিটুকু বাকী ছিল—এইবার এখানেও অত্যাচার আরম্ভ হবে । আস্ত্রাবাদে নরমুণ্ড-নরকঙ্কালের স্তূপ তৈরী হ'য়েছে, এইবার এ-গ্রামে ও হবে !
- রহ । আচ্ছা, সম্রাটের এ অত্যাচারের অর্থ কি ?
- সালে । শক্তির মাদকতা—হিন্দুস্থানে আরম্ভ ! ঈশ্বর তাকে শক্তি দিয়েছিলেন অনন্ত, কিন্তু সে-শক্তির সদ্ব্যবহার সে করেনি ।
- বহ । আচ্ছা, রেজাকুলির শাস্তির পর থেকেই যেন সম্রাটের নিষ্ঠুরতা বেড়েছে !
- সালে । হিন্দুস্থানেই আমি প্রথম বুঝতে পারি—যে মানুষ নিরস্ত্র নগরবাসীর হত্যার আদেশ দিতে পারে, তার পক্ষে অসম্ভব কিছুই নাই—পুত্র, পরিবার, স্বদেশ, কিছুই তার আপনার নয় ! আজ যদি এ-গ্রাম ধ্বংস ক'বতে আদেশ দেয়, আমি একটুও আশ্চর্য্য হব না ।
- রহ । যে হিন্দুবেগমকে প্রধানা সম্রাজ্ঞী ক'রেছিলেন—শুন্‌লাম তাকে তাড়িয়ে দিয়েছেন ।
- সালে । তা হবে—তার পক্ষে আশ্চর্য্য কিছুই নয় । সেদিন সে আমার বলেছিল—জন-সমাজকে ঘৃণা করি, অভিজাত্যকে ঘৃণা করি,

আমি একা, আমার আত্মীয় নাই ! এখন দেখছি সে কণিক উত্তেজনার কথা নয়—সত্যকথা !

রহ । সম্রাটের জন্য আমার দুঃখ হচ্ছে বেগসাহেব ।

সালে । নিষ্ফল দুঃখের আবশ্যক নাই রহমৎ—কারো প্রাণের স্পর্শে সে প্রাণ জাগবে না ! সব চেয়ে বড় আঘাত দিয়েছে সে তাদের—যারা তাকে ভালবাসতো ! কোনো প্রাণের কোনো সম্মান সে রাখেনি । প্রথম যৌবনে সুলতানা বেগম আর আমি মনে ক'রেছিলাম তার প্রাণ স্পর্শ ক'রেছি—আমাদের দু'জনের ভুল ভাঙতে দেবী হয়নি ! তারপর—তার উদ্দাম পিতৃশ্বেহ—তুমি জাননা রহমৎ, কি ভালই সে বাসতো ঐ রেজাকে ! সেই রেজাব কি দুর্দশা হল !

রহ । আচ্ছা, লোকে যে বলে, রেজার মৃত্যুর প্রতিবাদ ক'রেছিল ব'লে ইরানী অভিজাতেরা রাজদ্রোহের অপরাধে ধরা পড়েছে, এ কথা কি আপনি সত্য বলে মনে করেন ?

সালে । ইরানী অভিজাতেরা রেজাকে ভালবাসতো একথা সত্য । কিন্তু তাই ব'লে যে তাদের গ্রাম-বাড়ী ধ্বংস ক'রবে, এ কি কখনো সম্ভব হয় ! তুমি জাননা, কিন্তু আমি তো দেখেছি ! অভিজাতদের সে ঘৃণা করতো বটে, কিন্তু ইরান-সাম্রাজ্যের সামান্য এক টুকরো মাটিও তার প্রাণের চেয়ে বেশী প্রিয় ছিল । সেই অতি-প্রিয় স্বদেশকে সে আজ শ্মশান ক'রে তুলেছে ! আমার মাঝে-মাঝে মনে হয়, হয়তো বা হিন্দু-বেগম সত্যিই তাকে ষণ ক'রেছিল ।

রহ । কিন্তু তাঁকে তো তাড়িয়েছেন ! আমি তাঁর চরিত্রের সামঞ্জস্যের সূত্র কিছুতেই খুঁজে পাচ্ছিনি ! আমি বাব ।

সালে । কোথায় ?

রহ । আপনার সম্রাটকে দেখতে !

সালে । সে কি ?

রহ । আমার মনে হয় তাঁর অন্তরে কেউ প্রবেশ করতে পারেনি—
আপনি তাঁকে চিন্তে পারেন নি !

সালে । হয়তো পারিনি । কিন্তু তুমিও পারবে না ।

রহ । আমি পারবো । আমি তাঁকে প্রশ্ন করবো ।

সালে । উন্নতের মত কথা বলনা রহমৎ ! যা শুনছি তা যদি সত্য হয়,
তাহলে এখন তাঁর সঙ্গে দেখা করাও যা, ইচ্ছা করে মৃত্যুর
সামনে হাজির হওয়াও তা !

রহ । মৃত্যুর রহস্য যে জানতে চায়, তাকে মৃত্যুর সামনে উপস্থিত হতে
হয় বেগসাহেব ! আপনি ভাবছেন কেন, কত লোকই তো
ম'চ্ছে—না হয় আমিও ম'রবো !

(বনপথের দিকে চাহিয়া) হ্যাঁ-হ্যাঁ, মুখ ঘেন পরিচিত ! রহমৎ,
রহমৎ, সম্ভবতঃ সে-ই এ রহমৎ ! আমি দেখে আসি—তুমি
ব'সো, আমি ফিরে না আসা পর্যন্ত কোথায়ও যেওনা !

তা যাবনা ! কিন্তু আপনি কোথায় যাচ্ছেন !

ওই যে মেয়েটা—ওই পাহাড়ের উপর দাঁড়িয়ে অনেকটা ঘেন—
দাঁড়াও, এসে তোমার সব কথা বলছি !

[প্রস্থান

রহ । এ কখনো হ'তে পারেনা ! এত বড় প্রাণ কোন্ মরুভূমিতে
এসে তার ধারা হারিয়ে ফেলেছে !

(অতি সন্তুর্পণে আলি আকবরের প্রবেশ)

আলি । আপনারই নাম মোলানা রহমৎ খাঁ ?

রহমৎ । হ্যাঁ, আমারই নাম ! আপনি কে ?

আলি । আমি রাজধানী থেকে আসছি !

রহ । আপনি কি আমারই খোঁজ ক'চ্ছেন ?

আলি ! হ্যাঁ, আপনারই খোঁজ ক'রছি ।

রহ । প্রয়োজন ?

আলি । দলছি । শুনেছি—আপনি একনিষ্ঠ, ধর্ম-পরায়ণ, স্বদেশ-সেবক । ইরান দেশেব সর্বনাশের কথা সম্পূর্ণ হৃদয়ঙ্গম করেন নি ?

রহ । হ্যাঁ, কিছু শুনেছি । চোখেও দেখেছি—ইরানের দুর্ভাগ্য !

আলি । দুর্ভাগ্যের পরিমাণ আপনি জানেন না । নিরীহ নগরবাসীদের অস্থি-কঙ্কালে দেশ পূর্ণ হ'য়েছে । ইরান দেশ আজ ইরানীদের নয়, আবদালি সৈন্তেরাই তার যথার্থ শাসনকর্তা । পিতৃপুরুষের সঞ্চিত এবং নিজেদের উপার্জিত অর্থ দিয়ে যে সৈন্যদল তারা পোষণ ক'রছে, তারাই দেশেব অধিবাসীদের দণ্ড দিচ্ছে—শাসন ক'চ্ছে !

রহ । শুনলাম—একমাত্র শাস্তি মৃত্যু ।

আলি । অতি ভীষণ—অতি যজ্ঞদায়ক মৃত্যু ! নূতন অত্যাচার সৃষ্টি করার সম্রাট আর তার আবদালি সৈন্য যেন আনন্দ পায় !

রহ । অত্যাচারের ভীষণতা কি সম্রাটের সৃষ্টি—না আবদালিদের সৃষ্টি

আলি । তা জানিনা—হয়তো উভয়েরই ! তবে, সম্রাটের অনুমোদন আর সহানুভূতি না থাকলে আবদালিদের এত সাহস কখনই হ'ত না । আমরা তো সন্ত্রস্ত হয়ে আছি—কখন কোন্ দিন কার ডাক

পড়ে। এক একবার মনে করি' সব ছেড়ে দিয়ে, দরবেশ হ'য়ে এক দিকে পালাই, কিন্তু পারিনা—অজগর সর্পের বিষ নিঃখাসেব আকর্ষণে আমাদের টেনে রেখেছে। অপমৃত্যু আমাদের অবশ্যস্বাবী—কিন্তু কবে, কোথায়, কোন্ অবস্থায় হবে, তাই শুধু জানিনা!

- রহ। আপনি কি রাজকর্মচারী ?
- আলি। হ্যাঁ।
- রহ। সম্রাটের সঙ্গে খোরামানে এসেছেন ?
- আলি। তাই।
- রহ। আপনার নাম ?
- আলি। নাম বলবার সাহস নেই মৌলানা। সাহেব—এখনো প্রাণের মায়া ছাড়তে পারিনি। (স্ব-স্ব-স্ব-স্ব)
- রহ। আমার কি শুধু সম্রাটের অত্যাচারের কথা শোনাতে এসেছেন ?
- আলি। না, অন্য প্ররোজন আছে। সালেহ্বেগ কি এই গ্রামেই বাস করেন ?
- রহ। হ্যাঁ, করেন।
- আলি। তাঁর সঙ্গে আপনার কোনো সম্পর্ক আছে ?
- রহ। সম্পর্ক বিশেষ কিছুই নাই বটে, তবে আমরা পরস্পর বিশেষ বন্ধু—তিনি আমার শিক্ষক। তিনি এখানেই ছিলেন। আপনি তাঁর সঙ্গে দেখা করতে চান ?
- । অপেক্ষা করবার সময় নেই। আমি যে কাজে এসেছি, আপনি জানলেই হবে। আপনাকে বোধ হয় বিশ্বাস করতে পারি।
- রহ। সে আপনার ইচ্ছা—আমি কি ব'লবো।
- আলি। এই কাগজখানা আপনি সালেহ্বেগকে দেখাবেন।

রহ। (রহমৎ কাগজ লইয়া অনেকক্ষণ দেখিলেন) একি সম্রাটের

স্বাক্ষর ?

আলি। হ্যাঁ, স্বাক্ষর তাঁরই—সালেহ্‌বেগকে দেখলেই বুঝতে পারবেন।

রহ। আপনি কি বলতে চান—সালেহ্‌বেগ ও তাঁর বৃদ্ধ পিতা পৌরবেগকে

সম্রাট হত্যা করবার আদেশ দিয়েছেন ?

আলি। আমি অতি সন্তর্পণে এ গোপন সংবাদ সংগ্রহ করেছি।

রহ। সালেহ্‌বেগ চিরদিন সম্রাটের হিতাকাঙ্ক্ষী বন্ধু—বিশেষ, তাঁর

বৃদ্ধ পিতা একেবারেই নির্বিরোধ—অতি বৃদ্ধ।

আলি। আমি তো এর কিছুই জানিনা ! রাত্রি দ্বিপ্রহরে আহমেদ

আবদালীর সঙ্গে মন্ত্রণা হবে—খুব সম্ভব সেই সময়ে পরোয়ানা

জারির আদেশ বেরবে। সালেহ্‌বেগ আমার অনেক দিনের

বন্ধু, তাই একটু সাবধান ক'রে দিতে এলাম। আমি চললাম,

আর এখানে থাকতে পারিনা ! দেখবেন, একথা যেন প্রকাশ

না হয় !

[প্রস্থান]

রহ। তাইতো ! যে অত্যাচার দু'থেকে শুধু জাতির সমস্তা হ'য়ে

আমায় আকর্ষণ ক'রছিল, এখন দেখছি সে মূর্তিখান্ সত্য হ'য়ে

আমার কাছে এলো !

(সালেহ্‌বেগের পুনঃপ্রবেশ)

সালে। না রহমৎ, ধরা গেল না—আমায় দেখে যেন মেয়েটি কোথায়

পালিয়ে গেল ! হয়তো আমার কাছ থেকে আত্মরক্ষা করা

আবশ্যক মনে ক'রলে ! আর অগ্রসর হওয়া আমার পক্ষে

ভদ্রোচিত বলে মনে হ'লনা !

রহ । পরের ভাবনা ভাববার সময় আপনার নেই—আপনি এখনি
বাড়ী ঘান এই দেখুন ! (কাগজ দেখাইলেন)

সালে । একি—আমার ও পিতার গ্রেপ্তারি পারোয়ানা ! সম্রাটের
হস্তাকর ! ই্যা সম্রাটেরইতো হস্তাকর ! তুমি কোথায়
পেলে ?

রহ । এইমাত্র এক রাজকর্মচারী দিয়ে গেছে—নাম ব'লেনা !

সালে । রাজকর্মচারী—রাজকর্মচারী ? তবে কি অন্ধকারে আমিই
ঠিক চিন্তে পারিনি !

রহ । সম্ভবতঃ পাবেন নি ! কে ?

সালে । বোধ হয় আলি আকবর ! অনেকটা সেই রকমেরই চেহারা !

রহ । তিনি যে-ই হোন চিন্তা করবার অবকাশ আপনার নেই ! আপনি
অবিলম্বে বৃদ্ধ পিতাকে নিয়ে রাত্রি দ্বিপ্রহরের পূর্বেই গ্রাম
পরিত্যাগ করুন ।

সালে । সে কি রহমৎ, গ্রাম ছেড়ে কোথা যাব ?

রহ । যাবাব আবশ্যিক হ'য়েছে ! আপনার নিজের জন্ত নয়, বৃদ্ধ
পিতার জন্ত—ন'ইলে ব'লতাম না ।

সালে । শোন রহমৎ, রাত্রিকালে বৃদ্ধ পিতাকে নিয়ে গ্রাম ছেড়ে যাওয়া
একেবারেই অসম্ভব । আর কোথায়ই বা যাব ! পরোয়ানা
যদি সত্য হয়, পৃথিবীর অপর প্রান্তে গেলেও আমার নিস্তার নেই
—যুসুফ্ জাই নেক্ কদমের কথা তুমি শুনেছ ?

রহ । কিন্তু আপনাকে যেতেই হবে !

সালে । তার চেয়ে, আমি বরং সম্রাটের সঙ্গে সাক্ষাৎ করি !

রহ । আপনি একা হ'লে সে পরামর্শ দিতাম—কিন্তু বাড়ীতে আপনার
বৃদ্ধ পিতা একা—)

সালে। এইবার সে খোরাসান আলাবে! জন্মভূমির কাছে শেষ হিসাব-নিকাশ ক'রতে এসেছে!

রহ। সে হবে না—খোরাসানে অত্যাচার আরম্ভ হবার আগে তাঁকে তাঁর অত্যাচারের কারণ দেখাতে হবে। যে অত্যাচার ইরাণের অভিজাতদের উপর তিনি অসহ্যে করেছেন, খোরাসানে সে অত্যাচার হ'তে দেবনা! আমি এই দণ্ডেই শিবিরে গিয়ে তাঁর সঙ্গে দেখা ক'রবো, তাঁকে প্রশ্ন ক'রবো—তাঁকে কারণ দেখাতে হবে! যদি তিনি খেয়ালী হন, তাঁর খেয়াল এখানে শাস্ত হবে!

সালে। না—না—না—তুমি যেওনা রহমৎ, তুমি যেওনা—উন্নতের মত আচরণ ক'রোনা! বিশেষ তুমি নিরস্ত্র—কখনো যুদ্ধ করনি!

রহ। আপনি আজন্ম-সৈনিক—অস্ত্রের আবশ্যিকতা আপনি স্বীকার ক'রতে পারেন, কিন্তু মানুষের সঙ্গে মানুষের দেখা ক'রতে হ'লে যে অস্ত্রের আবশ্যিক হয়, একথায় আমার অস্ত্র কোনো দিন সায় দেয়নি। আমি নিরুপায় প্রজার পক্ষ থেকে যাচ্ছি। আমি নিরস্ত্রই যাব। আপনি বাড়ী যান, আপনার পিতাকে রক্ষা করুন!

সালে। সিংহের গহ্বরে আমি একা তোমায় ছেড়ে দিতে পারি না রহমৎ।

রহ। আপনি তাঁকে সিংহ মনে ক'চ্ছেন, আমি তাঁকে সিংহ মনে করি না—ঠিক আবারই মত অতি কুস্র মানুষ বলেই মনে করি! সম্ভবতঃ আমার চেয়েও ছুঃখী, আমার চেয়েও ছুঃখাগ্য!

- সালে । তোমার কথায় কোথায় যেন সত্যের একটা ঝঙ্কার আমি শুনতে পাচ্ছি—অতি বৃহৎ সত্য ! তবু-তবু-তবু—তোমায় ছেড়ে দিতে আমার সাহস হয় না । বন্ধু—
- রহ । কিন্তু আপনি তো আমার ধ'রে রাখতে পারবেন না !
- সালে । তবে চল, আমরা ছুজনেই যাই ।
- রহ । না—আপনার বৃদ্ধ পিতা ।
- সালে । তা হোক—আমি যাব !
- রহ । যদি এর মধ্যেই সম্রাটের চর আপনার পিতাকে গ্রেপ্তার করে নিয়ে যায় !
- সালে । তবে পিতাকে আমি কোনো গোপন স্থানে লুকিয়ে রেখে আসি—তারপর ছুজনে এক সঙ্গে যাব ।
- রহ । একথা যুক্তিপূর্ণ । বেশ, আপনি তাই করুন । আমি এইখানেই আপনার অপেক্ষা ক'রছি ।
- সালে । কিন্তু তুমি যেন একা যেওনা !
- রহ । আজ আমার দৃঢ় ধারণা হ'চ্ছে, আপনি এতকাল সম্রাটের সঙ্গে বাস ক'রেও তাঁকে চিনতে পারেন নি ।
- সালে । হবে !
- রহ । ঠাক, আপনি আর দেরী করবেন না ! আমি এইখানেই র'ইলাম ।

[সালেহ্ বেগের প্রস্থান]

সিংহ-সিংহ-সিংহ—পশুরাজ ! হোলই বা রাজা—তবু পশুর রাজা, মানুষের নয় ! (মানুষ পশু হয়ে গেছে একথায় বিশ্বাস করার চেয়ে, বোধ হয় মঙ্গলও ভাল !)

রহ। তুমি কি অত্যাচার-পীড়িতা ?

সিতারা। ইরাণের সর্বত্রই কি অত্যাচার ?

রহ। শুধু এই প্রদেশটার এখনো বিশেষ অত্যাচার হয়নি। শুন্ছি, আজ থেকে অত্যাচার আরম্ভ হবে।

সিতারা। কি ক'রে জানলে, আজ থেকে অত্যাচার আরম্ভ হবে ?

রহ। লোকে ব'লছে, সম্রাট জন্মভূমির সঙ্গে একটা শেষ হিসাব-নিকাশ ক'রতে এসেছেন !

সিতারা। তুমি একথা বিশ্বাস কর ?

রহ। আমার বিশ্বাস-অবিশ্বাসে কি আসে যায় ! সাধারণ প্রজার এই রকম বিশ্বাস—তার নিদর্শনও কিছু-কিছু আছে। তার উপর, তারা ঘর ছেড়ে পালাচ্ছে।

সিতারা। আমি তোমার নিজের মনের কথা জিজ্ঞাসা ক'চ্ছি।

রহ। মানুষকে অবিশ্বাস ক'রতে আমার ধর্ম আমার নিষেধ করে।

সিতারা। তোমার কি ধর্ম ?

রহ। কোনো সাম্প্রদায়িক ধর্ম আমার নেই—আমি সুফি কবির ডক্ত !

সিতারা। তোমার নাম কি ?

রহ। রহমৎ। তুমি তো আমার অনেক কথাই শুনে নিলে, তোমার নিজের পরিচয় আমার দাও।

সিতারা। যা দেখছো আমি তাই, এর বেনী পরিচয় আমার নাই।

রহ। তোমার দেশ কোথায় ?

সিতারা। জানিনা।

রহ। তুমি মুসলিম, না ক্রেস্তান, না ইব্রাহদী ?

সিতারা। আমি জীবনের যাত্রা-পথে দেশ, জাতি, ধর্ম, সব হারিয়ে বসে আছি।

রহ । তুমি আমার সঙ্গে এসো, তোমার পরিশ্রান্ত বলে মনে হচ্ছে—

আমার বাড়ীতে আমি তোমায় নিয়ে যাব ।

সিতারা । না, আমি যাব না !

রহ । কেন ?

সিতারা । আমি পথের—গৃহস্থের গৃহছায়া আমার জন্য নয় ।

রহ । তুমি এখন কোথায় যাবে ?

সিতারা । আমি জানিনা—আমার যাত্রা নিরুদ্দেশ ! আচ্ছা, যেখানে

সম্রাটের ছাউনি পড়েছে, সে যারগাটা এখন থেকে কত দূর ?

রহ । বেশী দূর নয়—ঐষে দেখা যাচ্ছে, ওরই পাশেই—এক

ক্রোশও হবেনা ।

সিতারা । তুমি কি সম্রাটের সঙ্গে দেখা ক'রতে যাবে ?

রহ । সে কথা কেন ?

সিতারা । এমনি জিজ্ঞাসা কচ্ছি—দেশের সবাইতো সম্রাটের কথা
আজ আলোচনা ক'চ্ছে ।

রহ । তা ক'চ্ছে । শুনেছি, পনরবৎসর পূর্বে তাঁর কথা নিয়ে আর

একবার এই রকমই আলোচনা হয়েছিল !

সিতারা । তুমি কি সত্যিই সম্রাটের সঙ্গে দেখা ক'রতে যাবে ?

রহ । যাব ।

সিতারা । কেন ?

রহ । বড় কৌতূহল হ'য়েছে । যার সম্বন্ধে চিরকাল এত আলোচনা

শুনে এলাম—যার কাজে সমস্ত দেশ একদিন উল্লাসিত হল,

আর একদিন স্তম্ভিত ও সন্নত হ'ল—সুযোগ যখন হ'ল, তাঁকে

একবার চোখেই দেখে রাখি ।

সিতারা। তুমি তাঁকে ভয় করনা ?

রহ। আমার ধর্ম আমার কাউকে ভয় করতে শেখায়নি !

সিতারা। যদি সম্রাট তোমায় বধ করেন ?

রহ। না হয় ক'রবেন। আমি চিরকাল বেঁচে থাকবো এ বিশ্বাস আমার নেই। আমি তাঁকে প্রশ্ন করবো—এ অত্যাচার কেন ? আচ্ছা, সম্রাট-সম্বন্ধে তুমি এত কৌতূহলী কেন ?

সিতারা। তুমিও যে কারণে কৌতূহলী। (তোমার নাম রহমৎ) বাল্যকালে আমার একটা ভাই ছিল, তোমার দেশে আজ আমার তার কথা মনে পড়েছে।

রহ। তুমি কতদিন তাকে দেখনি ?

সিতারা। অনেকদিন—কত যুগ হবে !

রহ। তুমি কে ? তোমার দেশ কোথায় ?

সিতারা। বলেছি তো—আমার দেশ নাই !

রহ। তুমি কি হিন্দুস্থানের ? যার কথা শুনেছি ? আপনি সম্রাটের সেই ?

সিতারা। আমি যাই, আমি যাই—ওই তোমার বন্ধু আসছেন, আমি এখানে থাকবো না !

রহমৎ। আমার প্রশ্নের উত্তর দিয়ে যাও—উত্তর দিয়ে যাও !

(সিতারার পশ্চাদস্বরূপ)

(সালেহ্ বেগের পুনঃপ্রবেশ)

সালে। এ পরোয়ানা সত্য নাও হ'তে পারে—সম্ভবতঃ এ আলি আকবরের ষড়যন্ত্র। (আমি জানি, আলি আকবর চিরদিনই

অস্তুরে-অস্তুরে সম্রাটের বিদ্রোহী !) রহমৎ—একি, রহমৎ কোথায় ? রহমৎ রহমৎ—সর্কানা ! আশুহারা উন্মত্ত বালক উদ্ভেজনায় বশে বোধ হয় একাই সম্রাটের শিবিরে গেছে । কিন্তু—কিন্তু—যদি সম্রাটের এই রূপই সত্য রূপ হয়, আরতো আমার চিন্তা করবারও সময় নাই ;) যদি—যদি—তাই হয়, আমি কি রক্ষা ক'রতে পারবো ? অনেক দিন অস্ত্র ধরিনি ! (দূরে একটা গাছ লক্ষ্য করিয়া পিস্তল ছুঁড়িলেন) না—আজও লক্ষ্যভ্রষ্ট হইনি ! কিন্তু—কিন্তু—যদি হাত কাঁপে !

[প্রস্থান

দ্বিতীয় দৃশ্য

খোবাসানের গ্রাম্য-প্রান্তরে সম্রাটের শিবিরাত্যস্তর

(সিরাজী ও আলি আকববের প্রবেশ)

সিরাজী । একি আলি, তোমার এ বেশ কেন ?

আক । আমি পালাচ্ছি সিরাজী, এই দরবেশের ছদ্মবেশে পালাচ্ছি— তোমায় ব'লে গেলাম । সম্রাট আবদালির সঙ্গে ছদ্মবেশে নিকটের গ্রামগুলি পবিদর্শন ক'রতে বেরিয়েছেন—এই উপযুক্ত অবসর !

সিরাজী । তুমি কোথায় যাচ্ছ ? আর কেনই বা যাচ্ছ ?

আক । তুমি জিজ্ঞাসা ক'চ্ছ—বুঝতে পাচ্ছ'না ? প্রাণের দায়ে যাচ্ছি !
শোন তোমায় বলি—সম্ভবতঃ আজ রাত্রিই সম্রাটের শেষ রাত্রি !

সিরাজী । সে কি !

আক । আমি নিকটের সমস্ত গ্রামের লোকেদের ভিতর উত্তেজনার
বীজ ছড়িয়ে এসেছি, বিশেষ এক জায়গায়, সে বীজ আর ব্যর্থ
যাবেনা ! সম্ভবতঃ আজ রাত্রিই সম্রাটের শেষ রাত্রি !

সিরাজী । তুমি কি সম্রাটের হত্যার ষড়যন্ত্র ক'রেছো ?

আক । তুমি যেন একটু আশ্চর্য হ'চ্ছ ? তোমার কি ধারণা ছিল,
শুধু হিন্দু-বেগমকে তাড়ানোর জন্য, আমি নিজের জীবনকে
বিপন্ন ক'রে পুনঃপুনঃ এই ষড়যন্ত্রে যোগ দিচ্ছি ? শোন,
বোকামি ক'রনা—অনেক দিন স্বামী-সঙ্গ পেয়েছো, এখন না
হয় বিধবা হবে ! তোমার স্বামীর মরা দরকার—শুধু তোমার
জনা নয়, সাফাভী-রাজবংশের প্রতিহিংসার জন্য ! যদি নাতির
আজ রাত্রে নিহত হয়, কাল সকালে আমি আসবো । আর,
কোনো গতিকে যদি বেঁচে যায়, আমি ইরানে আর ফিরবোনা —
তাই, এই দরবেশের বেশ প'রেছি !

সিরাজী । তুমি, তুমি তুমি আলি আকবর, তুমি ?

আক । হ্যাঁ, আমি । শোন, সমস্ত ইরান দেশ বিদ্রোহীতে পূর্ণ হয়েছে ।
আলি-কুলী সম্রাটের ভাইপো, সে-ও এক বিদ্রোহী-দলের
নেতা । কিন্তু বোধ হয়, সে বা ইরানী অভিজাতগণ বিশেষ
কিছু ক'রতে সাহস ক'রবেনা ! তাই, আমি আজ যে সব
স্থানে ঘা' দিয়েছি, সম্ভবতঃ তা' একেবারেই অব্যর্থ । এতদিন
আমি ভুল করেছি—গোড়াতেই আমার এদের শরণাপন্ন

হওয়া উচিত ছিল। যাক, সময় না পাকলে কিছু হয় না মানুষের দুর্ভাগ্য, যে সময়ের সঙ্গে লয় রেখে চলতে হয় !
সিরাজী। তোমার আমি অনেক দিনই জানি। নাদিয়েব উচিত ছিল আগে তোমার হত্যা করা।

আক। তোমার মুখে নূতন কথা শুনছি সিরাজী ! হ্যাঁ, আমি যা ভেবেছিলাম, এখন দেখছি তার চেয়েও বেশী !

সিরাজী। কি ভেবেছিলে ?

আক। মাঝে মাঝে তোমার মনে হ'তো, বুঝিবা তুমি কুলীখাঁকে একটু একটু ভালবাস। এখন দেখছি তুমি তাকে দস্তুর মত ভালবাস—চাই কি তোমার পতিব্রতা বলা যেতে পারে ! যাক মনে রেখো তোমার স্বামী যদি মরে, আমি ছাড়াও তার যথেষ্ট মরবার কারণ আছে, হিন্দুস্থানের অভিশাপ সাক্ষাভী-বংশের প্রতিহিংসা !) হয়তো কাল সকালে দেখা হবে, নগ্নতো আর হবে না ! চ'ললাম।

সিরাজী। শোন, যেওনা।

আক। কি বলতে চাও ?

সিরাজী। কেন তুমি আমার স্বামীকে হত্যা করবার ষড়যন্ত্র ক'রলে ? আমি তো কোনো দিন তোমার সে ইঙ্গিত করিনি !

আক। আমি শুধু তোমার স্বার্থের জগু তোমার ইঙ্গিতে কাজ করছিলাম, আমাকে তোমার এরকম একান্ত ভগিনীবৎসল ভাই বলে মনে করবার সুযোগ আমি তো কোন দিনই তোমার দিইনি সিরাজী ! শোন কোন কাজ অর্ধেক পর্য্যন্ত ক'রে ছেড়ে দেওয়া আমার স্বভাব নয়। একবার যখন রাজার বিরুদ্ধে ষড়যন্ত্র করেছি তার শেষ পর্য্যন্ত দেখবো। গোড়ায়

তুমিই আমাকে উত্তেজিত করেছিলে। হিন্দুস্থানে সে রাত্রির সেই উত্তেজনার জগু তোমার কাছে আমি কৃতজ্ঞ সিরাজী! তুমি যদি উত্তেজিত না করতে, তা হলে এই রকম লাথি, জুতো, আর কানমলা খেয়ে আমি বোধ হয় বরাবরই বেঁচে থাকতাম সিরাজী! প্রাণের মায়া আমার কখনো ছাড়েনি। আজও সেই প্রাণের মায়া নিয়েই চলি।)

সিরাজী। আমি আমার স্বামীর প্রেম হারিয়েছিলাম তাই, ফিরে পাবার জগু সেদিন তোমার—

আক। আজ কি তোমার মনে হচ্ছে, কুলীখা একান্ত তোমারই?

সিরাজী। আমি ছাড়া আজ তাঁকে দেখবার কেউ নেই।

আক। তুমি তাকে ঘৃণা করতে না?

সিরাজী। না-না-না। সে তুমি বুঝতে পারবে না।

আক। বুঝতে পারবো না কেন সিরাজী! অনেক অর্থ খরচ ক'রে বিদ্যা শিখেছিলাম, বুঝি সবই, পারি না কিছুই। তোমার অন্তর আমার কাছে খোলা কিতাবের মতই সরল ছিল। কিন্তু আমি বরাবরই ঘৃণা করতাম, এবং আজও করি। যদি বেঁচে থাকে—চিরদিন ঘৃণা করবো।

সিরাজী। তুমি যে ষড়যন্ত্র করেছ, কোন রকমে তা নাকচ করা যায় না?

আক। না, তীর নিকশিত হয়েছে; ফিরবার উপায় নাই।

সিরাজী। সম্রাটের ভারত ঐশ্বর্যের অর্ধেক যদি তোমার দিই।

আক। তুমি কে সিরাজী যে ভারত-ঐশ্বর্যের অর্ধেক তুমি সম্রাটের হ'লে আমার বণ্টন ক'রে দিচ্ছ? ছুদিন সম্রাট তোমার সঙ্গে কথা ক'রেছেন বলে, নিজের সৌভাগ্য-গর্বে ত্রয়োদশ-

বর্ষা বালিকার মত কথা ব'লোনা। আর আমার এখানে দাঁড়িয়ে থাকা নিরাপদ নয়, আশা করি আমার কথা তোমাব স্বামীকে ব'লবে না। মন দৃঢ় কর, এবং জেনে রাখ তোমার স্বামী ম'রবে, যদি আজ বাঁচে, এক সপ্তাহের ভিতর মরবে !

সিরাজী। যদি আমিই তোমার এখন বন্দী করবার আদেশ দিই ?

আক। পবীক্ষণ করে দেখতে পার, তবে তোমার আদেশ প্রতিপালিত হবে না।

সিরাজী। প্রতিপালিত হবে না ?

আক। না, তোমারই প্রদত্ত অর্থে সকলের হাত আমি নিষ্ক্রিয় ক'রেছি। আর তোমাব স্বামীটির উপর আপাততঃ কোন ইরানী কর্মচারী বা সৈনিক পুরুষের প্রবল অনুরাগ নাই। তারা সবাই সম্ভ্রান্ত, কোন্ দিন কার প্রাণ যায়। মাত্র একজন পূর্ববৎ সম্রাটের ভক্ত আছে, সেও এখন শিবিরে নাই।

সিরাজী। যাও—

আক। দেখছি হিন্দুস্থানী বেগমই জাহ্নু জানতো না, জাহ্নু জানে কুলিখা। তোমার সঙ্কল্প এতটা বিচলিত হয়েছে বুঝলে, তোমার কাছে আমার পরিপক্ব রাজনীতির পূর্ণসিদ্ধির কথাটা বলতাম না। যাক, তোমার চেয়ে আমি একধাপ বেশী এগিয়ে গেছি। পবম্পরের বিভিন্ন স্বার্থের খাতিরে এটা অবশ্যস্বাবী, তুমি ছঃখ করোনা।

সিরাজী। না তুমি যাও—

আক। আচ্ছা, চললাম—

সিরাজী । সত্য, আলির দোষ কি ? আমিই আমার স্বার্থ সিদ্ধির জন্য আলিকে প্রশ্রয় দিচ্ছি । তার অন্তর খুঁড়ে তার সৃষ্ট প্রতিহিংসার সরীসৃপকে আগিয়ে দিচ্ছি এখন সে আমার বশের অতীত !

[প্রস্থান]

(নাদির ধীবে ধীরে প্রবেশ করিয়া, কয়েকবার পরিক্রমণপূর্বক বাহিরের আকাশের দিকে চাহিয়া দেখিলেন)

নাদির । সে একদিন বলেছিল, ধরা দিলেই ধ'রতে পারে, নইলে ধরে সাধা কার ! সমস্ত ইরানী-সাম্রাজ্যে তার চিহ্ন নাই । সম্ভবতঃ সে পলাতককে আর পাওয়া যাবে না ! ক্লেশে এইদিকে এস—

(ধীরে ধীবে মির্জাকথ নাদিবের নিকট আসিল । 'নাদির তাহাকে দূরের এক পর্বতশ্রেণী দেখাইলেন)

ঐ দেখতে পাচ্ছ, মেঘের মত আকাশের গায়ে মিশে আছে ঐ যে গিরিশ্রেণী, যার কপালে চাঁদের টীপ, ওর নাম আল্লা-হো-আকবর ! ওইখানে উদার আকাশের নীচে এক আধিত্যকা ছিল, আজও সম্ভবতঃ আছে কিন্তু তার সে রূপ নিশ্চয়ই আর নাই ।

ক্লথ । ওখানে কি সম্রাট ?

নাদির । বলছি, কিন্তু ক্লথ তুমি আমাকে সম্রাট ব'ল কেন ?

ক্লথ । সকলে যে আপনাকে ওই নামেই ডাকে ।

নাদির । তাহেব কাছে আমি সম্রাট, তোমার কাছে তো সম্রাট নই ক্লথ ?

রুখ্ । ভাই সাহেব !

নাদির । হ্যা, ! ভাই সাহেব ! শোন আমি যেমন তোমার ভাই সাহেব, তোমার বাবারও তেমনি একজন ভাই সাহেব ছিলেন । ওইখানে - ওই গিরিশ্রেণীর ভিতর অধিত্যকার এক অতি ক্ষুদ্র পল্লীতে তিনি বাস ক'রতেন—নগরের দূষিত বায়ু তাঁর গায়ের লাগেনি ।

রুখ্ । ওখানে আমার বেড়াতে নিয়ে যাবেন ভাই সাহেব !

নাদির । যদি সময় পাই নিয়ে যাব । কিন্তু সাম্রাজ্যের সভ্যতার হাত থেকে ও-স্থান কি আপনাকে বাঁচিয়ে রাখতে পেরেছে ! তুমি যখন বড় হবে, ঈম্পাহান, তিহারান, সিরাজ কি মেসেদে বাস না ক'রে যদি পার ওইখানের কোনো পল্লীতে বাস ক'রো । তোমার বাবাকে এ স্থানের কথা আমি কখন বলিনি । বললেও সে আসতে পারতো না—তুমিও বোধ হয় পারবেনা ।

(নাদির গভীর চিন্তায় ডুবিয়া গেলেন)

রুখ্ । আমার কি আর কিছু বলবেন ভাই সাহেব !

নাদির । না, তুমি যাও, অনেক রাত্রি হয়েছে শোওগে !

[মির্জা রুখের গ্রন্থান

(আহমেদ আবদালির প্রবেশ)

খোরাসানের পল্লী দেখলে আবদালি !

আমেদ । দেখলাম সত্ৰাট !

নাদির । কেমন মনে হ'ল ?

আমেদ । স্থির, অচঞ্চল যেন নিশ্চিণ !

নাদির । অথচ এই প্রদেশের এই পার্বত্য পল্লী থেকে যে প্রাণ আহরণ ক'রেছিলাম—তারই পরিবেষণে সমস্ত ইরান-সাম্রাজ্য একদিন প্রাণবান্ হ'য়েছিল । এ প্রদেশ নিস্রাণ হ'ল কেমন করে ।

আহমেদ । আমি বলেছি—যেন নিস্রাণ । হয়তো প্রাণ আছে—কিন্তু তার স্পন্দন নাট ।

নাদির । আমি আশ্চর্য্য হ'চ্ছি আবদাল্ , যে খোরাসান প্রদেশেও এমন কেউ নেই যে আমার এই শাস্তি-বিধানকে অত্যাচার মনে ক'রে প্রতিবাদ কর্তে সাহস করে ! সমগ্র ইরান-সাম্রাজ্যের মধ্যে শুধু এই স্থানটুকুতেই আমি আশা করেছিলাম—এমন কারো দেখা পাব যে প্রকাশভাবে আমার মৃত্যু-কামনা করে রেজাকুলির দণ্ড শুনে, যখন শুন্লাম সমস্ত ইরান-জাতি আমার কার্য্যের প্রতিবাদ ক'চ্ছে, এমন কি আমার ভ্রাতৃপুত্র আলি কুলিখাঁ পর্য্যন্ত আব আমার সঙ্গে সাক্ষাৎ কর্লেনা, আমি আশ্বস্ত হয়েছিলাম—ভেবেছিলাম যে ইরান-জাতিকে আমি এত বড় ক'বেছি যে অত্যাচার তারা সহিবে না ! এখন দেখছি—সে আশা অমূলক !

আহমেদ । আপনি শত্রু অন্বেষণ ক'রছেন সম্রাট ?

নাদির । নিশ্চয়ই । ন'ইলে রাজ্য-পরিদর্শনে আমার আর কি উদ্দেশ্য থাকতে পারে ? আমি প্রতিদিন অনেক গুপ্ত পত্র পাই ।

আহমেদ । সে সব পত্রে কি লেখা থাকে জানতে পারি কি সম্রাট ?

নাদির । “অত্যাচারীর মৃত্যু অবশ্যস্বাবী”—

“তোমার উপযুক্ত শয্যা কববের নীচে”—

“এতদিন তোমার মৃত্যু হয়নি কেন ?”—

“যে অস্থি-স্তুপ তুমি নির্মাণ ক’রেছ, তাতে সর্বশেষ
মুণ্ড তোমার”—

“সমগ্র ইরাণ-জাতির অভিশাপ দিন দিন তোমায় দোজাকের
দিকে টেনে নিয়ে যাচ্ছে”—আরও কত কি !

আহ্‌মেদ । পত্র কি প্রায়ই আসে ?

নাদির । হ্যাঁ, প্রায়ই আসে । আমি প্রতিদিন আহারের পর আমার
প্রিয়তমা বেগম সিরাজীর ঘরে পত্র নিয়ে যাই । সে-ই আমার
প’ড়ে শোনায় । আমি আমোদ পাই ।

আহ্‌মেদ । তার প্রতিকার-স্বরূপ কি করেন ?

নাদির । একটু একটু করে শাস্তির মাত্রা দিন দিন বাড়িয়ে চলি, এই
আশায়—যদি সেই শাস্তির ফলে সমস্ত ইরাণ-জাতির সজীব
মূর্তির একবার দেখা পাই !

আহ্‌মেদ । এই কি আপনার শাস্তি-দানের তত্ত্ব-কথা !

নাদির । ঠিক এই না হ’লেও, অনেকটা এই বটে । তোমার কি মনে
হয়েছিল—আমি নিজের মৃত্যু এড়াবার জন্য অত্যাচার করছি !

আহ্‌মেদ । জাঁহাপনা, আমি ক্ষুদ্র-বুদ্ধি !

নাদির । কত নূতন নূতন শাস্তি আবিষ্কার ক’রলাম, কিন্তু ইরাণ-জাতির
কিছুই হ’ল না—এরা ঠিক সেই পূর্বেরই মত নিষ্ক্রিয়,
বিলাসী, বিদ্রোহ-পরায়ণ, ভীকু র’য়ে গেছে ! আমি এত দণ্ড
দিয়েও এদের মর্শ্বস্থানে আঘাত দিতে পারিনি । এ জাতি
আমাকে বরাবর ঘৃণা ক’রেছে, অথচ মুখের সামনে আমার
কোনো কাজের কোনো প্রতিবাদ ক’রতে সাহসী হয়নি ! আজ

আমার মনে হ'চ্ছে, বুঝি শান্তিই এদের প্রাপ্য ! এরাও তাই মনে করে—ন'ইলে, প্রতিবাদ ক'রতে সামনে এসে দাঁড়াত !

(আগাবাসীর প্রবেশ)

আগা । জাঁহাপনা ।

নাদির । কি সংবাদ আগাবাসী ?

আগা । সিরাজী বেগম এই মুহূর্তে আপনার সঙ্গে সাক্ষাৎ ক'র্তে চান । ব'ল্লেন, বিশেষ প্রয়োজন ।

নাদির । তাঁকে আসতে বল । আবদাল—

(আগাবাসী ও আহমেদ আবদালের প্রস্থান)

(সিরাজী বেগমের প্রবেশ)

এত ব্যস্ত কেন সিরাজী—তোমায় যেন একটু বিষণ্ণ দেখছি !
এরকম মুখের ভাব তোমার কখনো তো দেখিনি !

সিরাজী । জাঁহাপনা, আমি সর্বনাশ ক'রেছি ! আপনি আজ আর কাউকে মৃত্যুদণ্ড দেবার আগে, আমায় বধ করুন !

নাদির । আমি তো কিছুই বুঝলাম না সিরাজী—ব্যাপারখানা কি ?

সিরাজী । আমি রাজদ্রোহিণী ।

নাদির । তার অর্থ ?

সিরাজী । আপনার জীবনের বিক্রমে যে ষড়যন্ত্র লালিত হ'য়েছে,
আমারই অর্থে তা' পুষ্ট !

নাদির । হ'তে পারে ! কিন্তু আমায় কি ক'রতে হবে ?

সিরাজী । অগ্ন্যাগ্নি রাজদ্রোহাপরাধীদের মত আমারও হত্যার আদেশ
দিন !

নাদির । তুমি এখনও ধরা পড়নি কিম্বা আমার ভারপ্রাপ্ত কর্মচারী তোমায় সন্দেহ করেনি ।

সিরাজী । কিন্তু আমি ব'লছি—আমার অপরাধ স্বীকার ক'রছি । (জাহাপনা, আমার কথা সত্য ।) আজ যে ক্ষুদ্র ক্ষুদ্র রাজদ্রোহীতে ইরাণ-সাম্রাজ্য পূর্ণ, তার মূল উৎস আমি—আমায় হত্যা করুন !

নাদির । বোধ হয় তোমায়-আমায় মিলন হবার এই সুদীর্ঘ কাল পরে এই প্রথম তুমি একটা সত্যকথা আমাব সন্মুখে বলতে পেরেছ ।

সিরাজী । তবে আমায় বধ করুন ।

নাদির । না ; এত দিন যখন ষড়যন্ত্র-কারিণীকে নিয়ে বিষাক্ত হারেমে বাস করতে পেরেছি, আজও পাববো । তোমার ষড়যন্ত্রের ফল ভোগ করবে ইম্পাহান, সিরাজী ও তিহারানের অভিজাত-গণ—আর, তুমি বেঁচে থেকে তাই দেখবে !

সিরাজী । আপনার জীবন বিপন্ন । ষড়যন্ত্রকারীগণ আজ আপনাকে হত্যা করবে ।

নাদির । আগাবাসী !

(আগাবাসীর প্রবেশ)

আহ্‌মেদ আবদালি—এই মুহূর্তে—

[আগাবাসীর প্রস্থান]

সিরাজী । দোহাই জাহাপনা, আমার কথা বিশ্বাস করুন !

নাদির । মাত্র আজ তোমার কথা আমি সম্পূর্ণ বিশ্বাস কচ্ছি ।

সিরাজী । এ ষড়যন্ত্র বিশ্বাসঘাতক বিদ্রোহী আলি আকবরের সৃষ্টি

নাদির । কিন্তু আমাব ভারপ্রাপ্ত কোনো কর্মচারী কোনো দিন মুলের সন্ধান করেনি । তারা শাখা-প্রশাখা কর্তন ক'চ্ছে !

সিরাজী । তারা সবাই আলি আকবরের বশীভূত । আলি আকবর তাদের অর্থ দিয়ে বশ ক'রেছে—আর সে অর্থ আমারই । (আমারই অর্থে সমগ্র ইরান-সাম্রাজ্য ক্ষুদ্র ক্ষুদ্র রাজদ্রোহী মাথা উঁচু করে উঠেছে । আবার তারাই প্রতিদিন আলি আকবরের অনুচরদের দ্বারা ধৃত হ'য়ে মৃত্যুদণ্ডে দণ্ডিত হ'চ্ছে—তাদেরই অস্থি স্তূপীকৃত হ'য়ে জাঁহাপনার কলঙ্ক-ঘাষণা ক'চ্ছে !)

নাদির । বাঃ বাঃ বাঃ—সোভানাল্লা, মাশে-আল্লা ! হারেম বিষাক্ত—পারিবারিক জীবন বিষাক্ত—প্রজা বিষাক্ত—তবু এই বিষময় অস্তিত্বের মধ্যে, হে বিষ-নিশ্চন্দী ভুজঙ্গী, তোমার আজ আমার আলিঙ্গন ক'র্তে ইচ্ছা হচ্ছে !

(আহমেদ আবদালির প্রবেশ)

আবদাল !

আহমেদ । সম্রাট !

নাদির । আমি যদি মরি, ইরান-সাম্রাজ্য তোমার !

আহমেদ ! একথা কেন জাঁহাপনা ? আপনি ম'রবেন কেন ?

নাদির । ম'রবো কেন ? এ-তো বড় আশ্চর্য্য কথা আবদাল—ম'রবোনা ?
—আজ হোক, কাল হোক, দশদিন পরে হোক—যখন ম'রবো,
এ সাম্রাজ্য তোমার !

আহমেদ । কেন সম্রাট ! শাহজাদা নাসিরকুলি জীবিত ! শাহজাদা রেজাকুলা অন্ধ হ'লেও তাঁর শিশু পুত্র জীবিত । তাঁরা সম্রাটের বংশধর ।

নাদির । বংশধর ! মনে ক'রনা, আমি তোমায় ওদের চেয়ে ভালবাসি
ব'লে খুশি হ'য়ে সিংহাসন তোমায় দিয়ে যাচ্ছি ! (হিন্দুস্থানে
আমি তোমায় সন্দেহ ক'রেছিলাম—সে সন্দেহ একেবারে
আমার অন্তর থেকে লোপ পায়নি । আমি জানি, তুমিও
বিশ্বাসঘাতক হ'তে পার !) তোমার শক্তিকে বিশ্বাস কবি—
তোমার ভক্তিকে নয় ! যদি কোনো দিন তুমি রাজ্যেশ্বর
হও, তোমার প্রতি আমার এট উপদেশ র'ইল—সে রাজ্য
শক্তিমানের জন্ত রেখে যাবে, ভক্তিমান পুত্র ও আত্মীয়ের
জন্ত নয় !

আহ্‌মেদ । আমার প্রতি অণু কোনো আদেশ আছে ?

নাদির । আছে । আজ এট শিবিরে আলি আকবর কর্তৃক নিযুক্ত
আমার সমস্ত দেহরক্ষী সৈন্যদল এবং যাবতীয় গুপ্তচরকে তাগুতার
উন্মুক্ত ক'রে ধন দান কর, খাদ্য দান কর । তাদের উৎসব
ক'রতে দাও—উৎসবের পূর্বেই জানিয়ে দেবে, কাল সকালে
তাদের সকলের মৃত্যু !

আহ্‌মেদ । দেহরক্ষী সৈন্যদলকে ?

নাদির । ইঁ্যা—আর গুপ্তচর । বিরক্তি নয়, যাও ! আর আলি আকবরকে
একবার ডেকে দাও—যে কাজে থাক !

[আহ্‌মেদের প্রস্থান

ভুল হ'য়ে গেল ! আলি আকবরকে বোধ হয় পাওয়া যাবেনা
সিরাজী !

সিরাজী । না সম্রাট, সে পলায়ন করেছে !

নাদির । আজ আলি আকবরের সঙ্গে সত্যই দেখা ক'রতে ইচ্ছা হ'চ্ছে !

সে পলায়ন ক'রলে—আমায় এত ছোট ভাবলে ! (সিরাজী,
আজ তোমার ধারণা—তুমি আমায় ভালবাস ?

(সিরাজী নীরব রহিলেন)

তোমার মনে হ'চ্ছে—আমায় প্রতি অধীর-আগ্রহে তুমি আমায়
বাঁচাবাব চেষ্টা ক'চ্ছ ! তুমি আমায় বাঁচাবে না—কেউ আমায়
বাঁচাবে না ! আমি নিজের ইচ্ছায় ও শক্তিতে বাঁচবো—
নিজের ইচ্ছায় ও শক্তিতে ম'রবো !

সিরাজী । আমায় কতল ককন জনাব ! হিন্দুস্থানের হত্যাকাণ্ড—
পারস্যের হত্যাকাণ্ড—এই সর্বদেশব্যাপী বিপুল হত্যাকাণ্ডের
মধ্যে, আমি আমার ছায়া দেখে ভয় পাচ্ছি ।

নাদির । সে কি সিরাজী—তুমি তোমার কৃত-কর্মের জন্য ভয় পাও ?
আমি আজ সমস্ত দেশে আমার কার্য কি ফল প্রসব ক'রেছে
তাঁই দেখতে বেরিয়েছি । তথাপি, তোমায় ব'লছি সিরাজী,
তুমি বা তোমার আলি আকবরের সৃষ্ট ষড়যন্ত্রের সাধ্য নাই
যে আমার কেশাগ্রও স্পর্শ করে ! আজ তুমি বোধ হয়
বুঝতে পেরেছ, ইরাণের অভিজাতদের ষড়যন্ত্রে শুধু তাদেরই
অস্থি-স্তূপ দিন-দিন বর্দ্ধিত হ'য়েছে—আমায় কিছুই হয়নি !
সিরাজী, সিরাজী !

(সিরাজী পানীয় দিল, নাদির পান করিলেন)

সিরাজী । আমার পাপের প্রায়শ্চিত্ত ?

নাদির । আবশ্যিক নাই সিরাজী ! পাপই মানুষের প্রকৃতি, পাপেই
তার আনন্দ—সে পাপাত্মা, পাপ-সম্ভব ! কোনো ধর্মের কোনো
ঈশ্বর তাকে এ পাপ থেকে মুক্তি দিতে পারেনি—পারবে না !

(নাসিরকুলির প্রবেশ)

কি বলতে এসেছি? কি সংবাদ এনেছি!

নাসির। জাঁহাপনা, শিবিরের সর্বত্র বিষম চাঞ্চল্য লক্ষ্য ক'ছি—
আপান আপনার আদেশ প্রত্যাহার করুন!

নাসির। আমার মুখ দিয়ে মিথ্যা আদেশ বেরোয় না নাসিরকুলি!

নাসির। শিবিরের বাইরে—শিবিরের ভিতরে—সর্বত্র জাঁহাপনার
নূতন আদেশের মুক প্রতিবাদ অনুভব ক'ছি। খোরাসানের
স্থির শাস্ত পার্শ্বত্যা-প্রকৃতি যেন চঞ্চল হয়ে উঠেছে।

নাসির। এই মুক প্রতিবাদকে আমি মুখর ও মূর্ত্ত ক'রতে চাই!

নাসির। জাঁহাপনা, আমি শঙ্কিত হ'ছি।

নাসির। আর আমার কাছে নয়, ভীকু পুত্র আমার!—প্রিয়তম বৎস,—
ইরান-সাম্রাজ্যের ভবিষ্যৎ সম্রাট তুমি!

নাসির। কেমন ক'বে এ সাম্রাজ্যের হাত থেকে আমি পরিত্রাণ পাব!
রেজা চক্ষু দিয়ে পরিত্রাণ পেয়েছে—আমি কি মূল্য দেব?

নাসির। তোমার পরিত্রাণ নাই—তোমাকে এ সাম্রাজ্য গ্রহণ ক'র্ত্তেই
হবে! তুমি আমার প্রিয়তম পুত্র, সম্রাট নাসির শাহের
একমাত্র চক্ষুমান্ বংশধর—তুপরি, তুমি ভারত-সম্রাটের
জামাতা—তুমি না ব'সলে ময়ূর-সিংহাসনের মর্যাদা থাকবে
কেন? ঔরঞ্জিবের পর হিন্দুস্থানে যে ক'জন বাদশা ওতে
বসেছে, সবাই তোমারই মত বংশধর!

(নাসিরকুলি সম্রাটের চোখের দিকে চাহিয়া

তাঁহার বিক্রপের অর্থ ঠিক হৃদয়ঙ্গম করিতে না

পারিয়া সভয়ে প্রস্থান করিল)

(মৌলানা রহমৎ খাঁর প্রবেশ)

আশা করি আমি সম্রাটের শিবিরে সম্রাটের সম্মুখে উপস্থিত
হ'য়েছি !

নাদির । সিরাজী—

(অন্তরালে ষাইবার ইঙ্গিত করিলেন)

ই্যা ভাগ্যবান যুবক, তোমার অনুমান সত্য ।

রহ । আমি আশ্চর্য্য হ'চ্ছি সম্রাট । আমি শুনেছিলাম, আপনি
দুর্ভেদ্য প্রহরী-দুর্গে বেষ্টিত হয়ে থাকেন । এত সহজে আপনার
দেখা পাব মনে করিনি ; দেখলাম শিবির প্রহরীশূন্য—এক-
একবার মনে হচ্ছিল বুঝি এ সম্রাট-শিবির নয় ।

নাদির । ব'লেছি তো যুবক, তুমি ভাগ্যবান্ । কে তুমি ?

রহ । আমি এই খোরাসানের পল্লীবাসী ।

নাদির । খোরাসানের পল্লীবাসী ! (সিরাজী, অন্তরনের অন্তরালে
তোমাঘ লুকিয়ে থাকতে হবে না—একটা আশ্চর্য্য দৃশ্য দেখবে
এস ।

(সিরাজীর প্রবেশ)

সিরাজী এই যুবক খোরাসানের পল্লীবাসী—চেষ্টা দেখ—আশ্চর্য্য নয় ?
সম্ভবতঃ আমি যাকে দেখতে চাই—এ সেই ।

রহ । সম্রাজ্ঞী—আমার অভিবাদন গ্রহণ করুন । আমি সত্যই
ভাগ্যবান ।

নাদির । ভাল—ভাগ্যবান যুবক) কি নিমিত্ত তুমি উন্নতের মত সম্রাট-
শিবিরে ছুটে এসেছ, তাকি তুমি জান ?

রহ । সম্রাটকে দর্শন ক'রতে, আর সমগ্র ইরান-জাতির স্বপক্ষে সম্রাটকে প্রশ্ন ক'রতে ।

নাদির । উত্তম । তোমার দর্শন-লাভ হয়েছে । কি প্রশ্ন ক'রতে চাও—
এইবার প্রশ্ন কর ।

রহ । সম্রাট, আপনাব জীবন এমন বিচিত্র যে তার নামঞ্জুর সূত্র আমরা সন্ধান ক'রতে পারিনি । পালন না পীড়ন, ধ্বংস না সৃষ্টি, ইরানের মুক্তি না ইরান-সাম্রাজ্যকে দাসত্বের কঠিন নিগড়ে বন্ধন—আপনার কার্যের যথার্থ উদ্দেশ্য কি ?

নাদির । তোমাদের কি মনে হয় ?

রহ । আমরা বুঝতে পারিনি । আপনার বীৰ্য্বে সমগ্র ইরান মুগ্ধ—
ঔদার্য্যে বিস্মিত—নিষ্ঠুরতায় স্তম্ভিত । আপনি বিচিত্র—অর্থহীন—
রহস্যময় ! কে আপনি লোকোত্তর পুরুষ ! আপনার যথার্থ পরিচয় কি ? আপনি বাজা না পয়গম্বর না ঈশ্বর স্বয়ং ? কে আপনি—আপনার দৃষ্টিতে বহুশিখা, নিঃশ্বাসে ভূজঙ্গের শ্বাস, মুখমণ্ডল কোমলতার চিহ্ন-লেশ-পরিশূন্য ! আপনি ভীষণ, আপনি ভয়াল—আপনার এক ইঙ্গিতে রাজা রাজ্য-হারা হয়, দেশ রক্তস্রোতে প্লাবিত হয়, ভিখারিণী সম্রাজ্ঞী হয়, সম্রাজ্ঞী ক্রীতদাসীর আকার ধারণ করে—রাজসিংহাসন, রাজমুকুট, পথের ধূলায় গড়াগড়ি যায় । হে ভয়ঙ্কর, আপনি কে ? অথচ আপনার আকর্ষণ অসামান্য !

নাদির । যুবক ! তোমার বর্ণনাশক্তির প্রশংসা করি । বোধ হয়, তুমি শিক্ষিত যুবকগণের নেতা । দেখে সুখী হ'লাম, খোরাসানের সর্বত্র অধিবাসীবৃন্দ আজ তাদের পৈত্রিক মাংসপেশীর শক্তি হারিয়ে, ইরানের অভিজাতের মত সাধু-ভাষায় কথা কইতে

শিখেছে। কিন্তু তোমার ভিতর আমি আর কিছুই সন্ধান পাব মনে ক'রেছিলাম। (তোমার আকৃতি দেখে তোমায় একটু স্নেহ করতে ইচ্ছা হয়) কিন্তু, কিন্তু, কিন্তু, নিয়তি তোমায় এখানে প্রেরণ করেছে। তোমার মত ছ'চার-জন নিরীহ খোরাসানীর মৃত্যু আবশ্যিক।

রহ : তা জানি সম্রাট—আমি জেনেই এসেছি! তাতে আমার হুঃখ নাই; কিন্তু আমি উত্তর শুনতে চাই, আপনার পরিচয় চাই। শুনুন সম্রাট! আপনি যদি রাজা হন, নিরুপায় প্রজাবর্গকে হত্যা ক'রবেন না, তাদের পালন করুন—যদি পয়গম্বর হন, মানবকে মুক্তির উপায় দেখিয়ে দিন—আর যদি ঈশ্বর হন, আপনার সৃষ্টি এ জীব-জগতেব প্রতি করুণা-প্রদর্শন করুন!

নাদি: শোন যুবক! আমি রাজা ন'ই, কৃষকপুত্র—পালনের ছলে প্রজাদের ঘুম পাড়িয়ে রাখা আমি অনাবশ্যক মনে করি—প্রজা-পালন আমার কর্তব্য নয়। আমি পয়গম্বর ন'ই, যে মানুষের মুক্তির ভ্রাস্ত্র-ধারণা পোষণ করি। আমি ধর্ম-শাস্ত্র-নির্দিষ্ট ঈশ্বরও ন'ই, যে সর্বভূতে দয়া-প্রকাশ ক'রবে।

রহ। হে ভয়াল, হে ভীষণ, তবে তুমি কে—তুমি কে ?

নাদি: আমি ঈশ্বরের প্রতিনিধি—জগতের শাস্তিদাতা। যে ঈশ্বর রাত্রি-দিন সর্বভূতে দয়া করে—ক্রেস্তান সাধুর, সুফি কবির, হিন্দু বৈষ্ণবের সে ঈশ্বর নয়—এক প্রতিবিধিৎসু ঈশ্বরের! যে মানুষের সামান্য ক্রটিও ক্ষমা করে না, জাতির ক্রটি ক্ষমা করে না—সেই ক্ষমাহীন, দয়াহীন, বিচারক ঈশ্বর আমার পৃথিবীতে পাঠিয়েছে—পাপীর দণ্ড-বিধান ক'রতে! শোন যুবক, জীবনে মাত্র তিনবার আমি তোমায় বর্ণিত, সর্বভূতে দয়াবান্ ঈশ্বরের

কাছে প্রার্থনা ক'রেছিলাম—একবার অতি শৈশবে যখন।
আমার জননী উজ্জ্বলী দস্যু কর্তৃক অপহৃত হ'য়ে অতি নিষ্ঠুর
মৃত্যু উপহার পেয়েছিলেন—আর একবার, যখন নাইশাপুরে।
কৃতঘ্ন শাসন-কর্তা আমায় তার রাজ্য হ'তে নিৰ্বাসিত করে—আ
একবার অতি সম্প্রতি—কোনো বারই আমি তার অস্তিত্বে
সাড়া পাইনি। কিন্তু এই প্রতিবিধিৎসু ঈশ্বর প্রতি ব
আমায় হাত ধ'রে নিয়ে গেছে—নব-নব জীবন-রসের মধ্য দি
জীবনের বিচিত্র অভিজ্ঞতার !

বহু। বৃথা আশা ! এ স্তূপীকৃত গর্কের আবরণ ভেদ ক'রে প্রকৃত
অন্তিম মানুষ্যেব সন্ধান আমায় কে দেবে ?

নারদ। গর্কের আবরণ নিজের হাতে না ভাঙলে প্রকৃত মা
সন্ধান পাবে না যুবক ! শুধু প্রশ্নে হবে না—স
আঘাত দিয়ে এ আবরণ ভাঙ'বাব সাহস আছে তে'
যদি থাকে—এই অস্ত্র নাও, আঘাত কর।

রহমৎ। জাঁহাপনা, আমি কখনো মানুষকে অস্ত্রাঘাত করিনি !

নারদ। তাহ'লে আঘাত স'ইবার জন্য প্রস্তুত হও যুবক ! পৃথিব
দুই শ্রেণীর মানুষ জন্মান—একদল আঘাত করে, আর ৫
দল আঘাত সয়। তুমি যখন অস্ত্রাঘাত ক'রতে শেখনি,
আঘাত তোমায় নিতে হবে ! প্রস্তুত হও।

রহমৎ। বৃথা—বৃথা—বৃথা।

(রহমৎ অভিব্যক্তির মত অগ্রসর হইয়া নারদের অস্ত্রের উপর গিয়া পড়িল)

(সিতারার প্রবেশ)

নাদির । ভারতনারী ! না—সিতাবা, সিতারা, সিতাবা,
সিতারা !

(সিতারাকে আলিঙ্গন করিতে উজ্জত হইলেন)

(সালেহ্বেগের প্রবেশ)

সালে । না, শুধু সিতাবা নয়—তার পশ্চাতে আরো একজন,—যে
মার গর্বেব আবরণকে আজ ভেঙে ফেলবে !

নাদির । সিবাজী, সিরাজী ! এসেছে—এসেছে, সত্যিকার
খোঁরাসানী ! সবাই একসঙ্গে এসেছে, একসঙ্গে এসেছে । তোমার
কীর্তির অভিজাতগণ যা পারেনি, আজ সেই অসাধ্য-সাধনের সম্ভাবনা
যেছে ! সালেহ্বেগ, তুমি আমাব সঙ্গে যুদ্ধ ক'রবে ?

সালে । না, তোমার সঙ্গে যুদ্ধ ক'রবো না ! প্রতিবিধিৎসু ঈশ্বর
যে পাঠিয়েছে—তোমার মনুষ্যত্ব-আবরণকাবী গর্বে পশুকে হত্যা
ইবাণকে তোমার হাত থেকে মুক্ত ক'রবে !

নাদির । পারবে ?

সালে । হ্যাঁ, পারবো ! যদি পশুবলই জগতে একমাত্র বল হ'ত,
হতেন না ! তুমি আজ ম'রবে, ম'রবে, ম'রবে !

[সালেহ্বেগ নাদিরকে অস্ত্রাঘাত করিলেন । প্রথম আঘাত সিতারার গায়ে লাগিল ।
প্রবলী আঘাতে নাদির সিতারাকে লইয়া পড়িয়া গেলেন । সিতারা পড়িয়া গেলে
নাদির সহসা ঘেন বলহীন হইলেন । সালেহ্বেগ সেই অবকাশে নাদিরকে পুনরায়
অস্ত্রাঘাত করিলেন ।]

নাদির । সিতারা, সিতারা !

সিরাজী । আহ্‌মেদ খাঁ আবদালি—আহ্‌মেদ খাঁ আবদালি !

নাদির । কাউকে ডাকতে হবে না সিরাজী ! আমি একা মারতেও

দিখিজয়ী

পারি, ম'রতেও পারি। ছিঃ—সালেহ্বেগ ! তুমি আমার যুদ্ধ ক' অবকাশও দিলে না !

সালে। তুমি জগৎকে হত্যা দিয়েছ, প্রতিবিধিৎসু ঈশ্বর তাই তোমার হত্যা ছাড়া—আর কিছুই দেবেনা !

নাদির। ঠিক, ঠিক, ঠিক কথা—আমি ভুলে গিয়েছিলাম। সালেহ্বেগ, তুমি ছাড়া আর কেউ পা'রত না—আফসারি-রক্তপাতের জন্ম দ্বিতীয় মানুষ ইরানসম্রাজ্যে ছিল না ! তবে শোন, মৃত্যুর সম-তোমায় শেষ সত্যকথা ব'লে যাই ! তুমি জাতির কল্যাণের জন্ম আমার হত্যা করোনি ! একদিন তুমি আমারই মত ইরানকে বাঁচাতে চেয়েছিলে—পারনি ! সে শক্তি তোমার ছিল না। তোমার অন্তরের সেই নপুংস আত্মা আমার রক্তে আজ তৃপ্ত হল ! (সালেহ্বেগের হাত হইতে অস্ত্র পড়িয়া গেল) তথাপি, তুমি শুধু নরহত্যাই ক'রেছ—পশুকে মারতে পারনি ! সে সাধ্য—তোমার নেই, আমার নেই—কারো নেই। তোমার আগে অনেক আদর্শবাদী এসেছিল, জগতে সাম্য বিধান ক'রতে—তারা পারেনি ! হয়তো, স্বয়ং ঈশ্বরও একদিন জগৎকে ভাল ক'রতে চেষ্টা ক'রেছিলেন—তার চেষ্টাও ব্যর্থ হ'য়েছে ! তথাপি—সিতারা, সিতারা ! শোন সালেহ্বেগ, একদিন যে ঈশ্বর পৃথিবীকে ভাল ক'রতে চেয়েছিল, তার একবিন্দু নিদর্শন সম্ভবতঃ এই অভিশপ্ত পৃথিবীতে আজও প'ড়ে আছে !

(সিতারার কোলে ঢলিয়া পড়িলেন)

সালে। বন্ধু, তোমার কথাই সত্য ! তুমি আমার কল্পনার চেয়ে সত্যই বৃহৎ ! কে কোথায় আছ—শীঘ্র এস ! সম্রাট নাদিরশাহ, তাঁর শিবিরে হত হ'য়েছেন—আমিই তাঁকে হত্যা ক'রেছি ! প্রতিশোধ নেবার জন্ম—কে শেষ ভক্ত আছ, শীঘ্র এস !

